

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[४५] अनुओगदारं

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किंचित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।


* मूल आगम-मंजूषा के संपादन की किंचित् भिन्नता का स्वीकार *

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:- Mnui Deepratnasagar, MangalDeep society, Opp.DholeswarMandir, POST:- THANGADH Dist.surendranagar. Mobile:-9825967397 jainmunideepratnasagar@gmail.com	 मुनि दीपरत्नसागर जैनमुनिश्री दीपरत्नसागर
---	--

श्रीअनुयोगद्वारसूत्रम्- नाणं पंचविहं पणत्तं, तंजहा-आभिणिबोहियनाणं सुयनाणं ओहिनाणं मणपज्जवनाणं केवलनाणं । १ । तत्थ चत्तारि नाणाइं ठप्पाइं ठवणिज्जाइं
 णो उद्दिंसं(द्विसिज्जं)ति णो समुद्दिंसं(सिज्जं)ति णो अणुण्णविज्जंति, सुयनाणस्स उद्देसो समुद्देसो अणुण्णा अणुओगो य पवत्तइ । २ । जइ सुयनाणस्स उद्देसो
 समुद्देसो अणुण्णा अणुओगो य पवत्तइ किं अंगपविट्ठस्स उद्देसो समुद्देसो अणुण्णा अणुओगो य पवत्तइ ?, किं अंगवाहिरस्स उद्देसो समुद्देसो अणुण्णा अणुओगो य पवत्तइ ?, अंगप-
 विट्ठस्सवि उद्देसो जाव पवत्तइ, अणंगपविट्ठस्सवि उद्देसो जाव पवत्तइ ?, इमं पुण पट्टवणं पडुच्च अणंगपविट्ठस्स अणुओगो ० । ३ । जइ अणंगपविट्ठस्स अणुओगो किं क्कालियस्स अणु-
 ओगो ? उक्कालियस्स अणुओगो ?, क्कालियस्सवि अणुओगो उक्कालियस्सवि अणुओगो, इमं पुण पट्टवणं पडुच्च उक्कालियस्स अणुओगो । ४ । जइ उक्कालिअस्स अणुओगो किं आव-
 स्सगस्स अणुओगो ? आवस्सगवतिरित्तस्स अणुओगो ?, आवस्सगस्सवि अणुओगो आवस्सगवतिरित्तस्सवि अणुओगो, इमं पुण पट्टवणं पडुच्च आवस्सगस्स अणुओगो । ५ । जइ
 आवस्सगस्स अणुओगो किं अंगं अंगाइं सुअखंधो सुअखंधा अज्झयणं अज्झयणाइं उद्देसो उद्देसा ?, आवस्सयं णं नो अंगं नो अंगाइं सुअखंधो नो सुअखंधा नो अज्झयणं अज्झय-
 णाइं नो उद्देसो नो उद्देसा । ६ । तम्हा आवस्सयं निक्खविस्सामि सुयं निक्खविस्सामि खंधं निक्खविस्सामि अज्झयणं निक्खविस्सामि । ७ । 'जत्थ य जं जाणेज्जा निक्खेवं नि-
 क्खवे निरवसेसं । जत्थविय न जाणेज्जा चउक्कगं निक्खवे तत्थ ॥ १ ॥ से किं तं आवस्सयं ?, २ चउव्विहं पं० तं०-नामावस्सयं ठवणावस्सयं दव्वावस्सयं भावावस्सयं । ८ । से किं तं
 नामावस्सयं ?, जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा आवस्सएत्ति नामं कज्जइ, सेत्तं नामावस्सयं । ९ । से किं तं ठवणावस्सयं ?,
 २ जण्णं कट्टकम्मे वा पोत्थकम्मे वा चित्तकम्मे वा लेप्पकम्मे वा गंथिमे वा वेढिमे वा पूरिमे वा संघाइमे वा अक्खे वा वराडए वा एगो वा अणेगो सव्भावठवणाए वा असव्भावठव-
 णाए वा आवस्सएत्ति ठवणा ठविज्जइ, से तं ठवणावस्सयं । १० । नामट्टवणाणं को पइविसेसो ?, णामं आवकहियं, ठवणा इत्तरिया वा होज्जा आवकहिया वा । ११ । से किं तं दव्वा-
 वस्सयं ?, २ दुविहं पं० तं०-आगमओ य नोआगमओ य । १२ । से किं तं आगमओ दव्वावस्सयं ?, २ जस्स णं आवस्सएत्ति पदं सिक्खितं ठितं जितं मितं परिजितं नामसमं घोससमं
 अहीणक्खरं अणच्चक्खरं अद्वाइद्धक्खरं अक्खलियं अमिलियं अवच्चामेलियं पडिपुण्णं पडिपुण्णघोसं कंठोट्ट(दोस)विप्पमुक्कं गुरुवायणोवगयं, से णं तत्थ वायणाए पुच्छणाए परियट्ट-
 णाए धम्मकहाए, नो अणुपेहाए, कम्हा ?, 'अणुवओगो दव्व'मितिकट्टु । १३ । नेगमस्स णं एगो अणुवउत्तो आगमओ एगं दव्वावस्सयं दोण्णि अणुवउत्ता आगमओ दोण्णि दव्वाव-
 स्सयाइं तिण्णि अणुवउत्ता आगमओ तिण्णि दव्वावस्सयाइं एवं जावइया अणुवउत्ता आगमओ तावइयाइं दव्वावस्सयाइं, एवमेव ववहारस्सवि, संगहस्स णं एगो वा अणेगा वा अणु-
 उत्तो वा अणुवउत्ता वा आगमओ दव्वावस्सयं वा दव्वावस्सयाणि वा से एगे दव्वावस्सए, उज्जुसुयस्स एगो अणुवउत्तो आगमतो एगं दव्वावस्सयं, पुहुत्तं नेच्छइ, तिण्हं (३२७)

सहनयाणं जाणए अणुवउत्ते अवत्थु, कम्हा ?, जइ जाणए अणुवउत्ते न भवति जइ अणुवउत्ते जाणए ण भवति, तम्हा णत्थि आगमओ दब्बावस्सयं । से तं आगमओ दब्बावस्सयं । १४। से किं तं नोआगमओ दब्बावस्सयं ?, २ तिविहं पं० तं०-जाणयसरीरदब्बावस्सयं भवियसरीरदब्बावस्सयं जाणयसरीरभवियसरीरवतिरित्तं दब्बावस्सयं । १५। से किं तं जाणयसरीरदब्बावस्सयं ?, २ आवस्सएत्ति पयत्थाहिगारजाणयस्स जं सरीरयं ववगयचुत्तचित्तदेहं जीवविप्पजटं सिज्जागयं वा संधारगयं वा निसीहिआगयं वा सिद्धसिलातलगयं वा पासित्ताणं कोई भणेज्जा-अहो ! णं इमेणं सरीरसमुस्सएणं जिणदिट्ठेणं भावेणं आवस्सएत्तिपयं आघवियं पण्णवियं परूवियं दंसियं निदंसियं उवदंसियं, जहा को दिट्ठतो ?, अयं महुकुंभे आसी अयं घयकुंभे आसी, सेत्तं जाणयसरीरदब्बावस्सयं । १६। से किं तं भविअसरीरदब्बावस्सयं ?, २ जे जीवे जोणिजम्मणनिक्खंते इमेणं चेव आत्तएणं सरीरसमुस्सएणं जिणोवदिट्ठेणं भावेणं आवस्सएत्तिपयं सेयकाले सिक्खिस्सइ न ताव सिक्खइ, जहा को दिट्ठतो ?, अयं महुकुंभे भविस्सइ अयं घयकुंभे भविस्सइ, सेत्तं भवियसरीरदब्बावस्सयं । १७। से किं तं जाणयसरीरभवियसरीरवतिरित्तं दब्बावस्सयं ?, २ तिविहं पं० तं०-लोइयं कुप्पावयणियं लोउत्तरियं । १८। से किं तं लोइयं दब्बावस्सयं ?, २ जे इमे राईसरतलवरमाडंबियकोडुंबि-अइब्भसेट्ठिसेणावइसत्थवाहप्पभित्तिओ कल्लं पाउप्पभायाए रयणीए सुविमलाए फुल्लुप्पलकमलकोमलुम्मीलिअंमि अहापंडुरे पभाए रत्तासोगपगासकिंसुअसुअमुहगुंजद्वारागसरिसे कमलागरनलिणिसंडबोहए उट्ठियंमि सूरे सहस्सरस्सिमि दिणयरे तेयसा जलंते मुहधोयणदंतपक्खालणतेल्लफणिहसिद्धत्थयहरियालियअद्दागधूवपुप्फमल्लगंधतंबोलवत्थाइयाइं दब्बावस्सयाइं करेति, ततो पच्छा रायकुलं वा देवकुलं वा आरामं वा उज्जाणं वा सभं वा पवं वा गच्छंति, सेतं लोइयं दब्बावस्सयं । १९। से किं तं कुप्पावयणियं दब्बावस्सयं ?, २ जे इमे चरगचीरिगचम्मखंडियभिक्खोंडपंडुरंगोयमगोव्वतियगिहिधम्मधम्मचित्तगअविरुद्धविरुद्धवुड्ढसावगप्पभित्तओ पासंडत्था कल्लं पाउप्पभायाए रयणीए जाव तेयसा जलंते इंदस्स वा खंदस्स वा रुदस्स वा सिवस्स वा वेसमणस्स वा देवस्स वा नागस्स वा जक्खस्स वा भूअस्स वा मुगुंदस्स वा अज्जाए वा दुग्गाए वा कोट्टकिरियाए वा उवलेवणसंमज्जणआवरिसणधूवपुप्फगंधमल्लाइआइं दब्बावस्सयाइं करेति, से तं कुप्पावयणियं दब्बावस्सयं । २०। से किं तं लोगुत्तरियं दब्बावस्सयं ?, २ जे इमे समणगुणमुक्कजोगी छक्कायनिरणुकंपा हया इव उद्दामा गया इव निरंकुसा घट्टा मट्टा तुप्पोट्टा पंडुरपडपाउरणा जिणाणमणाणाए सच्छंदं विहरिऊणं उभओकालं आवस्सयस्स उवट्ठंति, से तं लोगुत्तरियं दब्बावस्सयं, से तं जाणयसरीरभवियसरीरवइरित्तं दब्बावस्सयं, से तं नो आगमतो दब्बावस्सयं, से तं दब्बावस्सयं । २१। से किं तं भावावस्सयं ?, २ दुविहं पं० तं०-आगमतो य नोआगमतो य । २२। से किं तं आगमतो भावावस्सयं ?, २ जाणए उवउत्ते, से तं आगमतो भावावस्सयं । २३। से किं तं नोआगमतो भावावस्सयं ?, २ तिविहं पण्णत्तं, तंजहा-लोइयं कुप्पावयणियं लोगुत्तरियं । २४। से किं तं लोइयं भावावस्सयं ?, २ पुव्वण्हे भारहं अवरण्हे रामायणं, से तं लोइयं भावावस्सयं । २५। से किं तं कुप्पावयणियं भावावस्सयं ?, २ जे इमे चरगचीरिगजावपासंडत्था इज्जंजलिहोमजपोन्दुरुक्कनमोक्कारमाइआइं भावावस्सयाइं करेति, से तं कुप्पावयणियं भावावस्सयं । २६। से किं तं लोगुत्तरियं भावावस्सयं ?, २ जण्णं इमे समणे वा समणी वा सावओ वा साविआ वा तच्चित्ते तम्मणे तल्लेसे तदज्झवसिए तत्तिव्वज्झवसाणे तदट्ठोवउत्ते तदप्पिअकरणे तब्भावणाभाविए अण्णत्थ कत्थई मणं अकरेमाणे उभओकालं आवस्सयं करेति, से तं लोगुत्तरियं भावावस्सयं, से तं नोआगमतो भावावस्सयं, से तं भावावस्सयं । २७। तस्स णं इमे एगट्ठिया णाणाघोसा णाणावंजणा णामधेज्जा भवंति, तंजहा-‘आवस्सयं अवस्संकरणिज्जं धुवनिग्गहो विसोही य । अज्झयणल्लक्कवग्गो नाओ आराहणामग्गो ॥ २ ॥ समणेणं सावएण य अवस्सकायव्वयं हवइ जम्हा । अंतो अहोनिस्स य तम्हा आवस्सयं नाम ॥ ३ ॥ से तं आवस्सयं । २८। से किं तं सुतं ?, २ चउव्विहं पं० तं०-नामसुयं ठवणासुयं दव्वसुयं भावसुयं । २९। से किं तं नामसुयं ?, २ जस्स णं जीवस्स वा जाव सुएत्ति नामं कज्जइ, से तं नामसुयं । ३०। से किं तं ठवणासुयं ?, २ जं णं कट्टकम्मे वा जाव ठवणा ठविज्जइ, से तं ठवणासुयं, नामठवणाणं को पइविसेसो ?, नाम आवकहियं ठवणा इत्तरिया वा होज्जा आवकहिया वा । ३१। से किं तं दव्वसुयं ?, २ दुविहं पं० तं०-आगमतो य नोआगमतो य । ३२। से किं तं आगमतो दव्वसुयं ?, २ जस्स णं सुएत्ति पयं सिक्खियं ठियं जियं जाव णो अणुप्पेहाए, कम्हा ?, अणुवओगो दव्वमित्तिकट्टु, नेगमस्स णं एगो अणुवउत्तो आगमतो एगं दव्वसुयं जाव कम्हा ?, जइ जाणए अणुवउत्ते न भवइ०, से तं आगमतो दव्वसुयं । ३३। से किं तं नोआगमतो दव्वसुयं ?, २ तिविहं पं० तं०-जाणयसरीरदव्वसुयं भवियसरीरदव्वसुयं जाणयसरीरभवियसरीरवइरित्तं दव्वसुयं । ३४। से किं तं जाणयसरीरदव्वसुयं ?, २ सुयत्तिपयत्थाहिगारजाणयस्स जं सरीरयं ववगयचुत्तचित्तदेहं तं चेव पुव्वभणियं भाणियव्वं जाव से तं जाणयसरीरदव्वसुयं । ३५। से किं तं भवियसरीरदव्वसुयं ?,

१३०९ अनुयोगद्वारसूत्रं -

मुनि दीपरत्तसागर

२ जे जीवे जोणीजम्मणनिक्खंते जहा दव्वावस्सए तहा भाणियव्वं जाव से तं भवियसरीरदव्वसुयं । ३६ । से किं तं जाणयसरीरभवियसरीरवइरित्तं दव्वसुयं ?, पत्तयपोत्थयलिहियं, अहवा जाणयसरीरभवियसरीरवइरित्तं दव्वसुयं पंचविहं पं० तं०-अंडयं बौडयं कीडयं वालयं वागयं, अंडयं हंसगब्भादि, बौडयं कप्पासमाइ, कीडयं पंचविहं पं० तं०-पट्टे मलए अंसुए चीणंसुए किमिरागे, वालयं पंचविहं पं० तं०-उण्णिए उट्टिए मियलोमिए कोतवे किट्टिसे, वागयं सणमाइ, से तं जाणयसरीरभवियसरीरवइरित्तं दव्वसुयं, से तं नोआगमतो दव्वसुयं, से तं दव्वसुयं । ३७ । से किं तं भावसुयं ?, २ दुविहं पं० तं०-आगमतो य नोआगमतो य । ३८ । से किं तं आगमतो भावसुयं ?, २ जाणए उवउत्ते, से तं आगमतो भावसुयं । ३९ । से किं तं नोआगमतो भावसुयं ?, २ दुविहं पं० तं०-लोइयं लोउत्तरियं च । ४० । से किं तं लोइयं नोआगमतो भावसुयं ?, २ जं इमं अण्णाणिएहिं मिच्छादिट्ठीहिं सच्छंदबुद्धिमइ-विगप्पियं, तं०-भारहं रामायणं भीमासुरूक्कं कोटिल्लयं घोडयमुहं सगडभहिआउ कप्पासियं णागसुहुमं कणगसत्तरी वेसियं वइसेसियं बुद्धसासणं काविलं लोगायतं सट्टियंतं माढर-पुराणवागरणनाडगाइ अहवा बावत्तरि कलाओ चत्तारि वेया संगोवंगा, से तं लोइयं नोआगमतो भावसुयं । ४१ । से किं तं लोउत्तरियं नोआगमतो भावसुयं ?, २ जं इमं अरिहंतेहिं भगवंतेहिं उप्पण्णणाणदंसणधरेहिं तीयपच्चुप्पण्णमणागयजाणएहिं सब्बण्णूहिं सब्बदरिसीहिं तिलुक्कवहियमहितपूइएहिं अप्पडिहयवरणाणदंसणधरेहिं पणीयं दुवालसंगं गणिपिडगं, तं०-आयारो सूअगडो ठाणं समवाओ विवाहपण्णत्ती नायाधम्मकहाओ उवासगदसाओ अंतगडदसाओ अणुत्तरोववाइयदसाओ पण्हावागरणाइं विवागसुयं दिट्ठीवाओ य, से तं लोउत्तरियं नोआगमतो भावसुयं, से तं नोआगमतो भावसुयं, से तं भावसुयं । ४२ । तस्स णं इमे एगट्टिया णाणाघोसा णाणावंजणा नामधेज्जा भवंति, तं०-सुअ सुत्त गंथ सिद्धंत सासणे आण वयण उवएसे । पन्नवण आगमेऽविय एगट्टा पज्जवा सुत्ते ॥ ४ ॥ से तं सुयं । ४३ । से किं तं खंधे ?, २ चउव्विहे पं० तं०-नामखंधे ठवणाखंधे दव्वखंधे भावखंधे । ४४ । नामद्ववणाओ पुव्वभणिआणुक्कमेण भाणिअव्वाओ (गयाओ) । ४५ । से किं तं दव्वखंधे ?, २ दुविहे पं० तं०-आगमतो य नोआगमतो य, से किं तं आगमतो दव्वखंधे ?, २ जस्स णं खंधेत्ति पयं सिक्खियं सेसं जहा दव्वावस्सए तहा भाणिअव्वं, नवर खधाभिलावो जाव से किं तं जाणयसरीरभवियसरीरवइरित्ते दव्वखंधे ?, २ तिविहे पं० तं०-सच्चित्ते अचित्ते मीसए । ४६ । से किं तं सच्चित्ते दव्वखंधे ?, २ अणेगविहे पं० तं०-हयखंधे गय० किन्नर० किंपुरिस० महोरग० गंधव्व० उसभखंधे, से तं सच्चित्ते दव्वखंधे । ४७ । से किं तं अचित्ते दव्वखंधे ?, अणेग-विहे पं० तं०-दुपएसिए जाव दसपएसिए संखिज्जपएसिए असंखिज्जपएसिए अणंतपएसिए, से तं अचित्ते दव्वखंधे । ४८ । से किं तं मीसए दव्वखंधे ?, २ अणेगविहे पं० तं०-सेणाए अग्गिमे खंधे सेणाए मज्झिमे खंधे सेणाए पच्छिमे खंधे, से तं मीसए दव्वखंधे । ४९ । अहवा जाणयसरीरभवियसरीरवइरित्ते दव्वखंधे तिविहे पं० तं०-कसिणखंधे अकसिणखंधे अणेगदवियखंधे । ५० । से किं तं कसिणखंधे ?, २ से चेव हयखंधे गयखंधे जाव उसभखंधे, से तं कसिणखंधे । ५१ । से किं तं अकसिणखंधे ?, २ से चेव दुपएसियाइखंधे जाव अण-तपएसिए खंधे, से तं अकसिणखंधे । ५२ । से किं तं अणेगदवियखंधे ?, २ तस्स चेव देसे अवचिए तस्स चेव देसे उवचिए, से तं अणेगदवियखंधे, से तं जाणयसरीरभवियसरीरवइ-रित्ते दव्वखंधे, से तं नोआगमतो दव्वखंधे, से तं दव्वखंधे । ५३ । से किं तं भावखंधे ?, २ दुविहे पं० तं०-आगमतो य नोआगमतो य । ५४ । से किं तं आगमतो भावखंधे ?, २ जाणए उवउत्ते, से तं आगमतो भावखंधे । ५५ । से किं तं नोआगमतो भावखंधे ?, २ एएसिं चेव सामाइयमाइयाणं छण्हं अज्झयणाणं समुदयसमिइसमागमेणं आवस्सयसुयखंधे भाव-खंधेत्ति लब्भइ, से तं नोआगमतो भावखंधे, से तं भावखंधे । ५६ । तस्स णं इमे एगट्टिया णाणाघोसा णाणावंजणा नामधेज्जा भवंति, तं०-गण काए य निकाए खंधे वग्गे तहेव रासी य । पुंजे पिंडे निगरे संघाए आउल समूहे ॥ ५ ॥ से तं खंधे । ५७ । आवस्सगस्स णं इमे अत्थाहिगारा भवंति, तं०-सावज्जजोगविरई उक्कित्तण गुणवओ य पडिवत्ती । खलियस्स निंदणा वणतिगिच्छ गुणधारणा चेव ॥ ६ ॥ ५८ । आवस्सयस्स एसो पिंडत्थो वण्णिओ समासेणं । एत्तो एक्केक्कं पुण अज्झयणं कित्तइस्सामि ॥ ७ ॥ तं०-सामाइयं चउवीसत्थओ वंदणयं पडिक्कमणं काउस्सग्गो पच्चक्खाणं । तत्थ पढमं अज्झयणं सामाइयं, तस्स णं इमे चत्तारि अणुओगदारा भवंति, तं०-उवक्कमे निक्खेवे अणुगमे नए । ५९ । से किं तं उवक्कमे ?, २ छ-व्विहे पं० तं०-णामोवक्कमे ठवणो० दव्वो० खेत्तो० कालो० भावोवक्कमे, नामठवणाओ गयाओ, से किं तं दव्वोवक्कमे ?, २ दुविहे पं० तं०-आगमतो य नोआगमतो य जाव जाण-गसरीरभवियसरीरवइरित्ते दव्वोवक्कमे तिविहे पं० तं०-सच्चित्ते अचित्ते मीसए । ६० । से किं ते सच्चित्ते दव्वोवक्कमे ?, २ तिविहे पं० तं०-दुपयाणं चउप्पयाणं अपयाणं, एक्किक्के पुण दुविहे पं० तं०-परिकम्मे य वत्थुविणासे य । ६१ । से किं तं दुपए उवक्कमे ?, दुपयाणं नडाणं नट्टाणं जल्लाणं मल्लाणं मुट्टियाणं वेल्बगाणं कहगाणं पवगाणं लासगाणं आइक्खगाणं

लंखाणं मंखाणं तूणइल्लाणं तुंबवीणियाणं कावोयाणं मागहाणं, से तं दुपए उवक्कमे । ६२ । से किं तं चउप्पए उवक्कमे ?, चउप्पयाणं आसाणं हत्थीणं इच्चाइ, से तं चउप्पए उवक्कमे । ६३ । से किं तं अपए उवक्कमे ?, २ अपयाणं अंबाणं अंबाडगाणं इच्चाइ, से तं अपओवक्कमे, से तं सचित्तदब्बोवक्कमे । ६४ । से किं तं अचित्तदब्बोवक्कमे ?, खंडाईणं गुडाईणं मच्छं-डीणं, से तं अचित्तदब्बोवक्कमे । ६५ । से किं तं मीसए दब्बोवक्कमे ?, से चेव थासगआयंसगाइमंडिए आसाई, से तं मीसए दब्बोवक्कमे, से तं जाणयसरीरभविअसरीरवइरित्ते दब्बोवक्कमे, (तत्थ दुपयाणं गयाइणा वण्णाइकरणं तहा कण्णखंधवद्धणं च चउप्पयाणं सिक्खागुणविसेसकरणं एवं अपयाणं रक्खा वद्धणं च अंबाइफलाणं च कोइवपलालाइसु सुपयाणं वत्थुविणासे पुरिसादीणं खग्गादीहिं विणासकरणं अचित्ताणं गुडादीणं जलणसंजोएण महुरतरगुडविसेसकरणं विणासो य खरादीहिं, मीसदब्बाणं ठासगाइविभूसिआणं आसादीणं सिक्खागुणविसेसकरणं पा०) से तं नोआगमओ दब्बोवक्कमे, से तं दब्बोवक्कमे । ६६ । से किं तं खेतोवक्कमे ?, जण्णं हलकुलिआईहिं खेत्ताइं उवक्कमिजंति (खेत्तस्स हलकुलिआदीहिं जोग्गयाकरणं विणासकरणं गयबंधणादीहिं पा०) से तं खेतोवक्कमे । ६७ । से किं तं कालोवक्कमे ?, जं णं नालिआईहिं कालस्सोवक्कमणं (कालपरिमणोवलक्खणं पा०) कीरइ, से तं कालोवक्कमे । ६८ । से किं तं भावोवक्कमे ?, २ दुविहे पं० तं०-आगमओ य नोआगमओ य, आगमओ जाणए उवउत्ते, नोआगमओ दुविहे पं० तं०-पसत्थे य अपसत्थे य, तत्थ अपसत्थे डोडिणिगणियाअमच्चाईणं, पसत्थे गुरुमाईणं, से तं नोआगमओ भावोवक्कमे, से तं भावोवक्कमे, से तं उवक्कमे । ६९ । अहवा उवक्कमे छव्विहे पं० तं०-आणुपुव्वी नामं पमाणं वत्तव्वया अत्थाहिगारे समोआरे । ७० । से किं तं आणुपुव्वी ?, २ दसविहा पं० तं०-नामाणुपुव्वी ठवणा० दब्बा० खेत्ता० काला० उक्कित्ताणा० गणणा० संठाणा० सामायारी० भावाणुपुव्वी । ७१ । नामठवणाओ गयाओ, से किं तं दब्बा० ?, दुविहा पं० तं०-आगमओ य नोआगमओ य, से किं तं आगमओ दब्बा० ?, २ जस्स णं आणुपुव्वित्ति पयं सिक्खियं ठियं जियं मियं परिजियं जाव नो अणुप्पेहाए, कम्हा ?, अणुवओगो दब्बमितिकट्टु, णेगमस्स णं एगो अणुवउत्तो आगमओ एगा दब्बा० जाव कम्हा ? जइ जाणए अणुवउत्ते न भवइ०, से तं आगमओ दब्बा०, से किं तं नोआगमओ दब्बा० ?, २ तिविहा पं० तं०-जाणयसरीरदब्बाणुपुव्वी भवियसरीरदब्बाणुपुव्वी जाणयसरीरभवियसरीरवइरित्ता दब्बा०, से किं तं जाणयसरीरदब्बाणुपुव्वी ?, २ पयत्थाहिगारजाणयस्स जं सरीरयं ववगयचुयचावियचत्तदेहं सेसं जहा दब्बावस्सए तहा भाणियच्चं जाव से तं जाणयसरीरदब्बाणुपुव्वी, से किं तं भवियसरीरदब्बाणुपुव्वी ?, २ जे जीवे जोणीजम्मणनिक्खंते सेसं जहा दब्बावस्सए जाव से तं भवियसरीरदब्बाणुपुव्वी, से किं तं जाणयसरीरभवियसरीरवइरित्ता दब्बा० ?, २ दुविहा पं० तं०-उवणिहिया य अणोवणिहिया य, तत्थ णं जा सा उवणिहिया सा ठप्पा, तत्थ णं जा सा अणोवणिहिया सा दुविहा पं० तं०-नेगमववहाराणं संगहस्स य । ७२ । से किं तं नेगमववहाराणं अणोवणिहिया दब्बाणुपुव्वी ?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समोआरे अणुगमे । ७३ । से किं तं नेगमववहाराणं अट्टपयपरूवणया ?, २ तिपएसिए आणुपुव्वी चउप्पएसिए आणुपुव्वी जाव दसपएसिए आणुपुव्वी संखेज्जपएसिए आणुपुव्वी असंखिज्जपएसिए आणुपुव्वी अणंतपएसिए आणुपुव्वी, परमाणुपोग्गले अणाणुपुव्वी, दुपएसिए अवत्तव्वए, तिपएसिया आणुपुव्वीओ जाव अणंतपएसिया आणुपुव्वीओ, परमाणुपोग्गला अणाणुपुव्वीओ, दुपएसियाइं अवत्तव्वयाइं, से तं नेगमववहाराणं अट्टपयपरूवणया । ७४ । एयाए णं नेगमववहाराणं अट्टपरूवणयाए किं पओयणं ?, एयाए णं नेगमववहाराणं अट्टपयपरूवणयाए भंगसमुक्कित्तणया कज्जइ । ७५ । से किं तं नेगमववहाराणं भंगसमुक्कित्तणया ?, २ अत्थि आणुपुव्वी अत्थि अणाणुपुव्वी अत्थि अवत्तव्वए अत्थि आणुपुव्वीओ अत्थि अणाणुपुव्वीओ अत्थि अवत्तव्वयाइं, अहवा अत्थि आणुपुव्वी य अणाणुपुव्वी य अहवा अत्थि आणुपुव्वी य अणाणुपुव्वीओ य अहवा अत्थि आणुपुव्वीओ य अणाणुपुव्वी य अहवा अत्थि आणुपुव्वीओ य अणाणुपुव्वीओ य अहवा अत्थि आणुपुव्वी य अणुपुव्वीओ य अहवा अत्थि आणुपुव्वी य अवत्तव्वयाइं च अहवा अत्थि आणुपुव्वीओ य अवत्तव्वए य अहवा अत्थि आणुपुव्वीओ य अवत्तव्वयाइं च अहवा अत्थि अणाणुपुव्वी य अवत्तव्वए य अहवा अत्थि अणाणुपुव्वी य अवत्तव्वयाइं च अहवा अत्थि अणाणुपुव्वीओ य अवत्तव्वए य अहवा अत्थि अणाणुपुव्वीओ य अवत्तव्वयाइं च, अहवा अत्थि आणुपुव्वी य अणाणुपुव्वी य अवत्तव्वए य अहवा अत्थि आणुपुव्वी य अणाणुपुव्वी य अवत्तव्वयाइं च अहवा अत्थि आणुपुव्वीओ य अवत्तव्वए य अहवा अत्थि आणुपुव्वीओ य अणाणुपुव्वी य अवत्तव्वयाइं च अहवा अत्थि आणुपुव्वीओ य अणाणुपुव्वीओ य अवत्तव्वए य अहवा अत्थि आणुपुव्वीओ य अणाणुपुव्वीओ य अवत्तव्वयाइं च, एए अड भंगा, एवं सव्वेऽवि छवीसं भंगा । से तं नेगमववहाराणं भंगसमु-

क्लित्तणया । ७६ । एआए णं नेगमववहाराणं भंगसमुक्कित्तणयाए किं पओयणं ?, एआए णं नेगमववहाराणं भंगसमुक्कित्तणयाए भंगोवदंसणया कीरइ । ७७ । से किं तं नेगमव-
 वहाराणं भंगोवदंसणया ?, २ तिपएसिए आणुपुब्बी परमाणुपोग्गले अणाणुपुब्बी दुपएसिए अवत्तव्वए, अहवा तिपएसिया आणुपुब्बीओ परमाणुपोग्गला अणाणुपुब्बीओ दुपएसिया
 अवत्तव्वयाइं, अहवा तिपएसिए य परमाणुपुग्गले य आणुपुब्बी य अणाणुपुब्बी य० चउभंगो, अहवा तिपएसिए य दुपएसिए य आणुपुब्बी य अवत्तव्वए य० चउभंगो, अहवा पर-
 माणुपोग्गले य दुपएसिए य अणाणुपुब्बी य अवत्तव्वए य० चउभंगो, अहवा तिपएसिए य परमाणुपोग्गले य दुपएसिए य आणुपुब्बी य अणाणुपुब्बी य अवत्तव्वए य अहवा तिपए-
 सिए य परमाणुपोग्गले य दुपएसिआ य आणुपुब्बी य अणाणुपुब्बी य अवत्तव्वयाइं च अहवा तिपएसिए य परमाणुपुग्गला य दुपएसिए य आणुपुब्बी य अणाणुपुब्बीओ य अव-
 त्तव्वए य अहवा तिपएसिए य परमाणुपोग्गला य दुपएसिया य आणुपुब्बी य अणाणुपुब्बीओ य अवत्तव्वयाइं च अहवा तिपएसिया य परमाणुपोग्गले य दुपएसिए य आणुपुब्बीओ
 य अणाणुपुब्बी य अवत्तव्वए य अहवा तिपएसिया य परमाणुपोग्गले य दुपएसिया य आणुपुब्बीओ य अणाणुपुब्बी य अवत्तव्वयाइं च अहवा तिपएसिया य परमाणुपोग्गला य दुपए-
 सिए य आणुपुब्बीओ य अणाणुपुब्बीओ य अवत्तव्वए य अहवा तिपएसिया य परमाणुपोग्गला य दुपएसिया य आणुपुब्बीओ य अणाणुपुब्बीओ य अवत्तव्वयाइं च । से तं नेगमवव-
 हाराणं भंगोवदंसणया । ७८ । से किं तं समोयारे ?, नेगमववहाराणं आणुपुब्बीदव्वाइं कहिं समोअरंति किं आणुपुब्बीदव्वेहिं समोअरंति अणाणुपुब्बीदव्वेहिं समोअरंति अवत्तव्वय-
 दव्वेहिं समोअरंति ?, नेगमववहाराणं आणुपुब्बीदव्वाइं आणुपुब्बीदव्वेहिं समोअरंति नो अणाणुपुब्बीदव्वेहिं समोअरंति नो अवत्तव्वयदव्वेहिं समोअरंति, नेगमववहाराणं अणाणुपुब्बी-
 दव्वाइं कहिं समोअरंति किं आणुपुब्बीदव्वेहिं समोअरंति अणाणुपुब्बीदव्वेहिं समोअरंति अवत्तव्वयदव्वेहिं समोअरंति ?, नो आणुपुब्बीदव्वेहिं समोअरंति अणाणुपुब्बीदव्वेहिं समो-
 अरंति नो अवत्तव्वयदव्वेहिं समोअरंति, नेगमववहाराणं अवत्तव्वयदव्वाइं कहिं समोअरंति किं आणुपुब्बीदव्वेहिं समोअरंति अणाणुपुब्बीदव्वेहिं समोअरंति अवत्तव्वयदव्वेहिं समोअरंति ?,
 नो आणुपुब्बीदव्वेहिं समोअरंति नो अणाणुपुब्बीदव्वेहिं समोअरंति अवत्तव्वयदव्वेहिं समोअरंति, से तं समोआरे । ७९ । से किं तं अणुगमे ?, नवविहे पं० तं०-संतपयपरूवणया दव्व-
 पमाणं च खित्त फुसणा य । कालो य अंतरं भाग भाव अप्पाबहुं चव ॥ ८० ॥ ८० । नेगमववहाराणं आणुपुब्बीदव्वाइं किं अत्थि नत्थि ?, णियमा अत्थि, नेगमववहाराणं अणाणुपुब्बी-
 दव्वाइं किं अत्थि णत्थि ?, णियमा अत्थि, नेगमववहाराणं अवत्तव्वगदव्वाइं किं अत्थि णत्थि ?, नियमा अत्थि । ८१ । नेगमववहाराणं आणुपुब्बीदव्वाइं किं संखिज्जाइं असंखिज्जाइं
 अणंताइं ?, नो संखिज्जाइं नो असंखिज्जाइं अणंताइं, एवं अणाणुपुब्बीदव्वाइं अवत्तव्वगदव्वाइं च अणंताइं भाणियव्वाइं । ८२ । नेगमववहाराणं आणुपुब्बीदव्वाइं लोगस्स किं संखि-
 ज्जइभागे होज्जा असंखिज्जइभागे होज्जा संखेज्जेसु भागेषु होज्जा असंखेज्जेसु भागेषु होज्जा सबलोए होज्जा ?, एगं दव्वं पडुच्च संखेज्जइभागे वा होज्जा असंखेज्जइभागे वा होज्जा संखेज्जेसु
 भागेषु वा होज्जा असंखिज्जेसु भागेषु वा होज्जा सबलोए वा होज्जा, णाणादव्वाइं पडुच्च नियमा सबलोए होज्जा । नेगमववहाराणं अणाणुपुब्बीदव्वाइं किं लोयस्स संखिज्जइभागे होज्जा
 जाव सबलोए वा होज्जा ?, एगं दव्वं पडुच्च नो संखेज्जइभागे होज्जा असंखिज्जइभागे होज्जा नो संखेज्जेसु भागेषु होज्जा नो असंखेज्जेसु भागेषु होज्जा नो सबलोए होज्जा, णाणादव्वाइं
 पडुच्च नियमा सबलोए होज्जा, एवं अवत्तव्वगदव्वाइं भाणियव्वाइं । ८३ । नेगमववहाराणं आणुपुब्बीदव्वाइं लोगस्स किं संखेज्जइभागं फुसंति असंखेज्जइभागं फुसंति संखेज्जे भागे फुसंति
 असंखेज्जे भागे फुसंति सबलोगं फुसंति ?, एगं दव्वं पडुच्च लोगस्स संखेज्जइभागं वा फुसंति जाव सबलोगं वा फुसंति, णाणादव्वाइं पडुच्च नियमा सबलोगं फुसंति । नेगमववहाराणं अणा-
 णुपुब्बीदव्वाइं लोयस्स किं संखेज्जइभागं फुसंति जाव सबलोगं फुसंति ?, एगं दव्वं पडुच्च नो संखिज्जइभागं फुसंति असंखेज्जइभागं फुसंति नो संखिज्जे भागे फुसंति नो असंखिज्जे
 भागे फुसंति नो सबलोगं फुसंति, नाणादव्वाइं पडुच्च नियमा सबलोगं फुसंति, एवं अवत्तव्वगदव्वाइं भाणियव्वाइं (एवं फुसणावि णायव्वा पा०) । ८४ । नेगमववहाराणं आणुपुब्बी-
 दव्वाइं कालओ केवच्चिरं होइ ?, एगं दव्वं पडुच्च जहण्णेणं एगं समयं उक्कोसेणं असंखेज्जं कालं, नाणादव्वाइं पडुच्च णियमा सबद्धा, अणाणुपुब्बीदव्वाइं अवत्तव्वगदव्वाइं च एवं चव
 भाणियव्वाइं । ८५ । नेगमववहाराणं आणुपुब्बीदव्वाणं अंतरं कालओ केवच्चिरं होइ ?, एगं दव्वं पडुच्च जहण्णेणं एगं समयं उक्कोसेणं अणंतं कालं, नाणादव्वाइं पडुच्च णत्थि अंतरं,
 नेगमववहाराणं अणाणुपुब्बीदव्वाणं अंतरं कालओ केवच्चिरं होइ ?, एगं दव्वं पडुच्च जहण्णेणं एगं समयं उक्कोसेणं असंखेज्जं कालं, नाणादव्वाइं पडुच्च णत्थि अंतरं, नेगमववहाराणं
 अवत्तव्वगदव्वाणं अंतरं कालओ केवच्चिरं होइ ?, एगं दव्वं पडुच्च जहण्णेणं एगं समयं उक्कोसेणं अणंतं कालं, नाणादव्वाइं पडुच्च णत्थि अंतरं, (अवत्तव्वयाइं जघा आणु- (३२८)

पुत्रीद्वयं पा०) । ८६ । णेगमववहारणं आणुपुव्वीदव्वाइं सेसदव्वाणं कइभागे होज्जा किं संखिज्जइभागे होज्जा असंखिज्जइभागे होज्जा संखेज्जेसु भागेषु होज्जा असंखेज्जेसु भागेषु होज्जा ?, नो संखिज्जइभागे होज्जा नो असंखिज्जइभागे होज्जा नो संखेज्जेसु भागेषु होज्जा, नियमा असंखेज्जेसु भागेषु होज्जा, णेगमववहारणं अणणुपुव्वीदव्वाइं सेसदव्वाणं कइभागे होज्जा किं संखिज्जइभागे होज्जा असंखिज्जइभागे होज्जा संखेज्जेसु भागेषु होज्जा असंखेज्जेसु भागेषु होज्जा ?, नो संखेज्जइभागे होज्जा असंखेज्जइभागे होज्जा नो संखेज्जेसु भागेषु होज्जा नो असंखेज्जेसु भागेषु होज्जा, एवं अवत्तव्वगदव्वाणिवि भाणियव्वाणि । ८७ । णेगमववहारणं आणुपुव्वीदव्वाइं कतरंमि भावे होज्जा ? किं उदइए भावे होज्जा उवसमिए भावे होज्जा खाइए भावे होज्जा खाओवसमिए भावे होज्जा पारिणामिए भावे होज्जा संनिवाइए भावे होज्जा ?, णियमा साइपारिणामिए भावे होज्जा, अणणुपुव्वीदव्वाणि अवत्तव्वगदव्वाणि य एवं चैव भाणियव्वाणि । ८८ । एएसिं णं भंते ! णेगमववहारणं आणुपुव्वीदव्वाणं अणणुपुव्वीदव्वाणं अवत्तव्वगदव्वाण य दव्वट्टयाए पएसट्टयाए दव्वट्टपएसट्टयाए कयरे कयरेहिंतो अप्पा वा बहुया वा तुल्ला वा विसेसाहिया वा ?, गोयमा ! सव्वत्थोवाइं णेगमववहारणं अवत्तव्वगदव्वाइं दव्वट्टयाए अणणुपुव्वीदव्वाइं दव्वट्टयाए विसेसाहियाइं आणुपुव्वीदव्वाइं दव्वट्टयाए असंखेज्जगुणाइं, पएसट्टयाए णेगमववहारणं सव्वत्थोवाइं अणणुपुव्वीदव्वाइं अपएसट्टयाए अवत्तव्वगदव्वाइं पएसट्टयाए विसेसाहियाइं आणुपुव्वीदव्वाइं पएसट्टयाए अणंतगुणाइं, दव्वट्टपएसट्टयाए सव्वत्थोवाइं णेगमववहारणं अवत्तव्वगदव्वाइं दव्वट्टयाए अणणुपुव्वीदव्वाइं दव्वट्टयाए अपएसट्टयाए विसेसाहियाइं अवत्तव्वगदव्वाइं पएसट्टयाए विसेसाहियाइं आणुपुव्वीदव्वाइं दव्वट्टयाए असंखेज्जगुणाइं ताइं चैव पएसट्टयाए अणंतगुणाइं, से तं अणुगमे, से तं नेगमववहारणं अणोवणिहिया दव्वाणुपुव्वी । ८९ । से किं तं संगहस्स अणोवणिहिया दव्वाणुपुव्वी ?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समोयारे अणुगमे । ९० । से किं तं संगहस्स अट्टपयपरूवणया ?, २ तिपएसिए आणुपुव्वी चउप्पएसिए जाव दसपएसिए संखिज्जपएसिए असंखिज्जपएसिए० अणंतपएसिए आणुपुव्वी परमाणुपोग्गले अणणुपुव्वी दुपएसिए अवत्तव्वए, से तं संगहस्स अट्टपयपरूवणया । ९१ । एयाए णं संगहस्स अट्टपयपरूवणयाए किं पओयणं ?, एयाए णं संगहस्स अट्टपयपरूवणयाए संगहस्स भंगसमुक्कित्तणया कज्जइ, से किं तं संगहस्स भंगसमुक्कित्तणया ?, अत्थि आणुपुव्वी अत्थि अणणुपुव्वी अत्थि अवत्तव्वए अहवा अत्थि आणुपुव्वी य अणणु० य अहवा अत्थि आणु० य अवत्तव्वए य अहवा अत्थि अणणु० य अवत्तव्वए य अहवा अत्थि आणुपुव्वी य अणणुपुव्वी य अवत्तव्वए य एवं सत्त भंगा. से तं संगहस्स भंगसमुक्कित्तणया, एयाए णं संगहस्स भंगसमुक्कित्तणयाए किं पओयणं ?, एयाए णं संगहस्स भंगसमुक्कित्तणयाए संगहस्स भंगोवदंसणया कीरइ । ९२ । से किं तं संगहस्स भंगोवदंसणया ?, २ तिपएसिया आणुपुव्वी परमाणुपोग्गला अणणुपुव्वी दुपएसिया अवत्तव्वए, अहवा तिपएसिया य परमाणुपोग्गला य आणुपुव्वी य अणणुपुव्वी य अहवा तिपएसिया य दुपएसिया य आणुपुव्वी य अवत्तव्वए य अहवा परमाणुपोग्गला य दुपएसिया य अणणुपुव्वी य अवत्तव्वए य अहवा तिपएसिया य परमाणुपोग्गला य दुपएसिया य आणुपुव्वी य अणणुपुव्वी य अवत्तव्वए य, से तं संगहस्स भंगोवदंसणया । ९३ । से किं तं संगहस्स समोयारे ?, संगहस्स आणुपुव्वीदव्वाइं कहिं समोयरंति किं आणुपुव्वीदव्वेहिं समोयरंति अणणुपुव्वीदव्वेहिं समोयरंति अवत्तव्वगदव्वेहिं समोयरंति ?, संगहस्स आणुपुव्वीदव्वाइं आणुपुव्वीदव्वेहिं समोयरंति नो अणणुपुव्वीदव्वेहिं समोयरंति नो अवत्तव्वगदव्वेहिं समोयरंति, एवं दोन्निवि सट्टाणे सट्टाणे समोयरंति, से तं समोयारे । ९४ । से किं तं अणुगमे ?, २ अट्टविहे पं० तं०-संतपयपरूवणया दव्वपमाणं च खित्त फुसणा य । कालो य अंतरं भाग भावे अप्पाबहुं नत्थि ॥ ९ ॥ संगहस्स आणुपुव्वीदव्वाइं किं अत्थि णत्थि ?, नियमा अत्थि, एवं दोन्निवि, संगहस्स आणुपुव्वीदव्वाइं किं संखिज्जाइं असंखेज्जाइं अणंताइं ?, नो संखेज्जाइं नो असंखेज्जाइं नो अणंताइं, नियमा एगो रासी, एवं दोन्निवि, संगहस्स आणुपुव्वीदव्वाइं लोगस्स कइभागे होज्जा किं संखेज्जइभागे होज्जा असंखेज्जइभागे होज्जा संखेज्जेसु भागेषु होज्जा असंखेज्जेसु भागेषु होज्जा सव्वलोए होज्जा ?, नो संखेज्जइभागे नो असंखेज्जइभागे नो संखेज्जेसु भागेषु नो असंखेज्जेसु भागेषु, नियमा सव्वलोए होज्जा, एवं दोन्निवि, संगहस्स आणुपुव्वीदव्वाइं लोगस्स किं संखेज्जइभागं फुसंति असंखेज्जइभागं फुसंति संखिजे० असंखिजे० सव्वलोगं फुसंति ?, नो संखेज्जइभागं फुसंति जाव नियमा सव्वलोगं फुसंति, एवं दोन्निवि, संगहस्स आणुपुव्वीदव्वाइं कालओ केवच्चिरं होति ?, सव्वद्धा, एवं दोण्णिवि, संगहस्स आणुपुव्वीदव्वाणं कालतो केवच्चिरं अंतरं होति ?, नत्थि अंतरं, एवं दोण्णिवि, संगहस्स आणुपुव्वीदव्वाइं सेसदव्वाणं कइभागे होज्जा किं संखेज्जइभागे असंखेज्जइभागे संखेज्जेसु भागेषु असंखेज्जेसु भागेषु होज्जा ?, नो संखेज्जइभागे नो असंखेज्जइभागे नो संखेज्जेसु भागेषु नो असंखेज्जेसु भागेषु, नियमा तिभागे, एवं दोन्निवि, संगहस्स आणुपुव्वीदव्वाइं कयरंमि भावे होज्जा ?, नियमा साइपारिणामिए भावे होज्जा, एवं दोन्निवि, अप्पाबहुं नत्थि । से तं अणुगमे, से तं संगहस्स अणोवणिहिया दव्वाणुपुव्वी, से तं अणोवणिहिया दव्वाणुपुव्वी । ९५ । से किं तं उवणिहिया दव्वाणुपुव्वी ? २ तिविहा पं० तं०-पुव्वाणुपुव्वी पच्छाणुपुव्वी अणणुपुव्वी य । ९६ । से किं तं पुव्वाणुपुव्वी ?, २ धम्मत्थिकाए अधम्म० आगास० जीव० पोग्गलत्थिकाए अद्धासमए, से तं पुव्वाणुपुव्वी, से किं तं पच्छाणुपुव्वी ?, २ अद्धासमए पोग्गलत्थिकाए जीव० आगास० अहम्म० धम्मत्थिकाए, से तं पच्छाणुपुव्वी, से किं तं अणणुपुव्वी, २ एयाए चैव एगाइआए एगुत्तरिआए छगच्छगयाए सेढीए अण्णमण्णब्भासो दुरूवूणो,

१३१३ अनुयोगद्वारसूत्रं -

मुनि दीपरत्तसागर

से तं अणुपुत्री १९७। अहवा उवणिहिआ द्वाणुपुत्री तिविहा पं० तं०-पुच्चाणुपुत्री पच्छाणुपुत्री अणुपुत्री, से किं तं पुच्चाणुपुत्री?, २ परमाणुपोग्गले दुपएसिए तिपएसिए जाव दसपएसिए संखिजपएसिए असंखिजपएसिए अणंतपएसिए, से तं पुच्चाणुपुत्री, से किं तं पच्छाणुपुत्री?, २ अणंतपएसिए असंखिजपएसिए संखिजपएसिए जाव दसपएसिए जाव तिपएसिए दुपएसिए परमाणुपोग्गले, से तं पच्छाणुपुत्री, से किं तं अणुपुत्री?, २ एआए चव एगाइआए एगुत्तरिआए अणंतगच्छगयाए सेठीए अन्नमण्णभासो दुरूवणो, से तं अणुपुत्री, से तं उवणिहिआ द्वाणुपुत्री, से तं जाणग० वइरित्ता द्वाणुपुत्री, से तं नोआगमओ द्वाणुपुत्री, से तं द्वाणुपुत्री १९८। से किं तं खेत्ताणुपुत्री?, २ दुविहा पं० तं०-उवणिहिया य अणोवणिहिया य १९९। तत्थ णं जा सा उवणिहिया सा ठप्पा, तत्थ णं जा सा अणोवणिहिया सा दुविहा पं० तं०-णेगमववहारणं संगहस्स य १००। से किं तं नेगमववहारणं अणोवणिहिया खेत्ताणुपुत्री?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समोयारे अणुगमे, से किं तं नेगमववहारणं अट्टपयपरूवणया?, २ तिपएसोगाढे आणुपुत्री जाव दसपएसोगाढे आणुपुत्री जाव संखिजपएसोगाढे आणुपुत्री असंखिजपएसोगाढे आणुपुत्री, एगपएसोगाढे अणुपुत्री, दुपएसोगाढे अवत्तवए, तिपएसोगाढा आणुपुत्रीओ जाव दसपएसोगाढा आणुपुत्रीओ जाव असंखिजपएसोगाढा आणुपुत्रीओ. एगपएसोगाढा अणुपुत्रीओ, दुपएसोगाढा अवत्तवगाइं, से तं नेगमववहारणं अट्टपयपरूवणया, एयाए णं अट्टपयपरूवणयाए किं पओयणं?, एयाए नेगमववहारणं अट्टपयपरूवणयाए नेगमववहारणं भंगसमुक्कित्तणया कज्जइ, से किं तं नेगमववहारणं भंगसमुक्कित्तणया?, २ अत्थि आणुपुत्री अत्थि अणुपुत्री अत्थि अवत्तवए, एवं द्वाणुपुत्रीगमेणं खेत्ताणुपुत्रीएऽवि ते चव छ्बीसं भंगा भाणियद्वा, जाव से तं नेगमववहारणं भंगसमुक्कित्तणया, एयाए णं नेगमववहारणं भंगसमुक्कित्तणयाए किं पओयणं?, एयाए णं नेगमववहारणं भंगसमुक्कित्तणयाए नेगमववहारणं भंगोवदंसणया कज्जइ, से किं तं नेगमववहारणं भंगोवदंसणया?, २ तिपएसोगाढे आणुपुत्री एगपएसोगाढे अणुपुत्री दुपएसोगाढे अवत्तवए तिपएसोगाढा आणुपुत्रीओ एगपएसोगाढा अणुपुत्रीओ दुपएसोगाढा अवत्तवगाइं अहवा तिपएसोगाढे य एगपएसोगाढे य आणुपुत्री य अणुपुत्री य एवं तहा चव द्वाणुपुत्रीगमेणं छ्बीसं भंगा भाणियद्वा जाव से तं नेगमववहारणं भंगोवदंसणया। से किं तं समोयारे?, २ नेगमववहारणं आणुपुत्रीदद्वाइं कहिं समोयरंति किं आणुपुत्रीदद्वाइं समोअरंति अणुपुत्रीदद्वाइं समोअरंति अवत्तवगदद्वाइं समोयरंति?, आणुपुत्रीदद्वाइं आणुपुत्रीदद्वाइं समोयरंति नो अणुपुत्रीदद्वाइं नो अवत्तवयदद्वाइं, एवं तिण्णिवि सट्ठाणे समोयरंति भाणियद्वा, से तं समोयारे। से किं तं अणुगमे?, २ नवविहे पं० तं०-संतपयपरूवणया जाव अप्पाबहुं चव ॥ १० ॥ नेगमववहारणं आणुपुत्रीदद्वाइं किं अत्थि णत्थि?, णियमा अत्थि, एवं दुण्णिवि, नेगमववहारणं आणुपुत्रीदद्वाइं किं संखिज्जाइं असंखिज्जाइं अणंताइं?, नो संखिज्जाइं नो असंखिज्जाइं अणंताइं, एवं दुण्णिवि, नेगमववहारणं आणुपुत्रीदद्वाइं लोगस्स किं संखिज्जइभागे होज्जा असंखिज्जइभागे होज्जा जाव सबलोए होज्जा?, एगं दब्बं पडुच्च लोगस्स संखिज्जइभागे वा होज्जा असंखिज्जइभागे वा होज्जा संखेज्जेसु० असंखेज्जेसु भागेसु वा होज्जा देसूणे वा लोए होज्जा, नाणादद्वाइं पडुच्च नियमा सबलोए होज्जा, नेगमववहारणं अणुपुत्रीदद्वाणं पुच्छाए एगं दब्बं पडुच्च नो संखिज्जइभागे होज्जा असंखिज्जइभागे होज्जा नो संखेज्जेसु नो असंखेज्जेसु नो सबलोए होज्जा, नाणादद्वाइं पडुच्च नियमा सबलोए होज्जा, एवं अवत्तवगदद्वाणिवि भाणियद्वाणि। नेगमववहारणं आणुपुत्रीदद्वाइं लोगस्स किं संखेज्जइभागं फुसंति असंखिज्जइभागं फुसंति संखेज्जे भागे फुसंति जाव सबलोयं फुसंति?, एगं दब्बं पडुच्च संखिज्जइभागं वा फुसइ संखेज्जे भागे वा असंखेज्जे भागे वा देसूणं वा लोगं फुसइ, नाणादद्वाइं पडुच्च णियमा सबलोयं फुसंति, अणुपुत्रीदद्वाइं अवत्तवगदद्वाइं च जहा खेत्तं नवरं फुसणा भाणियद्वा। नेगमववहारणं आणुपुत्रीदद्वाइं कालओ केवच्चिरं होइ?, एवं तिण्णिवि एगं दब्बं पडुच्च जहन्नेणं एगं समयं उक्कोसेणं असंखिज्जं कालं, नाणादद्वाइं पडुच्च णियमा सबद्वा, नेगमववहारणं आणुपुत्रीदद्वाणमंतरं कालओ केवच्चिरं होइ?, तिण्हंपि एगं दब्बं पडुच्च जहन्नेणं एक्कं समयं उक्कोसेणं असंखेज्जं कालं, नाणादद्वाइं पडुच्च णत्थि अंतरं, नेगमववहारणं आणुपुत्रीदद्वाइं सेसदद्वाणं कइभागे होज्जा?, तिण्णिवि जहा द्वाणुपुत्रीए, नेगमववहारणं आणुपुत्रीदद्वाइं कयरंमि भावे होज्जा?, णियमा साइपरिणामिए भावे होज्जा, एवं दोण्णिवि, एएसिं णं भंते! नेगमववहारणं आणुपुत्रीदद्वाणं अणुपुत्रीदद्वाणं अवत्तवगदद्वाण य दव्वट्टयाए पएसट्टयाए दव्वट्टपएसट्टयाए कयरे कयरेहिंतो अप्पा वा बहुआ वा तुल्ला वा विसेसाहिया वा?, गोयमा! सबत्थोवाइं नेगमववहारणं अवत्तवगदद्वाइं दव्वट्टयाए अणुपुत्रीदद्वाइं दव्वट्टयाए विसेसाहियाइं आणुपुत्रीदद्वाइं दव्वट्टयाए असंखेज्जगुणाइं, पएसट्टयाए सबत्थोवाइं नेगमववहारणं अणुपुत्रीदद्वाइं अपएसट्टयाए अवत्तवगदद्वाइं पएसट्टयाए विसेसाहियाइं आणुपुत्रीदद्वाइं पएसट्टयाए असंखेज्जगुणाइं, दव्वट्टपएसट्टयाए सबत्थोवाइं नेगमववहारणं अवत्तवगदद्वाइं दव्वट्टयाए अणुपुत्रीदद्वाइं दव्वट्टयाए अपएसट्टयाए विसेसाहियाइं अवत्तवगदद्वाइं पएसट्टयाए विसेसाहियाइं आणुपुत्रीदद्वाइं दव्वट्टयाए असंखेज्जगुणाइं ताइं चव पएसट्टयाए असंखेज्जगुणाइं, से तं अणुगमे। से तं नेगमववहारणं अणोवणिहिया खेत्ताणुपुत्री १०१। से किं तं संगहस्स अणोवणिहिया खेत्ताणुपुत्री?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समोयारे अणुगमे, से किं तं संगहस्स अट्टपयपरूवणया?, तिपएसोगाढे आणुपुत्री चउप्पएसोगाढे आणुपुत्री जाव दसपएसोगाढे आणुपुत्री संखिजपएसो-

गाढे आणुपुत्री असंखिजपएसोगाढे आणुपुत्री एगपएसोगाढे अणाणुपुत्री दुपएसोगाढे अवत्तवए, से तं संगहस्स अट्टपयपरूवणया, एयाए णं संगहस्स अट्टपयपरूवणयाए किं पओयणं?, संगहस्स अट्टप-
यपरूवणयाए संगहस्स भंगसमुक्कित्तणया कीरइ, से किं तं संगहस्स भंगसमुक्कित्तणया?, २ अत्थि आणुपुत्री अत्थि अणाणु० अत्थि अवत्तवए, अहवा अत्थि आणु० य अणाणु० य एवं जहा दव्वाणुपुत्रीए संग-
हस्स तहा भाणियव्वं जाव से तं संगहस्स भंगसमुक्कित्तणया। एयाए णं संगहस्स भंगसमुक्कित्तणयाए किं पओयणं?, एयाए णं संगहस्स भंगसमुक्कित्तणयाए संगहस्स भंगोवदंसणया कज्जइ, से किं तं
संगहस्स भंगोवदंसणया?, २ तिपएसोगाढे आणुपुत्री एगपएसोगाढे अणाणुपुत्री दुपएसोगाढे अवत्तवए अहवा तिपएसोगाढे य एगपएसोगाढे य आणुपुत्री य अणाणुपुत्री य एवं जहा दव्वाणुपुत्रीए संगहस्स
तहा खेत्ताणुपुत्रीएवि भाणियव्वं जाव से तं संगहस्स भंगोवदंसणया। से किं तं समोयारे?, २ संगहस्स आणुपुत्रीदव्वाइं कहिं समोयरंति?, किं आणुपुत्रीदव्वाइं समोयरंति अणाणुपुत्रीदव्वाइं अवत्तवगदव्वाइं?,
तिण्णिवि सट्ठाणे समोयरंति, से तं समोयारे। से किं तं अणुगमे?, २ अट्टविहे पं० तं०-संतपयपरूवणया जाव अप्पाबहुं नत्थि ॥ ११ ॥ संगहस्स आणुपुत्रीदव्वाइं किं अत्थि णत्थि?, नियमा अत्थि, एवं
तिण्णिवि, सेसगदाराइं जहा दव्वाणुपुत्रीए संगहस्स तहा खेत्ताणुपुत्रीएवि भाणियव्वाइं जाव से तं अणुगमे, से तं संगहस्स अणोवणिहिया खेत्ताणुपुत्री, से तं अणोवणिहिया खेत्ताणुपुत्री। १०२। से किं तं
उवणिहिआ खेत्ताणुपुत्री?, २ तिविहा पं० तं०-पुत्राणुपुत्री पच्छाणुपुत्री अणाणुपुत्री, से किं तं पुत्राणुपुत्री?, २ अहोलोए तिरिअलोए उड्ढलोए, से तं पुत्राणुपुत्री, से किं तं पच्छाणुपुत्री?, २ उड्ढलोए
तिरिअलोए अहोलोए, से तं पच्छाणुपुत्री, से किं तं अणाणुपुत्री?, २ एआए चेव एगाइआए एगुत्तरिआए तिगच्छगयाए सेटीए अन्नमन्नभासो दुरूवूणो, से तं अणाणुपुत्री, अहोलोअखेत्ताणुपुत्री तिविहा
पं० तं०-पुत्राणुपुत्री पच्छाणुपुत्री अणाणुपुत्री, से किं तं पुत्राणुपुत्री?, २ रयणप्पभा सक्करप्पभा वालुअप्पभा पंकप्पभा धूमप्पभा तमप्पभा तमतमप्पभा, से तं पुत्राणुपुत्री, से किं तं पच्छाणुपुत्री?, २ तम-
तमप्पभा जाव रयणप्पभा, से तं पच्छाणुपुत्री, से किं तं अणाणुपुत्री?, २ एआए चेव एगाइआए एगुत्तरियाए सत्तगच्छगयाए सेटीए अन्नमन्नभासो दुरूवूणो, से तं अणाणुपुत्री, तिरिअलोअखेत्ताणुपुत्री तिविहा
पं० तं०-पुत्राणुपुत्री पच्छाणुपुत्री अणाणुपुत्री, से किं तं पुत्राणुपुत्री?, २ 'जंबुद्दीवे लवणे धायइ कालोय पुक्खरे वरुणे। खीर घय खोय नंदी अरुणवरे कुंडले रुयगे ॥ १२ ॥ आभरणवत्थगंधे उप्पलतिले य पुढवि-
निहिरयणे। वासहरदहनईओ विजया वक्खार कप्पिदा ॥ ३ ॥ कुरुमंदरआवासा कूडा नक्खत्तचंदसूरा य। देवे नागे जक्खे भूए य सयंभुरमणे य ॥ १४ ॥ से तं पुत्राणुपुत्री, से किं तं पच्छाणुपुत्री?, सयं-
भूरमणे य जाव जंबुद्दीवे, से तं पच्छाणुपुत्री, से किं तं अणाणुपुत्री?, २ एयाए चेव एगाइयाए एगुत्तरियाए असंखेज्जगच्छगयाए सेटीए अण्णमण्णभासो दुरूवूणो, से तं अणाणुपुत्री, उड्ढलोअखेत्ताणुपुत्री
तिविहा पं० तं०-पुत्राणुपुत्री पच्छाणुपुत्री अणाणुपुत्री, से किं तं पुत्राणुपुत्री?, २ सोहम्मे ईसाणे सणंकुमारे माहिंदे बंभलोए लंतए महासुक्के सहस्सारे आणए पाणए आरणे अच्चुए गेवेज्जविमाणा अणुत्तर-
विमाणा ईसिपच्चारा, से तं पुत्राणुपुत्री, से किं तं पच्छाणुपुत्री?, २ ईसिपच्चारा जाव सोहम्मे, से तं पच्छाणुपुत्री, से किं तं अणाणुपुत्री?, २ एआए चेव एगाइयाए एगुत्तरियाए पन्नरसगच्छगयाए सेटीए
अन्नमन्नभासो दुरूवूणो, से तं अणाणुपुत्री, अहवा उवणिहिया खेत्ताणुपुत्री तिविहा पं० तं०-पुत्राणुपुत्री पच्छाणुपुत्री अणाणुपुत्री, से किं तं पुत्राणुपुत्री?, २ एगपएसोगाढे दुपएसोगाढे० दसपएसोगाढे
संखिज्जपएसोगाढे जाव असंखिज्जपएसोगाढे, से तं पुत्राणुपुत्री, से किं तं पच्छाणुपुत्री?, २ असंखिज्जपएसोगाढे संखिज्जपएसोगाढे जाव एगपएसोगाढे, से तं पच्छाणुपुत्री, से किं तं अणाणुपुत्री?, २ एआए
चेव एगाइयाए एगुत्तरियाए असंखिज्जगच्छगयाए सेटीए अन्नमन्नभासो दुरूवूणो, से तं अणाणुपुत्री, से तं उवणिहिया खेत्ताणुपुत्री, से तं खेत्ताणुपुत्री। १०३। से किं तं कालाणु०?, २ दुविहा पं० तं०-
उवणिहिया य अणोवणिहिया य। १०४। तत्थ णं जा सा उवणिहिया सा ठप्पा, तत्थ णं जा सा अणोवणिहिया सा दुविहा पं० तं०-णेगमववहारारणं संगहस्स य। १०५। से किं तं नेगमववहारारणं अणोव-
हिया कालाणु०?, २ पंचविहा पं० तं०-अट्टपयपरूवणता भंगसमुक्कित्तणया भंगोवदंसणया समोआरे अणुगमे। १०६। से किं तं नेगमववहारारणं अट्टपयपरूवणया?, २ तिसमयट्टिइए आणु० जाव दसस-
मयट्टिइए आणु० संखिज्जसमयट्टिइए आणु० असंखिज्जसमयट्टिइए आणु० एगसमयट्टिइए अणाणु० दुसमयट्टिइए अवत्तवए, तिसमयट्टिइयाओ आणुपुत्रीओ एगसमयट्टिइयाओ अणाणुपुत्रीओ दुसमय-
ट्टिइओ अवत्तवगाइं, से तं नेगमववहारारणं अट्टपयपरूवणया; एयाए णं नेगमववहारारणं अट्टपयपरूवणयाए किं पओयणं?, एयाए णं नेगमववहारारणं अट्टपयपरूवणयाए नेगमववहारारणं भंगसमुक्कित्तणया
कज्जइ। १०७। से किं तं नेगमववहारारणं भंगसमुक्कित्तणया?, २ अत्थि आणु० अत्थि अणाणु० अत्थि अवत्तवए, एवं दव्वाणुपुत्रीगमेणं कालाणुपुत्रीएवि ते चेव छब्बीसं भंगा भाणिअव्वा जाव से तं नेगम-
ववहारारणं भंगसमुक्कित्तणया, एयाए णं नेगमववहारारणं भंगसमुक्कित्तणयाए किं पओयणं?, एयाए णं नेगमववहारारणं भंगसमुक्कित्तणयाए नेगमववहारारणं भंगोवदंसणया कज्जइ। १०८। से किं तं नेगम-
ववहारारणं भंगोवदंसणया?, २ तिसमयट्टिइए आणु० एगसमयट्टिइए अणाणु० दुसमयट्टिइए अवत्तवए, तिसमयट्टिइआ आणुपुत्रीओ एगसमयट्टिइआ अणाणुपुत्रीओ दुसमयट्टिइआ अवत्तवगाइं, अहवा
तिसमयट्टिइए य एगसमयट्टिइए य आणु० अणाणु० य एवं तहा चेव दव्वाणुपुत्रीगमेणं छब्बीसं भंगा भाणिअव्वा जाव से तं नेगमववहारारणं भंगोवदंसणया। १०९। से किं तं समोयारे? २ नेगमववहारारणं

आणु०दवाइं कहिं समयरंति ? किं आणु०दवेहिं समयरंति अणाणुव्वीदवेहिं अवत्तव्वग० ?, एवं तिण्णिवि सट्टाणे समयरंति इति भाणिव्वं, से तं समयारे । ११० । से किं तं अणुगमे ?, २ णवविहे पं० तं०-संतपयपरूवणया जाव अप्पाबहुं चेव ॥ १५ ॥ णेगमववहाराणं आणुपुव्वीदवाइं किं अत्थि णत्थि ?, नियमा तिण्णिवि अत्थि, णेगमववहाराणं आणु०दवाइं किं संखेजाइं असंखेजाइं अणंताइं ?, तिण्णिवि नो संखिजाइं असंखेजाइं नो अणंताइं, णेगमववहाराणं आणु०दवाइं लोगस्स किं संखिजइभागे होजा असंखिजइभागे होजा संखेजेसु भागेषु वा होजा असंखेजेसु भागेषु वा होजा सवल्लोए वा होजा ?, एगं दवं पडुच्च संखेजइभागे वा होजा असंखेजइभागे वा होजा संखेजेसु वा भागेषु होजा असंखेजेसु वा भागेषु होजा देसूणे वा लोए होजा, नाणादवाइं पडुच्च नियमा सवल्लोए होज्जा, एवं अणाणुपुव्वीदवं, आएसंतरेण वा सव्वपुच्छासु होज्जा, एवं अवत्तव्वगदवाणिवि जहा खेत्ताणुपुव्वीए फुसणा कालाणुपुव्वीएवि तहा चेव भाणिव्वं । णेगमववहाराणं आणुपुव्वीदवाइं कालओ केवच्चिरं होंति ?, एगं दवं पडुच्च जहण्णेणं तिण्णि समयया उक्कोसेणं असंखेजं कालं, नाणादवाइं पडुच्च सव्वद्धा, णेगमववहाराणं अणाणुपुव्वीदवाइं कालओ केवच्चिरं होइ ?, एगं दवं पडुच्च अजहण्णमणुक्कोसेणं एकं समयं, नाणादवाइं पडुच्च सव्वद्धा, अवत्तव्वगदवाणं पुच्छा, एगं दवं पडुच्च अजहण्णमणुक्कोसेणं दो समयया, नाणादवाइं पडुच्च सव्वद्धा, णेगमववहाराणं आणुपुव्वीदवाणमंतरं कालओ केवच्चिरं होइ ?, एगं दवं पडुच्च जहण्णेणं एगं समयं उक्कोसेणं दो समयया, नाणादवाइं पडुच्च नत्थि अंतरं, णेगमववहाराणं अणाणुपुव्वीदवाणमंतरं कालओ केवच्चिरं होइ ?, एगं दवं पडुच्च जहण्णेणं दो समयया उक्कोसेणं असंखेजं कालं, नाणादवाइं पडुच्च नत्थि अंतरं, भाग भाव अप्पाबहुं चेव जहा खेत्ताणुपुव्वीए तहा भाणियवाइं, जाव से तं अणुगमे, से तं णेगमववहाराणं अणोवणिहिया कालाणुपुव्वी । १११ । से किं तं संगहस्स अणोवणिहिया कालाणुपुव्वी ?, २ पंचविहा पं० तं०-अट्टपयपरूवणया भंगसमुक्कित्तणया भंगोवदंसणया समयारे अणुगमे । ११२ । से किं तं संगहस्स अट्टपयपरूवणया ?, २ एयाइं पंचवि दाराइं जहा खेत्ताणुपुव्वीए संगहस्स तहा कालाणुपुव्वीएवि भाणियव्वाणि, णवरं ठिइअभिलावो जाव से तं अणुगमे, से तं संगहस्स अणोवणिहिया कालाणुपुव्वी । ११३ । से किं तं उवणिहिया कालाणुपुव्वी ?, २ तिविहा पं० तं०-पुव्वाणु० पच्छाणु० अणाणु०, से किं तं पुव्वाणु० ?, २ एगसमयठिइए दुसमयठिइए तिसमयठिइए जाव दससमयठिइए संखिजसमयठिइए असंखिजसमयठिइए, से तं पुव्वाणुपुव्वी, से किं तं पच्छाणुपुव्वी ?, २ असंखिजसमयठिइए जाव एगसमयठिइए, से तं पच्छाणुपुव्वी, से किं तं अणाणुपुव्वी ?, २ एयाए चेव एगाइयाए एगुत्तरियाए असंखिजगच्छगयाए सेठीए अन्नमन्नभासो दुरूवूणो, से तं अणाणुपुव्वी, अहवा उवणिहिया कालाणुपुव्वी तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ?, २ समए आवलिया आणपाणू थोवे लवे मुहुत्ते अहोरत्ते पक्खे मासे उऊ अयणे संवच्छरे जुगे वाससए वाससहस्से वाससयसहस्से पुव्वंगे पुव्वे तुडिअंगे तुडिए अडडंगे अडडे अवंगे अववे हुहुअंगे हुहुए उप्पलंगे उप्पले पउमंगे पउमे णलिंगे णलिणे अच्छिनिऊरंगे अच्छिनिऊरे अउअंगे अउए नउअंगे नउए पउअंगे पउए चूलिअंगे चूलिया सीसपहेलिअंगे सीसपहेलिया पलिओवमे सागरोवमे ओसप्पिणी उस्सप्पिणी पोग्गलपरियट्टे अतीतद्धा अणागतद्धा सव्वद्धा, से तं पुव्वाणुपुव्वी, से किं तं पच्छाणु० ?, २ सव्वद्धा अणागतद्धा जाव समए, से तं पच्छाणु०, २ से किं तं अणाणु० ?, २ एयाए चेव एगाइयाए एगुत्तरियाए अणंतगच्छगयाए सेठीए अण्णमण्णभासो दुरूवूणो, से तं अणाणुपुव्वी, से तं उवणिहिया कालाणुपुव्वी, से तं कालाणुपुव्वी । ११४ । से किं उक्कित्तणाणुपुव्वी ?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ?, २ उसमे अजिए संभवे अभिणंदणे सुमती पउमप्पहे सुपासे चंदप्पहे सुविही सीतले सेजंसे वासुपूजे विमले अणंते धम्मसे संती कुंथू अरे मल्ली मुणिसुव्वए णमी अरिट्टणेमी पासे वद्धमाणे, से तं पुव्वाणुपुव्वी, से किं तं पच्छाणुपुव्वी ?, २ वद्धमाणे जाव उसमे, से तं पच्छाणुपुव्वी, से किं तं अणाणुपुव्वी ?, २ एआए चेव एगाइआए एगुत्तरियाए चउवीसगच्छगयाए सेठीए अण्णमण्णभासो दुरूवूणो, से तं अणाणुपुव्वी, से तं उक्कित्तणाणुपुव्वी । ११५ । से किं तं गणणाणुपुव्वी ?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ?, २ एगो दस सयं सहस्सं दस सहस्साइं सयसहस्सं दस सयसहस्साइं कोडी दस कोडीओ कोडीसयं दस कोडिसयाइं, से तं पुव्वाणुपुव्वी, से किं तं पच्छाणुपुव्वी ?, २ दसकोडिसयाइं जाव एक्को, से तं पच्छाणुपुव्वी, से किं तं अणाणुपुव्वी ?, २ एयाए चेव एगाइआए एगुत्तरियाए दसकोडिसयगच्छगयाए सेठीए अन्नमन्नभासो दुरूवूणो, से तं अणाणुपुव्वी, से तं गणणाणुपुव्वी । ११६ । से किं तं संठाणाणुपुव्वी ?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ?, २ समचउरंसे निग्गोहमंडले सादी खुजे वामणे हुंडे, से तं पुव्वाणुपुव्वी, से किं तं पच्छाणुपुव्वी ?, २ हुंडे जाव समचउरंसे, से तं पच्छाणुपुव्वी, से किं तं अणाणुपुव्वी ?, २ एयाए चेव एगाइयाए एगुत्तरियाए लगच्छगयाए सेठीए अन्नमन्नभासो दुरूवूणो, से तं अणाणुपुव्वी, से तं संठाणाणुपुव्वी । ११७ । से किं तं सामायारीआणुपुव्वी ?, २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ?, २ 'इच्छा मिच्छा तहक्कारो, आवस्सिया य निसीहिया । आपुच्छणा य पडिपुच्छा, छंदणा य निमंतणा ॥ १६ ॥ उवसंपया य काले सामायारी भवे दसविहा उ, से तं पुव्वाणुपुव्वी, से किं (३२९)

तं पच्छाणुपुव्वी ? २ उवसंपया जाव इच्छागारो, से तं पच्छाणुपुव्वी, से किं तं अणाणुपुव्वी ? २ एयाए चैव एगाइयाए एगुत्तरियाए दसगच्छगयाए सेटीए अन्नमन्नभासो दुरूवूणो, से तं अणाणुपुव्वी, से तं सामायारीआणुपुव्वी । ११८ । से किं तं भावाणुपुव्वी ? २ तिविहा पं० तं०-पुव्वाणुपुव्वी पच्छाणुपुव्वी अणाणुपुव्वी, से किं तं पुव्वाणुपुव्वी ? २ उदइए उवसमिए खाइए खओवसमिए पारिणामिए संनिवाइए, से तं पुव्वाणुपुव्वी, से किं तं पच्छाणुपुव्वी ? २ सन्निवाइए जाव उदइए, से तं पच्छाणुपुव्वी, से किं तं अणाणुपुव्वी ? २ एयाए चैव एगाइयाए एगुत्तरियाए छगच्छगयाए सेटीए अन्नमन्न-
 भासो दुरूवूणो, से तं अणाणुपुव्वी, से तं भावाणुपुव्वी, से तं आणुपुव्वी । ११९ । से किं तं णामे ? २ णामे दसविहे पं० तं०-एगणामे दुणामे तिणामे चउणामे पंचणामे छणामे सत्तणामे अट्टणामे णवणामे दंसणामे । १२० । से किं तं एगणामे ? २ 'णामाणि जाणि काणिवि दव्वाण गुणाण पज्जवाणं च । तेसिं आगमनिहसे नामंति परूविया सण्णा ॥ १७ ॥ से तं एगणामे । १२१ । से किं तं दुणामे ? २ दुविहे पं० तं०, एगक्खरिए य अणेगक्खरिए य, से किं तं एगक्खरिए ? २ अणेगविहे पं० तं०-हीः श्रीः धीः स्त्री, से तं एगक्खरिए, से किं तं अणेगक्खरिए ? २ कन्ना वीणा लता माला, से तं अणेगक्खरिए, अहवा दुणामे दुविहे पं० तं०-जीवनामे य अजीवनामे य, से किं तं जीवनामे ? २ अणेगविहे पं० तं०-देवदत्तो जण्णदत्तो विण्हदत्तो सोमदत्तो, से तं जीवनामे, से किं तं अजीवनामे ? २ अणेगविहे पं० तं०-घटो पटो कटो रटो, से तं अजीवनामे, अहवा दुणामे दुविहे पं० तं०-विसेसिए य अविसेसिए य, अविसेसिए दब्वे विसेसिए जीवदब्वे य अजीवदब्वे य, अविसेसिए जीवदब्वे विसेसिए णेरइए निरिक्खजोणिए मणुस्से देवे, अविसेसिए णेरइए विसेसिए रयणप्पहाए सक्करप्प० वालुअ० पंक० धूम० तमाए तमतमाए, अविसेसिए रयणप्पहापुढवीणेरइए विसेसिए पज्जत्तए य अपज्जत्तए य, एवं जाव अविसेसिए तमतमापुढ-
 वीणेरइए विसेसिए पज्जत्तए य अपज्जत्तए य, अविसेसिए तिरिक्खजोणिए विसेसिए एगिंदिए बेइंदिए तेइंदिए चउरिंदिए पंचिंदिए, अविसेसिए एगिंदिए विसेसिए पुढवी० आउ० तेउ० वाउ० वणस्सइ-
 काइए, अविसेसिए पुढवी० विसेसिए सुहुमपुढवी० य बादरपुढवी० य, अविसेसिए सुहुमपुढवीकाइए विसेसिए पज्जत्तयसुहुमपुढवी० य अपज्जत्तयसुहुमपुढवीकाइए य, अविसेसिए बादरपुढवीकाइए विसे-
 सिए पज्जत्तयबादरपुढवी० य अपज्जत्तयबादरपुढवी० य, एवं आउकाइए तेउकाइए वाउकाइए वणस्सइकाइए अविसेसिए अविसेसिए अपज्जत्तय अपज्जत्तयभेदेहिं भाणियव्वा, अविसेसिए बेइंदिए विसेसिए पज्जत्तयबेइंदिए य अपज्जत्तयबेइंदिए य, एवं तेइंदियचउरिंदियावि भाणियव्वा, अविसेसिए पंचिंदियतिरिक्खजोणिए विसेसिए जलयरपंचिंदिय० थलयरपंचिंदि० खहयरपंचिंदि० य, अविसेसिए जलयरपं-
 चिंदि० विसेसिए संमुच्छिमजलयर० य गम्भवकंतिय० य, अविसेसिए संमुच्छिमजलयर० विसेसिए पज्जत्तयसंमुच्छिमजलयर० य अपज्जत्तयसंमुच्छिमजलयर० य, अविसेसिए गम्भवकंतियजलयर० विसेसिए पज्जत्तयगम्भवकंतियजलयर० य अपज्जत्तयगम्भवकंतिय० य, अविसेसिए थलयरपंचिं० विसेसिए चउप्पयथलयरपंचिं० य परिसप्पथलयर० य, अविसेसिए चउप्पयथलयरपं० विसेसिए संमु-
 च्छिमचउप्पय० य गम्भवकंतिअचउप्पय० य, अविसेसिए संमुच्छिमचउप्पयथलयर० विसेसिए पज्जत्तयसंमुच्छिमचउप्पयथ० य अपज्जत्तयसंमुच्छिमच० य, अविसेसिए गम्भवकंतिअचउप्पय० विसेसिए पज्जत्तयगम्भवकंतिअचउप्पय० य अपज्जत्तयगम्भवकंतिअचउप्पय० य, अविसेसिए परिसप्पथलयर० विसेसिए उरपरिसप्पथलयर० य भुअपरिसप्पथलयरपंचिंदिअतिरिक्खजोणिए य, एतेऽवि संमुच्छिमा पज्जत्तगा अपज्जत्तगा य, गम्भवकंतिआवि पज्जत्तगा अपज्जत्तगा य भाणियव्वा, अविसेसिए खहयरपंचिंदिय० विसेसिए संमुच्छिमखहयरपंचिंदि० य गम्भवकंतिअखहयर० य, अविसेसिए संमुच्छिमख-
 हयरपंचिं० विसेसिए पज्जत्तयसंमुच्छिमखहयर० य अपज्जत्तयसंमुच्छिमखहयर० य अविसेसिए गम्भवकंतिअखहयरपंचिं० विसेसिए पज्जत्तयगम्भवकंतिअखहयर० य अपज्जत्तयगम्भवकंतिअखहयर० य, अविसेसिए मणुस्से विसेसिए संमुच्छिममणुस्से गम्भवकंतिअमणुस्से य, अविसेसिए गम्भवकंतियमणुस्से विसेसिए कम्मभूमओ य अकम्मभूमओ य अंतरदीवओ य, संखिज्जवासाउय असंखिज्जवासाउय-
 पज्जत्तापज्जत्तओ, अविसेसिए देवे विसेसिए भवणवासी वाणमंतरे जोइसिए वेमाणिए य, अविसेसिए भवणवासी विसेसिए असुरकुमारे नाग० सुवण्ण० विज्जु० अग्गि० दीव० उदधि० दिसा० वाउ० थ-
 णिअकुमारे, सब्बेसिंपि अविसेसिए अविसेसिए अपज्जत्तग अपज्जत्तगभेदा भाणियव्वा, अविसेसिए वाणमंतरे विसेसिए पिसाए भूए जक्खे रक्खसे किण्णरे किंपुरिसे महोरगे गंधव्वे, एतेसिंपि अविसेसिए अवि-
 सेसियपज्जत्तय अपज्जत्तगभेदा भाणियव्वा, अविसेसिए जोइसिए विसेसिए चंदे सूरु गहगणे नक्खत्ते तारारूव्वे, एतेसिंपि अविसेसियविसेसियपज्जत्तय अपज्जत्तयभेदा भाणियव्वा, अविसेसिए वेमाणिए विसे-
 सिए कप्पोवगे य कप्पातीतगे य, अविसेसिए कप्पोवगे विसेसिए सोहम्मए ईसाणए सणकुमारए माहिंदए बंभलोयए लंतयए महासुक्कए सहस्सारए आणयए पाणयए आरणए अच्चुयए, एतेसिंपि अविसे-
 सिए अविसेसियपज्जत्तग अपज्जत्तगभेदा भाणियव्वा, अविसेसिए कप्पातीतए विसेसिए गेवेज्जए य अणुत्तरोववाइए य, अविसेसिए गेवेज्जए विसेसिए हेट्टिमहेट्टिमगेवेज्जए हिट्टिममज्झिम० हिट्टिमउवरिमगेवेज्जए, अविसेसिए मज्झिमगेविज्जए विसेसिए मज्झिमहिट्टिमगेविज्जए मज्झिममज्झिमगेवेज्जए मज्झिमउवरिमगेवेज्जए, अविसेसिए उवरिमगेवेज्जए विसेसिए उवरिमहेट्टिमगेवेज्जए उवरिममज्झिमगेवेज्जए उव-
 रिमउवरिमगेवेज्जए, एतेसिंपि सब्बेसिं अविसेसिए अविसेसिए अपज्जत्तगापज्जत्तगभेदा भाणियव्वा, अविसेसिए अणुत्तरोववाइए विसेसिए विजयए वेजयंतए जयंतए अपराजियए सब्बट्टसिद्धए य, एतेसिंपि

सर्वेसि अविसेसिअविसेसिअपज्जत्तगापज्जत्तगभेदा भाणियव्वा, अविसेसिए अजीवदव्वे विसेसिए धम्मत्थिकाए अधम्मत्थिकाए आगासत्थिकाए पोग्गलत्थिकाए अद्दासमए य, अविसेसिए पोग्गलत्थिकाए विसेसिए परमाणुपोग्गले दुपएसिए तिपएसिए जाव अणंतपएसिए य, से तं दुनामे । १२२। से किं तं तिनामे ?, २ तिविहे पं० तं०-दव्वणामे गुणणामे पज्जवणामे य, से किं तं दव्वणामे ?, २ छव्विहे पं० तं०-धम्मत्थिकाए अधम्म० आगास० जीव० पुग्गलत्थिकाए अद्दासमए य, से तं दव्वणामे, से किं तं गुणणामे ?, २ पंचविहे पं० तं०-वण्णणामे गंध० रस० फास० संठाणणामे, से किं तं वण्णणामे ? २ पंचविहे पं० तं०-कालवण्णणामे नील० लोहिअ० हालिद० सुक्खिलवण्णणामे, से तं वण्णणामे, से किं तं गंधणामे ?, २ दुविहे पं० तं०-सुरभिगंधणामे य दुरभिगंधणामे य, से तं गंधणामे, से किं तं रसणामे ?, २ पंचविहे पं० तं०-तित्तरसणामे कडुअ० कसाय० अंबिल० महुररसणामे य, से तं रसणामे, से किं तं फासणामे ?, २ अट्टविहे पं० तं०-कक्खडफासणामे मउअ० गरुअ० लहुअ० सीत० उसिण० णिद्व० लुक्खफासणामे, से तं फासणामे, से किं तं संठाणणामे ?, २ पंचविहे पं० तं०-परिमंडल० वट्ट० तंस० चउरंस० आयतसंठाणणामे, से तं संठाणणामे, से तं गुणणामे । से किं तं पज्जवणामे ?, २ अणेगविहे पं० तं०-एगगुणकालए दुगुण० तिगुण० जाव दसगुण० संखिज्जगुण० असंखिज्जगुण० अणंतगुणकालए, एवं नीललोहियहालिदसुक्खिलवि भाणियव्वा, एगगुणसुरभिगंधे दुगुणसुरभिगंधे तिगुण० जाव अणंतगुणसुरभिगंधे, एवं दुरभिगंधोऽवि भाणियव्वो, एगगुणतित्ते जाव अणंतगुणतित्ते, एवं कडुयकसायअंबिलमहुरावि भाणियव्वा, एगगुणकक्खडे जाव अणंतगुणकक्खडे, एवं मउअगरुअलहुअसीतउसिणणिद्वलुक्खावि भा०, से तं पज्जवणामे । 'तं पुण णामं तिविहं इत्थी पुरिसं णपुंसं चेव । एएसिं तिण्हंपिय अंतंमि परूवणं वोच्छं ॥ १८ ॥ तत्थ पुरिसस्स अंता आईऊओ हवंति चत्तारि । ते चेव इत्थियाओ हवंति ओकारपरिहीणा ॥ ९ ॥ अंतिअइंतिअउंतिअअंता उ णपुंसगस्स बोद्धव्वा । एतेसिं तिण्हंपिय वोच्छामि निदंसणे एत्तो ॥ २० ॥ आगारंतो राया ईगारंतो गिरी य तिहरी य । ऊगारंतो विण्हू दुमो य अंता उ पुरिसाणं ॥ १ ॥ आगारंता माला ईगारंता सिरी य लच्छी य । ऊगारंता जंबू वहू य अंता उ इत्थीणं ॥ २ ॥ अंकारंतं धन्नं इंकारंतं नपुंसं अच्छि । उंकारंतो पीलुं महुं च अंतो णपुंसाणं ॥ २३ ॥ से तं तिणामे । १२३ । से किं तं चउणामे ?, २ चउव्विहे पं० तं०-आगमेणं लोवेणं पयईए विगारेणं, से किं तं आगमेणं ?, २ पद्धानि पयांसि कुण्डानि, से तं आगमेणं, से किं तं लोवेणं ? २ ते अत्र तेऽत्र पटो अत्र पटोऽत्र कटो अत्र कटोऽत्र, से तं लोवेणं, से किं तं पगईए ?, २ अग्नी एतौ पटू इमौ शाले एते माले इमे, से तं पगईए, से किं तं विगारेणं ?, २ दण्डस्य अग्रं दण्डाग्रं सा आगता साऽऽगता दधि इदं दधीदं नदी इह नदीह मधु उदकं मधूदकं वधू ऊढा वधूढा, से तं विगारेणं, से तं चउणामे । १२४ । से किं तं पंचणामे ?, २ पंचविहे पं० तं०-नामिकं नैपातिकं आख्यातिकं औपसर्गिकं मिश्रं, अश्व इति नामिकं खल्विति नैपातिकं धावतीत्याख्यातिकं परीत्यौपसर्गिकं संयत इति मिश्रं, से तं पंचणामे । १२५ । से किं तं छण्णामे ?, २ छव्विहे पं० तं०-उदइए उवसमिए खइए खओवसमिए पारिणामिए संनिवाइए, से किं तं उदइए ?, २ दुविहे पं० तं०-उदइए य उदयनिप्फण्णे य, से किं तं उदइए ?, २ अट्टण्हं कम्मपयडीणं उदएणं, से तं उदइए, से किं तं उदयनिप्फण्णे ?, २ दुविहे पं० तं० जीवोदयनिप्फण्णे य अजीवोदयनिप्फण्णे य, से किं तं जीवोदयनिप्फण्णे ?, २ अणेगविहे पं० तं०-णेरइए तिरिक्खजोणिए मणुस्से देवे पुढवीकाइए जाव तसकाइए कोहकसाई जाव लोहकसाई इत्थीवेदए पुरिसवेयए णपुंसगवेदए कण्हलेसे जाव सुक्खलेसे मिच्छादिट्ठी० अविरए असण्णी अण्णाणी आहारए छउमत्थे सजोगी संसारत्थे असिद्धे, से तं जीवोदयनिप्फण्णे, से किं तं अजीवोदयनिप्फण्णे ?, २ अणेगविहे पं० तं०-उरालिअं वा सरीरं उरालिअसरीरपओगपरिणामियं वा दव्वं वेउव्वियं वा सरीरं वेउव्वियसरीरपओगपरिणामियं वा दव्वं, एवं आहारगसरीरं तेयगसरीरं कम्मगसरीरं च भाणिअव्वं, पओगपरिणामिए वण्णे गंधे रसे फासे, से तं अजीवोदयनिप्फण्णे, से तं उदयनिप्फण्णे, से तं उदइए । से किं तं उवसमिए ?, २ दुविहे पं० तं०-उवसमे य उवसमनिप्फण्णे य, से किं तं उवसमे ?, २ मोहणिज्जस्स कम्मस्स उवसमेणं, से तं उवसमे, से किं तं उवसमनिप्फण्णे ?, २ अणेगविहे पं० तं०-उवसंतकोहे जाव उवसंतलोभे उवसंतपेजे उवसंतदोसे उवसंतदंसणमोहणिजे उवसंतमोहणिजे उवसमिया सम्मत्तलद्धी उवसमिया चरित्तलद्धी उवसंतकसायछउमत्थवीयरागे, से तं उवसमनिप्फण्णे, से तं उवसमिए, से किं तं खइए ?, २ दुविहे पं० तं०-खइए य खयनिप्फण्णे य, से किं तं खइए ?, २ अट्टण्हं कम्मपयडीणं खए, से तं खइए, से किं तं खयनिप्फण्णे ?, २ अणेगविहे पं० तं०-उप्पण्णणानदंसणधरे अरहा जिणे केवली खीणआभिणिबोहिअणाणावरणे खीणसुअ० खीणओहि० खीणमणपज्जव० खीणकेवलणाणावरणे अणावरणे निरावरणे खीणा० णाणावरणिज्जकम्मविप्पमुक्के केवलदंसी सब्बदंसी खीणनिहे खीणनिहानिहे खीणपयले खीणपयलापयले खीणथीणगिद्धी खीणचक्खुदंसणावरणे खीणअचक्खु० खीणओहि० खीणकेवलदंसणावरणे अणावरणे निरावरणे खीणावरणे दरिसणावरणिज्जकम्मविप्पमुक्के खीणसायावेअणिजे खीणअसायावेयणिजे अवेअणे निव्वेअणे खीणवेअणे सुभासुभवेअणिज्जकम्मविप्पमुक्के खीणकोहे जाव खीणलोहे खीणपेजे खीणदोसे खीणदंसणमोहणिजे खीणचरित्तमोहणिजे अमोहे निम्मोहे खीणमोहे मोहणिज्जकम्मविप्पमुक्के खीणणेरइआउए खीणतिरिक्खजोणिआउए खीणमणुस्साउए खीणदेवाउए अणाउए निराउए खीणाउए आउकम्मविप्पमुक्के गइजाइसरीरंगोवंगबंधणसंघायणसंघयणसंठाणअणेगबोदिविंदसंघायविप्पमुक्के खीणसुभनामे खीणअसुभणामे अणामे निण्णामे खीणनामे सुभासुभणामकम्मविप्पमुक्के

स्वीणउच्चागोए स्वीणणीआगोए अगोए निग्गोए स्वीणगोए उच्चणीयगोत्तकम्मविप्पमुक्के स्वीणदाणंतराए स्वीणलाभ० स्वीणभोग० स्वीणउवभोग० स्वीणविरिय० अणंतराए णिरंतराए स्वीणंतराए अंतर पकम्म-
विप्पमुक्के सिद्धे बुद्धे मुत्ते परिणिव्वुए अंतगडे सव्वदुक्खप्पहीणे, से तं खयनिप्फण्णे, से तं खइए। से किं तं खओवसमिए?, २ दुविहे पं० तं०-खओवसमिए य खओवसमनिप्फण्णे य, से किं तं खअ वसमे?,
२ चउण्हं घाइकम्माणं खओवसमेणं, तं०-णाणावरणिज्जस्स दंसणावरणिज्जस्स मोहणिज्जस्स अंतरायस्स खओवसमेणं, से तं खओवसमे, से किं तं खओवसमनिप्फण्णे?, २ अणेगविहे पं० तं०-खओवस-
मिया आभिणिबोहियणाणलद्धी जाव खओ० मणपजव० खओवसमिया मइअ० खओ० सुयअ० खओ० विभंगना० खओवसमिया चक्खुदंसणलद्धी अचक्खुदं० ओहि० एवं सम्म० मिच्छा० सम्म-
मिच्छा० खओवसमिया सामाइयचरित्तलद्धी एवं छेदोवट्ठावणलद्धी परिहारविसुद्धियलद्धी सुहुमसंपरायचरित्तलद्धी एवं चरित्ताचरित्तलद्धी खओवसमिया दाणलद्धी एवं लाभ० भोग० उवभोग० खओवस-
मिया वीरियलद्धी एवं पंडियवीरियलद्धी बालवीरियलद्धी बालपंडियवीरियलद्धी खओवसमिया सोइंदियलद्धी जाव खओवसमिया फासिंदियलद्धी खओवसमिए आयारंगधरे एवं सुयगडंगधरे ठाणंगधरे
समवायंगधरे विवाहपण्णत्तिधरे नायाधम्मकहा० उवासगदसा० अंतगडदसा० अणुत्तरोववाइयदसा० पण्हावागरणधरे विवागसुयधरे खओवसमिए दिट्ठिवायधरे खओवसमिए णवपुट्ठी खओवसमिए जाव
चउइसपुट्ठी खओवसमिए गणी खओवसमिए वायए, से तं खओवसमनिप्फण्णे, से तं खओवसमिए, से किं तं पारिणामिए?, २ दुविहे पं० तं०-साइपारिणामिए य अणाइपारिणामिए य, से किं तं साइपा-
रिणामिए?, २ अणेगविहे पं० तं०-जुण्णसुरा जुण्णगुलो जुण्णघयं जुण्णतंदुला चेव। अब्भा य अब्भरुक्खा संझा गंधव्वणगरा य ॥ २४ ॥ उक्कावाया दिसादाहा गज्जियं विज्जू णिग्घाया जूवया जक्खादित्ता
धूमिआ महिआ रयुग्घाया चंदोवरागा सूरुवरागा चंदपरिवेसा सूरपरिवेसा पडिचंदा पडिसूरा इंदधणू उदगमच्छा कविहसिया अमोहा वासा वासधरा गामा णगरा घरा पव्वता पायाला भवणा निरया रयण०
सक्कर० वालुअ० पंक० धूम० तम० तमतमप्पहा सोहम्मं जाव अच्चुए गेवेज्जे अणुत्तरे ईसिप्पभारा परमाणुपोग्गले दुपएसिए जाव अणंतपएसिए, से तं साइपारिणामिए, से किं तं अणाइपारिणामिए?, २
धम्म० अधम्म० आगास० जीव० पुग्गलत्थिकाए अद्दासमए लोए अलोए जाव जीवा अजीवा भवसिद्धिआ अभवसिद्धिआ, से तं अणाइपारिणामिए, से तं पारिणामिए, से किं तं सण्णिवाइए?, एएसिं चेव
उदइअउवसमिअखइअखओवसमिअपारिणामिआणं भावाणं दुग० तिय० चउक्क० पंचगसंजोएणं जे निप्फज्जन्ति सव्वे ते सन्निवाइए नामे, तत्थ णं दस दुअसंजोगा दस तिअसंजोगा पंच चउक्कसंजोगा एगे
पंचकसंजोगे, एत्थ णं जे ते दस दुगसंजोगा ते णं इमे-अत्थि णामे उदइएउवसमनिप्फण्णे अत्थि णामे उदइएखाइग० अत्थि णामे उदइएखओवसम० अत्थि णामे उदइएपारिणामिअ० अत्थि णामे उवस-
मिअखय० अत्थि णामे उवसमिअखओवसम० अत्थि णामे उवसमिअपारिणामिअ० अत्थि णामे खइएखओवसम० अत्थि णामे खइएपारिणामिअ० अत्थि णामे खओवसमिअपारिणामिअनिप्फण्णे १०,
कयरे से नामे उदइएउवसमनिप्फण्णे?, उदइएत्ति माणुस्से उवसंता कसाया, एस णं से णामे उदइएउवसमनिप्फण्णे, कयरे से णामे उदइएखयनिप्फण्णे?, उदइएत्ति माणुस्से खइअं सम्मत्तं, एस णं से नामे
उदइएखयनिप्फण्णे, कयरे से णामे उदइएखओवसमनिप्फण्णे?, उदइएत्ति माणुस्से खओवसमिआइं इंदियाइं, एस णं से णामे उदइएखओवसमनिप्फण्णे, कयरे से णामे उदइएपरिणामिअनिप्फण्णे?,
उदइएत्ति माणुस्से पारिणामिए जीवे, एस णं से णामे उदइएपारिणामिअनिप्फण्णे, कयरे से णामे उवसमिअखयनिप्फण्णे?, उवसंता कसाया खइअं सम्मत्तं, एस णं से णामे उवसमिअखयनिप्फण्णे,
कयरे से णामे उवसमिअखओवसमनिप्फण्णे?, उवसंता कसाया खओवसमियाइं इंदियाइं, एस णं से णामे उवसमिअखओवसमनिप्फण्णे, कयरे से णामे उवसमिअपारिणामिअनिप्फण्णे?, उवसंता कसाया
पारिणामिए जीवे, एस णं से णामे उवसमिअपारिणामिअनिप्फण्णे, कयरे से णामे खइएखओवसमनिप्फण्णे?, खइयं सम्मत्तं खओवसमियाइं इंदियाइं, एस णं से णामे खइएखओवसमनिप्फण्णे, कयरे से
णामे खइएपारिणामिअनिप्फण्णे?, खइयं सम्मत्तं पारिणामिए जीवे, एस णं से णामे खइएपारिणामिअनिप्फण्णे, कयरे से णामे खओवसमिअपारिणामिअनिप्फण्णे?, खओवसमियाइं इंदियाइं पारिणा-
मिअ जीवे, एस णं से णामे खओवसमिअपारिणामिअनिप्फण्णे १०, तत्थ णं जे ते दस तिगसंजोगा ते णं इमे-अत्थि णामे उदइएउवसमिअखयनिप्फण्णे अत्थि णामे उदइएउवसमिअखओवसम० अत्थि
णामे उदइएउवसमिअपारिणामिअ० अत्थि णामे उदइएखइएखओवसम० अत्थि णामे उदइएखइएपारिणामिअ० अत्थि णामे उदइएखओवसमिअपारिणामिअ० अत्थि णामे उवसमिअखइएखओवसम०
अत्थि णामे उवसमिअखइएपारिणामिअ० अत्थि णामे उवसमिअखओवसमिअपारिणामिअ० अत्थि णामे खइएखओवसमिअपारिणामिअनिप्फण्णे १०, कयरे से णामे उदइएउवसमिअखयनिप्फण्णे?, उद-
इएत्ति माणुस्से उवसंता कसाया खइयं सम्मत्तं, एस णं से णामे उदइएउवसमिअखयनिप्फण्णे, कयरे से णामे उदइएउवसमिअखओवसमनिप्फण्णे?, उदइएत्ति माणुस्से उवसंता कसाया खओवसमिआइं
इंदियाइं, एस णं से णामे उदइएउवसम०, कयरे से णामे उदइएउवसमिअपारिणामिय०?, उदइएत्ति माणुस्से उवसंता कसाया पारिणामिअ जीवे, एस णं से णामे उदइएउवसमिअपारिणामिय०, कयरे से
णामे उदइएखइएखओवसम०?, उदइएत्ति माणुस्से खइयं सम्मत्तं खओवसमिआइं इंदियाइं, एस णं से णामे उदइएखइएखओवसम०, कयरे से णामे उदइएखइएपारिणामियनिप्फण्णे?, उदइएत्ति माणुस्से

खड्यं सम्मत्तं पारिणामिए जीवे, एस णं से नामे उदइएखइएपारिणामियनिष्फण्णे, कयरे से नामे उदइएखओवसमिएपारिणामियनिष्फण्णे ?, उदइएत्ति माणुस्से खओवसमियाइं इंदियाइं पारिणामिए जीवे, एस णं से नामे उदइएखओवसमिएपारिणामियनिष्फण्णे, कयरे से नामे उवसमिएखइएखओवसमनिष्फण्णे ?, उवसंता कसाया खड्यं सम्मत्तं खओवसमियाइं इंदियाइं, एस णं से नामे उवसमिएखइएखओवसमनिष्फण्णे, कयरे से नामे उवसमिएखइएपारिणामियनिष्फण्णे ?, उवसंता कसाया खड्यं सम्मत्तं पारिणामिए जीवे, एस णं से नामे उवसमिएखइएपारिणामियनिष्फण्णे, कयरे से नामे उवसमिएखओवसमिएपारिणामियनिष्फण्णे ?, उवसंता कसाया खओवसमियाइं इंदियाइं पारिणामिए जीवे, एस णं से नामे उवसमिएखओवसमिएपारिणामियनिष्फण्णे, कयरे से नामे खइएखओवसमिएपारिणामियनिष्फण्णे ?, खड्यं सम्मत्तं खओवसमियाइं इंदियाइं पारिणामिए जीवे, एस णं से नामे खइएखओवसमिएपारिणामियनिष्फण्णे १०, तत्थ णं जे ते पंच चउक्कसंजोगा ते णं इमे-अत्थि नामे उदइएउवसमिएखइएखओवसमनिष्फण्णे अत्थि नामे उदइएउवसमिएखइएपारिणामिय० अत्थि नामे उदइएखइएखओवसमिएपारिणामिय० अत्थि नामे उदइएखइएखओवसमिएपारिणामि० अत्थि नामे उवसमिएखइएखओवसमिएपारिणामियनिष्फण्णे, कयरे से नामे उदइएउवसमिएखइएखओवसमनिष्फण्णे ?, उदइएत्ति माणुस्से उवसंता कसाया खड्यं सम्मत्तं खओवसमियाइं इंदियाइं, एस णं से नामे उदइएउवसमिएखइएखओवसमनिष्फण्णे, कयरे से नामे उदइएउवसमिएखइएपारिणामिअनिष्फण्णे ?, उदइएत्ति माणुस्से उवसंता कसाया खड्यं सम्मत्तं पारिणामिए जीवे, एस णं से नामे उदइएउवसमिएखइएपारिणामिअनिष्फण्णे, कयरे से नामे उदइएउवसमिएखओवसमिएपारिणामिअनिष्फण्णे ?, उदइएत्ति माणुस्से उवसंता कसाया खओवसमियाइं इंदियाइं पारिणामिए जीवे, एस णं से नामे उदइएउवसमिएखओवसमिएपारिणामिअनिष्फण्णे, कयरे से नामे उवसमिएखइएखओवसमिएपारिणामिअनिष्फण्णे, उवसंता कसाया खड्यं सम्मत्तं खओवसमियाइं इंदियाइं पारिणामिए जीवे, एस णं से नामे उवसमिएखइएखओवसमिएपारिणामिअनिष्फण्णे, तत्थ णं जे से एक्के पंचगसंजोए से णं इमे-अत्थि नामे उदइएउवसमिएखओवसमिएखइएपारिणामिअनिष्फण्णे, कयरे से नामे उदइएउवसमिएखइएखओवसमिएपारिणामिअनिष्फण्णे ?, उदइएत्ति माणुस्से उवसंता कसाया खड्यं सम्मत्तं खओवसमियाइं इंदियाइं पारिणामिए जीवे, एस णं से नामे जाव पारिणामिअनिष्फण्णे, से तं सन्निवाइए, से तं छण्णामे । १२६ । से किं तं सत्तनामे ?, २ सत्त सरा पं० तं०-‘सज्जे रिसहे गंधारे, मज्झमे पंचमे सरं । धे(रे)वए चेव नेसाए, सरा सत्त वियाहिआ ॥२५॥ एएसिं णं सत्तण्हं सराणं सत्त सरट्टाणा पं० तं०-‘सज्जं च अग्गजीहाए, उरेण रिसहं सरं । कंठुग्गएण गंधारं, मज्झजीहाए मज्झमं ॥ ६ ॥ नासाए पंचमं बूआ, दंतोद्वेण य रेवतं । भमुहक्खेवेण णेसाहं, सरट्टाणा वियाहिआ ॥ ७ ॥ सत्त सरा जीवणिस्सिया पं० तं०-‘सज्जं रवइ मऊरो, कुक्कुडो रिसभं सरं । हंसो रवइ गंधारं, मज्झमं च गवेलगा ॥ ८ ॥ अह कुसुमसंभवे काले, कोइला पंचमं सरं । छट्टं च सारसा कुंचा, नेसायं सत्तमं गओ ॥ ९ ॥ सत्त सरा अजीवनिस्सिया पं० तं०-‘सज्जं रवइ मुअंगो, गोमुही रिसहं सरं । संखो रवइ गंधारं, मज्झमं पुण झल्लरी ॥ ३० ॥ चउसरणपइट्टाणा, गोहिया पंचमं सरं । आडंबरो रेवइयं, महाभेरी य सत्तमं ॥ १ ॥ एएसिं णं सत्तण्हं सराणं सत्त सरलक्खणा पं० तं०-‘सज्जेण लहई वित्तिं, कयं च न विणस्सइ । गावो पुत्ता य मित्ता य, नारीणं होइ वल्लहो ॥ २ ॥ रिसहेण उ एसज्जं (पेसज्जं), सेणावच्चं धणाणि य । वत्थगंधमलंकारं, इत्थिओ सयणाणि य ॥ ३ ॥ गंधारे गीतजुत्तिण्णा, वज्जवित्ती कलाहिया । हवंति कइणो पण्णा, जे अण्णे सत्थपारगा ॥ ४ ॥ मज्झमसरमंता उ, हवंति सुहजीविणो । खायई पियई देई, मज्झमस्सरमस्सिओ ॥ ५ ॥ पंचमसरमंता उ, हवंति पुहवीवई । सूरा संगहकत्तारो, अणेगगणनायगा ॥ ६ ॥ रेवयसरमंता उ, हवंति दुहजीविणो । कुचेला य कुवित्ती य, चोरा चंडाल मुट्टिया (साउणिया वाउरिया, सोयरिया मच्छबंधा य पा०) ॥ ७ ॥ णिसायसरमंता उ, होंति कलहकारगा । जंघाचरा लेहवाहा, हिंडगा भास्वाहगा ॥ ८ ॥ एएसिं णं सत्तण्हं सराणं तओ गामा पं० तं०-सज्जगामे मज्झमगामे गंधारगामे, सज्जगामस्स णं सत्त मुच्छणाओ पं० तं०-‘मग्गी कोरविया हरिया, रयणी य सारकंता य । छट्टी य सारसी नाम, सुद्धसज्जा य सत्तमा ॥ ९ ॥ मज्झमगामस्स णं सत्त मुच्छणाओ पं० तं०-‘उत्तरमंदा रयणी, उत्तरा उत्तरासमा । समोक्कंता य सोवीरा, अभिरूवा होइ सत्तमा ॥ ४० ॥ गंधारगामस्स णं सत्त मुच्छणाओ पं० तं०-‘नंदी य खुड्डिया पूरिमा य चउत्थी य सुद्धगंधारा । उत्तरगंधाराविय सा पंचमिया हवइ मुच्छा ॥ १ ॥ सुट्टुत्तरमायामा सा छट्टी सबओ य णायवा । अह उत्तरायया कोडिमा य सा सत्तमा मुच्छा ॥ २ ॥ सत्त सरा कओ हवंति ? गीयस्स का हवइ जोणी ? । कइसमया ओसासा ?, कइ वा गीयस्स आगारा ? ॥ ३ ॥ सत्त सरा नाभीओ हवंति गीयं च रुइयजोणी उ । पायसमा ऊसासा तिण्णि य गीयस्स आगारा ॥ ४ ॥ आइ मउ आरभंता समुव्वहन्ता य मज्झयारंमि । अवसाणे उज्झंता तिन्निवि गीयस्स आगारा ॥ ५ ॥ छट्टोसे अट्टगुणे तिण्णि य वित्ताइं दो य भणिईओ । जो नाही सो गाहिइ, सुसिक्खिओ रंगमज्झंमि ॥ ६ ॥ भीयं दुयं उप्पिच्छं उत्तालं च कमसो मुणेअव्वं । कागस्सरमणुणासं छट्टोसा होंति गेयस्स ॥ ७ ॥ पुण्णं रत्तं च अलंकियं य वत्तं च तहेवमविघुट्टं । महुरं समं सुललियं अट्ट गुणा होंति गेयस्स ॥ ८ ॥ उरकंठसिरविसुद्धं च गिज्जंते मउअरिभिअपदबद्धं । समतालपदुक्खेवं सत्तस्सरसीभरं गीयं ॥ ९ ॥ (३३०)

अक्वरसमं पदसमं तालसमं लयसमं च गेहसमं । नीससिओससियसम, संचारसमं सरा सत्त ॥५०॥ निदोसं सारमंतं च, हेउजुत्तमलंकियं । उवणीयं सोवयारं च, मियं महुरमेव य ॥१॥ समं अद्वसमं चैव, सच्चत्थ विसमं च जं । तिण्णि वित्तपयाराणि, चउत्थं नोवलब्भइ ॥ २ ॥ सक्या पायया चैव, भणिईओ होंति दोण्णि वा । सरमंडलंमि गिजंते, पसत्था इसिभासिया ॥ ३ ॥ केसी गायइ महुरं केसी गायइ खरं च खखं च । केसी गायइ चउरं केसी य विलंबियं दुतं केसी ? ॥ ४ ॥ विस्सरं पुण केरिसी ? । 'गोरी गायति महुरं सामा गायइ खरं च खखं च । काली गायइ चउरं काणा य विलंबियं दुतं मंदा ॥ ५ ॥ विस्सरं पुण पिंगला । सत्त सरा नओ गामा, मुच्छणा इक्कीसई । ताणा एगुण-पण्णासं, समत्तं सरमंडलं ॥ ६ ॥ से तं सत्तनामे । १२७ । से किं तं अट्टनामे ? , २ अट्टविहा वयणविभत्ती पं० तं०- 'निदोसे पढमा होइ, बितिया उवएसणे । तइया करणंमि कया, चउत्थी संपयावणे ॥ ७ ॥ पंचमी य अवायाणे, छट्ठी सस्सामिवायणे । सत्तमी सण्णिहाणत्थे, अट्टमाऽऽमंतणी भवे ॥ ८ ॥ तत्थ पढमा विभत्ती निदोसे सो इमो अहं वत्ति । बिइया पुण उवएसे भण कुणसु इमं व तं वत्ति ॥ ९ ॥ तइआ करणंमि कया भणियं च कयं च तेण व मए वा । हंदि णमो साहाए हवइ चउत्थी पयाणंमि ॥ ६० ॥ अवणय गिण्ह य एत्तो इउत्ति वा पंचमी अवायाणे । छट्ठी तस्स इमस्स व गयस्स वा सामिसंबंधे ॥ १ ॥ हवइ पुण सत्तमी तं इमंमि आहारकालभावे य । आमंतणी भवे अट्टमी उ जहा हे जुवाणत्ति ॥ २ ॥ से तं अट्टनामे । १२८ । से किं तं नवनामे ? , २ णव कवरसा पं० तं०- 'वीरो सिंगारो अब्भुओ य रोहो य होइ बोद्धो । वेलणओ बीभच्छो हासो कलुणो पसंतो य ॥ ३ ॥ तत्थ परिच्चायंमि य तवचरणे सत्तुयणविणासे य । अणुसयधितिपरक्कमलिंगो वीरो रसो होइ ॥ ४ ॥ वीरो रसो जहा-सो नाम महावीरो जो रज्जं पयहिऊण पवइओ । कामकोहमहासत्तूपक्खनिग्घायणं कुणइ ॥ ५ ॥ सिंगारो नाम रसो रतिसंजोगाभिलाससं-जणणो । मंडणविलासबिब्बोअहासलीलारमणलिंगो ॥ ६ ॥ सिंगारो रसो जहा-महुरविलाससललिअं हियउम्मादणकरं जुवाणणं । सामा सददुदामं दाएती मेहलादामं ॥ ७ ॥ विम्हयकरो अपुवो अणुभूअपुवो य जो रसो होइ । हरिसविसाउप्पत्तिलक्खणो अब्भुओ नाम ॥ ८ ॥ अब्भुओ रसो जहा-अब्भुअतरमिह एत्तो अन्नं किं अत्थि जीवलोगंमि । जं जिणवयणे अत्था तिकालजुत्ता मुणिजंति ? ॥ ९ ॥ भयजणणरूवसदंधयारचिंताकहासमुप्पण्णो । संमो-हसंभमविसायमरणलिंगो रसो रोहो ॥ ७० ॥ रोहो रसो जहा-भिउडीविडंबियमुहो संदट्टोइयरुहिरमोकिण्णो । हणसि पसुं असुरणिभो भीमरसिय अइरोइ ! रोहोऽसि ॥ १ ॥ विणओवयारगुज्झगुरुदारमेरावइक्कमुप्पण्णो । वेलणओ नाम रसो लजासंकाकरणलिंगो ॥ २ ॥ वेलणओ रसो जहा-किं लोइयकरणीओ लज्जणीअतरंति लज्जयामुत्ति । वारिजंमी गुरुयणो परिवंदइ जं बहुप्पोत्तं ॥ ३ ॥ असुइकुणिमदुहंसणसंजोगग्घासगंधनिप्फण्णो । निव्वेयऽविहिंसालक्खणो रसो होइ बीभच्छो ॥ ४ ॥ बीभच्छो जहा-असुइमलभरियनिज्झरसभावदुग्गंधि सब्बकालंपि । धण्णा उ सरीरकलिं बहुमलकलुत्तं विमुंचंति ॥ ५ ॥ रूववयवेसभासाविवरीअविलंबणासमुप्पण्णो । हासो मणप्पहासो पगासलिंगो रसो होइ ॥ ६ ॥ हासो रसो जहा-पासुत्तमसीमंडिअपडिबुद्धं देवरं पलोअंती । ही जह थणभरकंपणपणमिअमज्झा हसइ सामा ॥ ७ ॥ पिअविप्पओगबंधवहवाहिविणिवायसंभमुप्पण्णो । सोइअविलविअपम्हाणरुण्णलिंगो रसो करुणो ॥ ८ ॥ करुणो रसो जहा-पज्झायकिलामिअयं बाहागयपप्पुअच्छियं बहुसो । तस्स विओगे पुत्तिय ! दुब्बलयं ते मुहं जायं ॥ ९ ॥ निदोसमणसमाहाणसंभवो जो पसन्तभावेणं । अविकारलक्खणो सो रसो पसंतोत्ति णायवो ॥ ८० ॥ पसंतो रसो जहा-संभावनिव्विगारं उवसंतपसंतसोमदिट्ठीयं । ही जह मुणिणो सोहइ मुहकमलं पीवरसिरीयं ॥ १ ॥ एए नव कवरसा बत्तीसादोसविहिसमुप्पण्णा । गाहाहिं मुणेयव्वा हवंति सुद्धा व मीसा वा ॥ ७२ ॥ से तं नवनामे । १२९ । से किं तं दसनामे ? , २ दसविहे पं० तं०-गोण्णे नोगोण्णे आयाणपएणं पडिवक्खपएणं पहाणयाए अणाइअसिद्धंतेणं नामेणं अवयवेणं संजोगेणं पमाणेणं, से किं तं गोण्णे ? , २ खमइत्ति खमणो तवइत्ति तवणो जलइत्ति जलणो पवइत्ति पवणो, से तं गोण्णे, से किं तं नोगोण्णे ? , अकुंतो सकुंतो अमुग्गो समुग्गो अमुहो समुहो अलालं पलालं अकुलिया सकुलिया नो पलं असइत्ति पलासो अमाइवाहए माइवाहए अबीअवावए बीयवावए नो इंदगोवए इंदगोवए, से तं नोगोण्णे, से किं तं आयाणपएणं ? , २ (धम्मोमंगलं, चूलिआ) आवंती चाउरंगिजं असंखयं अहातत्थिजं अइइजं जण्णइजं पुरिसइजं (उसुकारिजं) एलइजं वीरियं धम्मो मग्गो समोसरणं गंथो जम्मइअं, से तं आयाणपएणं, से किं तं पडिवक्खपएणं ? , २ तवेषु गामागरणगरखेडकब्बडमडंबदोणमुहपट्टणासमसंवाहसन्निवसेसु संनिविस्समाणेसु असिवा सिवा अग्गी सीअलो विसं महुरं कल्लालघरेसु अंबिलं साउयं जे रत्तए से अलत्तए जे लाउए से अलाउए जे सुंभए से कुसुंभए आलवंते विवलीअभासए, से तं पडिवक्खपएणं, से किं तं पाहण्णयाए ? , असोगवणे सत्तवण्णं चंपगं चूअं नागं पुन्नागं उच्छुं दक्खं सालिवणे, से तं पाहण्णयाए, से किं तं अणा-इयसिद्धंतेणं ? , धम्मत्थिकाए अधम्मं आगासं जीवं पुग्गलत्थिकाए अद्दासमए, से तं अणाइयसिद्धंतेणं, से किं तं नामेणं ? , २ पिउपिआमहस्स नामेणं उन्नामिज्जइ, से तं णामेणं, से किं तं अवयवेणं ? , २ 'सिंगी सिही विसाणी दाढी पक्खी खुरी नही वाली । दुप्पयचउपयबहुपया नंगुली केसरी कउही ॥ ७३ ॥ परिअरबंधेण भडं जाणिज्जा महिलियं निवसणेणं । सित्थेण दोणवायं कविं च इक्काएँ गाहाए ॥ ७४ ॥ से तं अवयवेणं, से किं तं संजोएणं ? , संजोगे चउव्विहे पं० तं०-दव्वसंजोगे खेत्तं कालं भावसंजोगे, से किं तं दव्वसंजोगे ? , २ तिविहे पं० तं०-सचित्ते अचित्ते मीसए, से किं तं सचित्ते ? , २ गोहिं गोमिए महिसीहिं माहिसए ऊरणीहिं ऊरणीए उट्ठीहिं उट्ठीवाले, से तं सचित्ते, से किं तं अचित्ते ? , २ छत्तेण छत्ती दंडेण दंडी पडेण पडी घडेण घडी कडेण कडी, से तं अचित्ते, से किं तं मीसए ? , २ हलेणं हालिए सगडेणं सागडिए रहेणं रहिए नावाए नाविए, से तं मीसए, से तं दव्वसंजोगे, से किं तं खित्तसं-जोगे ? , २ भारहे एरवए हेमवए एरणवए हरिवासए रम्मगवासए देवकुरए उत्तरकुरए पुव्वविदेहए अवरविदेहए अहवा मागहे मालवए सोरट्टए मरहट्टए कुंकणए, से तं खेत्तसंजोगे, से किं तं कालसंजोगे ? , २ सुसमसुसमाए सुसमाए सुसमदूसमाए दूसमसुसमाए दूसमाए दूसमदूसमाए, अहवा पावसए वासारत्तए सरदए हेमंतए वसंतए गिम्हए, से तं कालसंजोगे, से किं तं भावसंजोगे ? , २ दुविहे पं० तं०-पसत्थे य अपसत्थे य, से किं तं पसत्थे ? , २ नाणेणं नाणी

दंसणेणं दंसणी चरित्तेणं चरिती, से तं पसत्थे, से किं तं अपसत्थे ?, २ कोहेणं कोही माणेणं माणी मायाए मायी लोहेणं लोही, से तं अपसत्थे, से तं भावसंजोगे, से तं संजोएणं, से किं तं पमाणेणं ?, २ चउब्विहे पं० तं०-नाम-
 प्पमाणे ठवण० दव्व० भावप्पमाणे, से किं तं नामप्पमाणे ?, २ जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा पमाणेत्ति नामं कज्जइ से तं णामप्पमाणे, से किं तं ठवणप्पमाणे ?, २ सत्तविहे
 पं० तं०-‘णक्खत्त देवय कुले पासंड गणे य जीवियाहेउं। आभिप्पाइयणामे ठवणानामं तु सत्तविहं ॥८५॥ से किं तं णक्खत्तणामे ?, २ कित्तियाहिं जाए कित्तिए कित्तियादिण्णे कित्तियाधम्मे कित्तियासम्मे कित्तियादेवे कित्तियादासे
 कित्तियासेणे कित्तियारक्खिए रोहणीहिं जाए रोहिणिए रोहिणिदिन्ने रोहिणिधम्मे रोहिणिसम्मे रोहिणिदेवे रोहिणिदासे रोहिणिसेणे रोहिणिरक्खिए य, एवं सब्बनक्खत्तेसु नामा भाणियद्वा, एत्थं संगहणिगाहाओ ‘ कित्तिय रोहि-
 णि मिगसिर अद्वा य पुणब्सू य पुस्से य। तत्तो य अस्सिलेसा महा उ दो फग्गुणीओ य ॥ ६ ॥ हत्थो चित्ता साती विसाहा तह य होइ अणुराहा । जेट्टामूला पुद्वासाढा तह उत्तरा चेव ॥ ७ ॥ अभिई सब्बण धणिट्टा सतभिसदा दो य
 होंति भदवया । रेवइ अस्सिणि भरणी एसा नक्खत्तपरिवाडी ॥ ८ ॥ से तं नक्खत्तणामे, से किं तं देवयाणामे ?, २ अग्गिदेवयाहिं जाए अग्गिए अग्गिदिण्णे अग्गिसम्मे अग्गिधम्मे अग्गिदेवे अग्गिदासे अग्गिसेणे अग्गिरक्खिए, एवं
 सब्बनक्खत्तदेवयानामा भाणियद्वा, एत्थंपि संगहणिगाहाओ ‘ अग्गि पयावइ सोमे रुद्धो अदिती विहस्सई सप्पे। पिति भग अज्जम सविया तट्टा वाऊ य इंदग्गी ॥ ९ ॥ मित्तो इंदो निरई आऊ विस्सो य बंभ विण्हू या । वसु वरुण
 अयविवद्धि पूसे आसे जमे चेव ॥ १० ॥ से तं देवयाणामे । से किं तं कुलनामे ?, २ उग्गे भोगे रायण्णे खत्तिए इक्खागे णाते कोरब्बे, से तं कुलनामे, से किं तं पासंडनामे ?, २-‘समणे य पंडुरंगे भिक्खू कावाल्लिए य तावसए, परिवा-
 यगे, से तं पासंडनामे, से किं तं गणनामे ?, २ मल्ले मल्लदिन्ने मल्लधम्मे मल्लसम्मे मल्लदेवे मल्लदासे मल्लसेणे मल्लरक्खिए, से तं गणनामे, से किं तं जीवियाहेउ ?, २ अवकरए उक्कुरुडए उज्झिए कज्जवए सुप्पए, से तं जीविया-
 हेउ, से किं तं आभिप्पाइअनामे ?, २ अंबए निंबए बकुलए पलासए सिणए पिलूए करीरए, से तं आभिप्पाइअनामे, से तं ठवणप्पमाणे । से किं तं दव्वप्पमाणे ?, २ छब्विहे पं० तं०-धम्मत्थिकाए जाव अद्वासमए, से तं दव्वप्पमाणे,
 से किं तं भावप्पमाणे ?, २ चउब्विहे पं० तं०-सामासिए तद्धियए धाउए निरुत्तिए, से किं तं सामासिए ?, २ सत्त समासा भवंति, तं०-‘दंदे य बहुब्वीही, कम्मधारय दिग्गु य । तप्पुरिस अब्बईभावे, एकसेसे य सत्तमे ॥ ९१ ॥ से किं तं
 दंदे ?, २ दन्ताश्च ओष्ठौ च दन्तोष्ठं, स्तनौ च उदरं च स्तनोदरं, वस्त्रं च पात्रं च वस्त्रपात्रं, अश्वाश्च महिषाश्च अश्वमहिषं, अहिश्च नकुलश्च अहिनकुलं, से तं दंदे समासे, से किं तं बहुब्वीहीसमासे ?, २ फुल्ला इमंमि गिरिंमि कुडय-
 कयंवा सो इमो गिरी फुल्लियकुडयकयंवा, से तं बहुब्वीहीसमासे, से किं तं कम्मधारए ?, २ धवलो वसहो धवलवसहो, किण्हो मियो किण्हमियो, सेतो पडो सेतपडो, रत्तो पडो रत्तपडो, से तं कम्मधारए, से किं तं दिगुसमासे ?, २
 तिण्णि कडुगाणि तिकडुगं, तिण्णि महुराणि तिमहुरं, तिण्णि गुणाणि तिगुणं, तिण्णि पुराणि तिपुरं, तिण्णि सराणि तिसरं, तिण्णि पुक्खराणि तिपुक्खरं, तिण्णि बिंदुआणि तिबिंदुअं, तिण्णि पहाणि तिपहं, पंच नईओ पंचणयं,
 सत्त गया सत्तगयं, नव तुरंगा नवतुरंगं, दस गामा दसगामं, दस पुराणि दसपुरं, से तं दिगुसमासे । से किं तं तप्पुरिसे ?, २ तित्थे कागो तित्थकागो, वणे हत्थी वणहत्थी, वणे वराहो वणवराहो, वणे महिसो वणमहिसो, वणे मयूरो
 वणमयूरो, से तं तप्पुरिसे, से किं तं अब्बईभावे ?, २ अणुगामं अणुणइयं अणुकरिहं अणुचरियं, से तं अब्बईभावे समासे, से किं तं एगसेसे ?, २ जहा एगो पुरिसो तहा बहवे पुरिसा जहा बहवे पुरिसा तहा एगो पुरिसो, जहा एगो
 करिसावणो तहा बहवे करिसावणा जहा बहवे करिसावणा तहा एगो करिसावणो, जहा एगो साली तहा बहवे साली जहा बहवे साली तहा एगो साली, से तं एगसेसे समासे, से तं सामासिए । से किं तं तद्धितए ?, २ अट्टविहे पं०
 तं०-‘कम्मे सिप्प सिलोए संजोग समीवओ य संजूहो । इस्सरिय अवच्चेण य तद्धितणामं तु अट्टविहं ॥ ९२ ॥ से किं तं कम्मणामे ?, २ तणहारए कट्टहारए पत्तहारए दोसिए सोत्तिए कप्पासिए भंडवेआल्लिए कोल्लाल्लिए, से तं
 कम्मनामे, से किं तं सिप्पनामे ?, २ तुण्णए तंतुवाए पट्टकारे उएट्टे बरुडे मुंजकारे कट्ट० छत्त० वज्झ० पोत्थ० चित्त० दंत० लेप्प० सेल० कोट्टिमकारे, से तं सिप्पनामे, से किं तं सिलोअनामे ?, २ समणे माहणे सब्बातिही, से तं
 सिलोअनामे, से किं तं संजोगनामे ?, २ रण्णो ससुरए रण्णो जामाउए रण्णो साले रण्णो भाउए रण्णो भगिणीवई, से तं संजोगनामे, से किं तं समीवनामे ?, २ गिरिसमीवे णयरं गिरिणयरं विदिसासमीवे णयरं विदिसं नयरं बेन्नाए
 समीवे णयरं बेन्नायडं तगराए समीवे णयरं तगरायडं, से तं समीवनामे, से किं तं संजूहनामे ?, २ तरङ्गवइक्कारे मलयवइक्कारे अत्ताणुसट्टिकारे बिंदुकारे, से तं संजूहनामे, से किं तं ईसरिअनामे ?, २ राईसरे तलवरे माडंभिए कोडुं-
 भिए इब्भे सेट्टी सत्थवाहे सेणावई, से तं ईसरिअनामे, से किं तं अवच्चनामे ?, २ अरिहंतमाया चक्कवट्टि० बलदेव० वासुदेव० राय० मुणि० वायगमाया, से तं अवच्चनामे, से तं तद्धितए, से किं तं धाउए ?, भू सत्तायां परस्मैभाषा
 एध वृद्धौ स्पर्द्धं संहर्षे गाधृ प्रतिष्ठालिप्सयोर्ग्रन्थे च बाधृ लोडने, से तं धाउए, से किं तं निरुत्तिए ?, २ मह्यां शेते महिषः, भ्रमति च रौति च भ्रमरः, मुहुर्मुहुर्लसतीति मुसलं, कपेरिव लम्बते त्थेति च करोति कपित्थं, चिदिति क-
 रोति खल्लं च भवति चिक्खल्लं, ऊर्ध्वकर्णः उल्लूकः, मेखस्य माला मेखला, से तं निरुत्तिए, से तं भावपमाणे, से तं पमाणनामे, से तं दसनामे, से तं नामे । १३० । से किं तं पमाणे ?, २ चउब्विहे पं० तं०-दव्वपमाणे खत्त० काल०
 भावप्पमाणे । १३१ । से किं तं दव्वपमाणे ?, २ दुविहे पं० तं०-पएसनिप्फण्णे य विभागनिप्फण्णे य, से किं तं पएसनिप्फण्णे ? २ परमाणुपोग्गले दुपएसिए जाव दसपएसिए संखिज्जपएसिए असंखिज्जपएसिए अणंतपएसिए, से
 तं पएसनिप्फण्णे, से किं तं विभागनिप्फण्णे ?, २ पंचविहे पं० तं०-माणे उम्माणे अवमाणे गणिमे पडिमाणे, से किं तं माणे ?, २ दुविहे पं० तं०-धन्नामाणप्पमाणे य रसमाणप्पमाणे य, से किं तं धन्नामाणपमाणे ?, २ दो असईओ
 पसई दो पसईओ सेतिया चत्तारि सेइयाओ कुलओ चत्तारि कुलया पत्थो चत्तारि पत्थया आढगं चत्तारि आढगाइं दोणो सट्टिं आढयाइं जहन्नए कुंभे असीई आढयाइं मज्झिमए कुंभे आढयसयं उक्कोसए कुंभे अट्ट य आढयसइए

वाहे. एएणं धण्णमाणपमाणेणं किं पओयणं?, एएणं धण्णमाणपमाणेणं मुत्तोलीमुरवइदु(इ)रअलिंदओचारसंसियाणं धण्णाणं धण्णमाणपमाणनिव्वित्तिलक्खणं भवइ, से तं धण्णमाणपमाणे, से किं तं रसमाणपमाणे?, २ धण्ण-
माणपमाणो चउभागविवडिअ अग्गिभतरसिहाजुत्ते रसमाणपमाणे विहिज्जइ, तं०-चउसट्टिआ (चउपलपमाणा) बत्तीसिआ सोलसिया अट्टभाइया चउभाइआ अट्टमाणी माणी, दो चउसट्टियाओ बत्तीसिया दो बत्तीसियाओ
सोलसिया दो सोलसियाओ अट्टभाइआ दो अट्टभाइयाओ चउभाइया दो चउभाइयाओ अट्टमाणी दो अट्टमाणीओ माणी, एएणं रसमाणपमाणेणं किं पओयणं?, एएणं रसमाणेणं वारकघडककरककळसिअगागरिदइअकरो-
डिअकुंडिअसंसियाणं रसाणं रसमाणपमाणनिव्वित्तिलक्खणं भवइ, से तं रसमाणपमाणे, से तं माणे । से किं तं उम्माणे?, २ जण्णं उम्मिणिज्जइ, तं०-अट्टकरिसो करिसो अट्टपलं पलं अट्टतुत्ता तुत्ता अट्टभारो भारो, दो अट्टकरि-
रिसा करिसो दो करिसा अट्टपलं दो अट्टपलाइं पलं पलसइआ तुत्ता दस तुत्ताओ अट्टभारो वीसं तुत्ताओ भारो, एएणं उम्माणपमाणेणं किं पओयणं?, एएणं उम्माणपमाणेणं पत्ताअगरतगरचोअअकुंकुमस्वंडगुल्मच्छंडियाइणं
दव्वाणं उम्माणपमाणनिव्वित्तिलक्खणं भवइ, से तं उम्माणपमाणे, से किं तं ओमाणे?, २ जण्णं ओमिणिज्जइ, तं०-हत्थेण वा दंडेण वा धणुक्केण वा जुगेण वा नालिआए वा अक्खेण वा मुसलेण वा-‘दंड धणू जुग नालिया य
अक्ख मुसलं च चउहत्थं । दसनालियं च रज्जुं वियाण ओमाणसण्णाए ॥ ९३ ॥ वत्थुंमि हत्थमेज्जं खित्ते दंडं धणुं च पंथंमि । स्वायं च नालियाए वियाण ओमाणसण्णाए ॥ ९४ ॥ एएणं अवमाणपमाणेणं किं पओयणं?, एएणं अव-
माणपमाणेणं स्वायचिअकरकचियकडपडभित्तिपरिक्खेवसंसियाणं दव्वाणं अवमाणपमाणनिव्वित्तिलक्खणं भवइ, से तं अवमाणे, से किं तं गणिमे?, २ जण्णं गणिज्जइ, तं०-एगो दस सयं सहस्सं दस सहस्साइं सयसहस्सं दस सयस-
हस्साइं कोडी, एएणं गणिमपमाणेणं किं पओयणं?, एएणं गणिमपमाणेणं भित्तगभित्तिभत्तवेअणआयव्वयसंसियाणं दव्वाणं गणियपमाणनिव्वित्तिलक्खणं भवइ, से तं गणिमे । से किं तं पडिमाणे?, २ जण्णं पडिमिणिज्जइ, तं०-
गुंजा कागणी निप्फावो कम्ममासओ मंडलओ सुवण्णो, पंच गुंजाओ कम्ममासओ कागण्यपेक्षया चत्तारि कागणीओ कम्ममासओ तिन्नि निप्फावा कम्ममासओ एवं चउक्को कम्ममासओ काकण्यपेक्षयेत्यर्थः बारस कम्ममासया
मंडलओ एवं अडयालीसं कागणीओ मंडलओ सोलस कम्ममासया सुवण्णो एवं चउसट्टी कागणीओ सुवण्णो, एवं एएणं पडिमाणपमाणेणं किं पओअणं?, एएणं पडिमाणपमाणेणं सुवण्णरजतमणिमोत्तिअसंखसिलप्पवात्ताइणं
दव्वाणं पडिमाणपमाणनिव्वित्तिलक्खणं भवइ, से तं पडिमाणे, से तं विभागनिप्फण्णे, से तं दव्वपमाणे । १३२ । से किं तं खेत्तपमाणे?, दुविहे पं० तं०-पएसणिप्फण्णे य विभागणिप्फण्णे य, से किं तं पएसणिप्फण्णे?, २ एगपएसो-
गाढे दुपएसोगाढे तिपएसोगाढे संखिज्जप० असंखिज्जप०, से तं पएसणिप्फण्णे, से किं तं विभागणिप्फण्णे?, २ ‘अंगुल विहत्थि रयणी कुच्छी धणु गाउअं च बोद्धवं । जोयण सेढी पयरं लोममळोगेऽविय तहेव ॥ ९५ ॥ से किं तं
अंगुले?, २ तिविहे पं० तं०-आयंगुले उस्सेहंगुले पमाणंगुले, से किं तं आयंगुले?, २ जे णं जया मणुस्सा भवन्ति तेसिं णं तथा अप्पणो अंगुलेणं दुवालस अंगुलाइं मुहं नव मुहाइं पुरिसे पमाणजुत्ते भवइ दोणिए पुरिसे माणजुत्ते
भवइ अट्टभारं तुल्लमाणे पुरिसे उम्माणजुत्ते भवइ ‘माणुम्माणपमाणजुत्ता लक्खणवंजणगुणेहि उव्वेआ । उत्तमकुलप्पसूआ उत्तमपुरिसा मुणेयव्वा ॥ ६ ॥ होंति पुण अहियपुरिसा अट्टसयं अंगुलाण उव्विद्धा । छण्णउइं अहमपुरिसा
चउत्तरं मज्झिमिद्धा उ ॥ ७ ॥ हीणा वा अहिया वा जे खलु सरसत्तसारपरिहीणा । ते उत्तमपुरिसाणं अवस्स पेसत्तणमुवेत्ति ॥ ९८ ॥ एएणं अंगुलपमाणेणं छ अंगुलाइं पाओ दो पाया विहत्थी दो विहत्थीओ रयणी दो रयणीओ कुच्छी
दो कुच्छीओ दंडं धणू जुगे नालिया अक्खे मुसले दो धणुसहस्साइं गाउयं चत्तारि गाउयाइं जोयणं, एएणं आयंगुलपमाणेणं किं पओयणं?, २ एएणं आयंगुलेणं जे णं जया मणुस्सा हवन्ति तेसिं णं तथा णं आयंगुलेणं अगड-
तलागदहनदीवाविपुक्खरिणीदीहियगुंजालियाओ सरा सरपंतियाओ सरसरपंतियाओ बिलपंतियाओ आरामुज्जाणकाणणवणवणसंडवणराइंओ देउलसभापवाथूभखाइअपरिहाओ पागारअट्टालयचरिअदारगोपुरपासायघरसरणलय-
णआवणसिंघाडगतिगचउक्कचचरचउम्मुहमहापहपहसगडरहजाणजुग्गगिद्धिथिद्धिसिविअसंदमाणियाओ लोहीलोहकडाहकडिल्लयभंडमत्तोवगरणमाइंणि अज्जकालियाइं च जोयणाइं मविज्जन्ति, से समासओ तिविहे पं० तं०-
सूइअंगुले पयरंगुले घणंगुले, अंगुलायया एगपएसिया सेढी सूइअंगुले, सुइ सूइगुणिया पयरंगुले, पयरं सूइए गुणितं घणंगुले, एएसि णं भंते ! सूइअंगुलपयरंगुलघणंगुलाणं कयरे कयरेहिंतो अप्पा वा बहुया वा तुल्ला वा विसेसाहिया
वा?, सव्वथोवे सूइअंगुले पयरंगुले असंखेज्जगुणे घणंगुले असंखिज्जगुणे, से तं आयंगुले । से किं तं उस्सेहंगुले?, २ अणेगविहे पं० तं०-‘परमाणू तसरेणू रहरेणू अग्गयं च वालस्स । लिक्खा जूआ य जवो अट्टगुणविवडिअ कमसो
॥ ९९ ॥ से किं तं परमाणू?, २ दुविहे पं० तं०-सुहुमे य ववहारिए य, तत्थ णं जे से सुहुमे से ठप्पे, तत्थ णं जे से ववहारिए से णं अणंताणंताणं सुहुमपोग्गलाणं समुदयसमितिसमागमेणं ववहारिए परमाणुपोग्गले निप्फज्जइ, से णं
भंते ! असिधारं वा खुरधारं वा ओगाहेजा?, हन्ता ओगाहेजा, से णं तत्थ छिजेज वा भिजेज वा?, नो इणट्टे समट्टे, नो खलु तत्थ सत्थं कमइ, से णं भंते ! अगणिकायस्स मज्झंमज्झेणं वीइवएजा?, हंता वीइवएजा, से णं भंते !
तत्थ डज्जेजा?, नो इणट्टे समट्टे, नो खलु तत्थ सत्थं कमइ, से णं भंते ! पुक्खरसंवट्टगस्स महामेहस्स मज्झंमज्झेणं वीइवएजा?, हंता वीइवएजा, से णं तत्थ उदउल्लेसिआ?, नो इणट्टे समट्टे, णो खलु तत्थ सत्थं कमइ, से णं
भंते ! गंगाए महाणईए पडिसोयं हव्वमागच्छेजा?, हंता हव्वमागच्छेजा, से णं तत्थ त्रिणिघायमावजेजा?, नो इणट्टे समट्टे, णो खलु तत्थ सत्थं कमइ, से णं भंते ! उदगावत्तं वा उदगबिंदुं वा ओगाहेजा?, हंता ओगाहेजा, से णं तत्थ
कुत्थेजा वा परियावजेज वा?, णो इणट्टे समट्टे, नो खलु तत्थ सत्थं कमइ, ‘सत्थेण सुत्तिक्खेणवि छित्तुं भेत्तुं च जं किर न सक्का । तं परमाणुं सिद्धा वयंति आइं पमाणानं ॥ १०० ॥ अणंताणं ववहारियपरमाणुपोग्गलाणं समुदयस-
मितिसमागमेणं सा एगा उसण्हसण्हियाइ वा सण्हसण्हियाइ वा उड्ढरेणूइ वा तसरेणूइ वा रहरेणूइ वा, अट्ट उसण्हसण्हियाओ सा एगा सण्हसण्हिया, अट्ट सण्हसण्हियाओ सा एगा उड्ढरेणू, अट्ट उड्ढरेणूओ सा एगा तसरेणू,

अट्ट तसरेणूओ सा एगा रहरेणू, अट्ट रहरेणूओ देवकुरुउत्तरकुरूणं मणुआणं से एगे वालग्गे, अट्ट देवकुरुउत्तरकुरूणं मणुआणं वालग्गा हरिवासरम्मगवासाणं मणुआणं से एगे वालग्गे, अट्ट हरिवासरम्मगवासाणं मणुस्साणं वालग्गा हेमवयहेरणवयाणं मणुस्साणं से एगे वालग्गे, अट्ट हेमवयहेरणवयाणं मणुस्साणं वालग्गा पुब्रविदेहअवरविदेहाणं मणुस्साणं से एगे वालग्गे, अट्ट पुब्रविदेहअवरविदेहाणं मणुस्साणं वालग्गा भरहएरवयाणं मणुस्साणं से एगे वालग्गे, अट्ट भरहएरवयाणं मणुस्साणं वालग्गा सा एगा लिक्खा, अट्ट लिक्खाओ सा एगा जूआ, अट्ट जूआओ एगे जवमज्जे, अट्ट जवमज्जे से एगे अंगुले, एएणं अंगुलपमाणेण छ अंगुलाइं पादो बारस अंगुलाइं विहत्थी चउवीसं अंगुलाइं रयणी अडयालीसं अंगुलाइं कुच्छी, छन्नवई अंगुलाइं से एगे दंडेइ वा धणूइ वा जुगेइ वा नालिआइ वा अक्खेइ वा मुसलेइ वा, एएणं धणुप्पमाणेणं दो धणुसहस्साइं गाउअं चत्तारि गाउआइं जोअणं, एएणं उस्सेहंगुलेणं किं पओअणं?, एएणं उस्सेहंगुलेणं णेरइअतिरिक्खजोणियमणुस्सदेवाणं सरीरोगाहणा मत्तिज्जति, णेरइआणं भंते! केमहालिआ सरीरोगाहणा पं०?, गोयमा! दुविहा पं० तं०-भवधारणिज्जा य उत्तरवेउव्विआ य, तत्थ णं जा सा भवधारणिज्जा सा णं जहण्णेणं अंगुलस्स असंखेज्जइभागं उक्कोसेणं पंच धणुसयाइं, तत्थ णं जा सा उत्तरवेउव्विआ सा जहण्णेणं अंगुलस्स संखेज्जइभागं उक्कोसेणं धणुसहस्सं, रयणप्पहाए पुढवीए नेरइआणं भंते! केमहा- लिआ सरीरोगाहणा पं०?, गो०! दुविहा पं० तं०-भवधारणिज्जा य उत्तरवेउव्विआ य, तत्थ णं जा सा भवधारणिज्जा सा जहण्णेणं अंगुलस्स असंखिज्जइभागं उक्कोसेणं सत्त धणूइं तिण्णि रयणीओ छच्च अंगुलाइं, तत्थ णं जा सा उत्तरवेउव्विआ सा जहण्णेणं अंगुलस्स संखेज्जइभागं उक्कोसेणं पण्णरस धणू दोन्नि रयणीओ बारस अंगुलाइं, सक्करप्पहापुढवीए णेरइआणं भंते! केमहालिआ सरीरोगाहणा पं०?, गो०! दुविहा पं० तं०-भवधा० उत्तरवे०, तत्थ णं जा सा० सा ज० अंगुलस्स असं० उक्कोसेणं पण्णरस धणूइं दुण्णि रयणीओ बारस अंगुलाइं, तत्थ णं जा सा उत्तरवेउव्विआ सा जहण्णेणं अंगुलस्स संखेज्जइभागं उक्कोसेणं एकतीसं धणूइं इक्का रयणी य, वालुअप्पहापुढवीए णेरइ- याणं भंते! केमहालिआ सरीरोगाहणा पं०?, गो०! दुविहा पं० तं०-भवधा० उत्तरवे०, तत्थ णं जा सा भव० सा ज० अंगुलस्स असं० उक्कोसेणं एकतीसं धणूइं इक्का रयणी य, तत्थ णं जा सा उत्तर० सा अंगुलस्स संखेज्जइभागं उक्को- सेणं बासट्ठी धणूइं दो रयणीओ य, एवं सव्वासिं पुढवीणं पुच्छा भाणियव्वा, पंक्कप्पहाए पुढवीए भवधारणिज्जा जहण्णेणं अंगुलस्स असं० उक्कोसेणं बासट्ठी धणूइं दो रयणीओ य, उत्तरवे० जहण्णेणं अ० सं० उक्कोसेणं पणवीसं धणुसयं, धूमप्पहाए भवधा० अंगुल० असं० उक्कोसेणं पणवीसं धणुसयं, उत्तरवे० अंगुलस्स संखे० उक्कोसेणं अड्ढाइज्जाइं धणुसयाइं, तमाए भवधारणिज्जा अंगुलस्स असं० उक्कोसेणं अड्ढाइज्जाइं धणुसयाइं, उत्तरवे० अंगुलस्स सं० उक्कोसेणं पंच धणुसयाइं, तमतमाए पुढवीए नेरइयाणं भंते! केमहालिआ सरीरोगाहणा पं०?, गो०! दुविहा पं० तं०-भवधारणिज्जा य उत्तरवे०, तत्थ णं जा सा भवधारणिज्जा सा जहण्णेणं अंगुलस्स असं० उक्कोसेणं पंच धणुसयाइं, तत्थ णं जा सा उत्तरवेउव्विआ सा जहण्णेणं अंगुलस्स सं० उक्कोसेणं धणुसहस्सं, असुरकुमाराणं भंते! केमहालिआ सरीरोगाहणा पं०?, गो०! दुविहा पं० तं०-भवधारणिज्जा य उत्तरवे०, तत्थ णं जा सा भव- धारणिज्जा सा जहण्णेणं अं० अ० उक्कोसेणं सत्त रयणीओ, उत्तरवेउव्विआ सा जहण्णेणं अंगुलस्स सं० उक्कोसेणं जोयणसयसहस्सं, एवं असुरकुमारगमेणं जाव थणियकुमाराणं भाणियव्वं। पुढवीकाइयाणं भंते! केमहालिया सरीरोगाहणा पं०?, गो०! जहण्णेणं अंगुलस्स असंखेज्जइभागं उक्कोसेणवि अं० अ०, एवं सुहुमाणं ओहियाणं अपज्जत्तगाणं पज्जत्तगाणं च भाणियव्वं, एवं जाव बादरवाउकाइयाणं पज्जत्तगाणं भाणियव्वं, वणस्सइकाइयाणं भंते! केमहा० पं०?, गो०! जहण्णेणं अंगुलस्स असं० उक्कोसेणं सातिरेगं जोयणसहस्सं, सुहुमवणस्सइकाइयाणं ओहियाणं अपज्जत्तगाणं पज्जत्तगाणं तिण्हं पि जहण्णेणं अंगुलस्स असंखेज्जइभागं उक्कोसेणवि अंगुलस्स अ०, बादरवणस्सइकाइयाणं जहण्णेणं अंगुलस्स अ० उक्कोसेणं सातिरेगं जोयणसहस्सं, अपज्जत्तगाणं ज० अंगुलस्स असं० उक्कोसेणवि अंगुलस्स अ०, पज्जत्तगाणं जहण्णेणं अंगुलस्स अ० उक्कोसेणं सातिरेगं जोयणसहस्सं, बेइंदियाणं पुच्छा, गो०! जहण्णेणं अंगुलस्स असं० उक्कोसेणं बारस जोयणाइं, अपज्जत्तगाणं जहण्णेणं अंगुलस्स अ० उक्कोसेणवि अंगुलस्स अ०, पज्जत्तगाणं ज० अंगुलस्स सं० उक्कोसेणं बारस जोयणाइं, तेइंदियाणं पुच्छा, गो०! जहण्णेणं अंगुलस्स अ० उक्कोसेणं तिण्णि गाउयाइं, अपज्जत्तगाणं जहण्णेणं अंगुलस्स अ० उक्कोसेणवि अंगु० अ०, पज्जत्तगाणं जहण्णेणं अंगुलस्स सं० उक्कोसेणं तिण्णि गाउआइं, चउरिंदिआणं पुच्छा, गो०! जहण्णेणं अंगुलस्स अं० अ० उक्कोसेणं चत्तारि गाउआइं. अपज्जत्तगाणं जहण्णेणवि उक्कोसेणवि अंगुलस्स अ०, पज्जत्तगाणं ज० अंगुल० सं० उक्कोसेणं चत्तारि गाउयाइं, पंचेदियतिरि० महालिया० पं०?, गो०! जहण्णेणं अं० अ० उक्कोसेणं जोयणसहस्सं, जलयरपंचिंदियति० पुच्छा, गो०! एवं चेव, संमुच्छिमजलयरपंचिंदियति० पुच्छा, गो०! जहण्णेणं अंगु० अ० उक्कोसेणं जोयणसहस्सं, अपज्जत्तगसंमुच्छिमजलयरपंचिंदियपुच्छा, गो०! जहण्णेणं अंगुलस्स असंखिज्जइभागं उक्कोसेणवि अंगुलस्स अ०, पज्जत्तगसं- मुच्छिमजलयर० पुच्छा, गो०! जहण्णेणं अ० सं० उक्कोसेणं जोयणसहस्सं, गम्भवकंतिजलयरपंचिंदियपुच्छा, गो०! जहण्णेणं अंगुलस्स असंखिज्जइभागं उक्कोसेणं जोयणसहस्सं, अपज्जत्तगगम्भ० जह० उक्कोसेणवि अंगु० अ०, पज्जत्तगगम्भवकंतिअजलयरपुच्छा, गो०! जहण्णेणं अंगु० सं० उक्कोसेणं जोअणसहस्सं, चउप्पयथलयरपंचिंदियपुच्छा, गो०! जहण्णेणं अंगुलस्स अ० उक्कोसेणं छ गाउआइं, संमुच्छिमचउप्पयथलयरपुच्छा, गो०! जहण्णेणं अंगुलस्स असं० उक्कोसेणं गाउअपुहुत्तं, अपज्जत्तगसंमुच्छिमचउप्पयथलयरपुच्छा, गो०! जहण्णेणं अं० अ० उक्कोसेणवि अ० अ०, पज्जत्तग०संमु०पुच्छा, गो०! ज० अंगुलस्स सं० उक्को० गाउअपुहुत्तं, गम्भवकंतिअचउप्पय- थलयरपुच्छा, गो०! जहण्णेणं अंगुलस्स अ० उक्को० छ गाउआइं, अपज्जत्तगगम्भवकंतिअचउप्पयथलयरपुच्छा, गो०! जहण्णेणं अंगुलस्स अ० उक्कोसेणवि अंगुलस्स असं०, पज्जत्तगगम्भवकंतिअचउप्पयथलयरपुच्छा, गो०! जहण्णेणं अंगुलस्स सं० उक्को० छ गाउआइं, उरपरिसप्पथलयरपंचिंदियपुच्छा, गो०! जह० अंगु० असं० उक्कोसेणं जोयणसहस्सं, संमुच्छिमउरपरिसप्पथलयरपुच्छा, गो०! जह० अंगुल० असंखे० उक्को० जोयणपुहुत्तं, (३३१)

अपजत्तगसंमुच्छिमउरपरिसप्पथलयरपुच्छा, गो० ! जह० अंगु० असंखे० उक्कोसेणवि अं० अ०, पजत्तग० उर० पुच्छा, गो० ! ज० अं० अ० उक्को० जोयणपुहुत्तं, गम्भवकंतियउरपरिसप्पथलयरपुच्छा, गो० ! जहन्नेणं अंगु० असं० उक्को० जोयणसहस्सं, अपजत्तगगम्भवकंतियउरपरिसप्पथलयरपुच्छा, गो० ! जहन्नेणं अंगुलस्स अ० उक्कोसेणवि अं० असं०, पजत्तगगम्भवकंतियउरप० पुच्छा, गो० ! जहन्नेणं अंगु० संखेज्जभागं उक्कोसेणं जो-यणसहस्सं, भुअपरिसप्पथलयरपंचिंदियाणं पुच्छा, गो० ! जह० अंगु० अ० उक्कोसेणं गाउअपुहुत्तं, संमुच्छिमभुअ० पुच्छा, गो० ! जह० अंगु० असं० उक्को० धणुपुहुत्तं, अपजत्तगसंमुच्छि०, गो० ! जहन्नेणं अंगु० अ० उक्कोसेणवि अंगु० असं०, पजत्तगसंमुच्छिमभु०, गो० ! ज० अं० सं० उक्को० धणुपुहुत्तं, गम्भ० भुअ० थल०?, गो० ! जह० अं० असं० उक्को० गाउयपुहुत्तं, अपज० भुअप०, गो० ! जहन्नेणं अं० असं० उक्कोसेणवि अं० अ०, पजत्त० भुअप० पुच्छा, गो० ! जह० अंगु० संखे० उक्को० गाउअपुहुत्तं, खहयरपंचिंदियपुच्छा, गो० ! जह० अंगु० असं० उक्को० धणुपुहुत्तं, संमुच्छिमखहयराणं जहा भुअगपरिसप्पसंमुच्छिमाणं तिसुवि गमेमु तहा भाणियत्तं, गम्भवकं-तिअखहयरपुच्छा, गो० ! जह० अंगु० असं० उक्को० धणुपुहुत्तं, अपजत्तगग० खहयरपुच्छा, गो० ! जह० अं० असं० उक्कोसेणवि अं० अ०, पजत्तगग० ख०, गो० ! जह० अं० संखे० उक्को० धणु०, एत्थ संगहणिगाहाओ भवंति, तंजहा-जोयणसहस्स गाउयपुहुत्त ततो य जोयणपुहुत्तं। दोण्हं तु धणुपुहुत्तं समुच्छिममे होइ उच्चत्तं ॥ १०१ ॥ जोयणसहस्स छग्गाउआइं ततो य जोयणसहस्सं। गाउयपुहुत्त भुअगे पक्खीमु भवे धणुपुहुत्तं ॥ २ ॥ मणुस्साणं भंते ! केमहालिआ सरीरोगाहणा पं०?, गो० ! जह० अंगुलस्स अ० उक्कोसेणं तिण्णि गाउआइं, संमुच्छिममणुस्साणं पुच्छा, गो० ! जह० अंगु० असंखे० उक्कोसेणवि अंगु० असं०, अपजत्तगगम्भवकंतियमणुस्साणं पुच्छा, गो० ! जह० अंगु० असं० उक्कोसेणवि अंगु० असं०, पजत्तगग० पुच्छा, गो० ! जह० अंगुल० सं० उक्कोसेणं तिण्णि गाउआइं। वाणमंतराणं भवधारणिजा य उत्तरवेउव्विया य जहा असुरकुमाराणं तहा भाणियत्ता, जहा वाणमंतराणं तहा जोइसियाणवि, सोहम्मं कप्पे देवाणं भंते ! केमहालिआ० पं०?, गो० ! दुविहा पं० तं०-भवधारणिजा य उत्तरवेउव्विया य, तत्थ णं जा सा भव० सा जह० अंगुलस्स अ० उक्को० सत्त रयणीओ, तत्थ णं जा सा उत्तर० सा जह० अं० संखे० उक्कोसेणं जोयणसयसहस्सं, एवं ईसाणकप्पेऽवि भाणियत्तं, जहा सोहम्मकप्पाणं देवाणं पुच्छा तहा सेसकप्पदेवाणं पुच्छा भाणियत्ता जाव अच्चुअकप्पो, सणकुमारे भव० जह० अंगु० असं० उक्कोसेणं छ रयणीओ, उत्तर० जहा सोहम्मं, भव० जहा सणकुमारे तहा माहिंदेवि भाणियत्ता, बंभलंतगेसु भवधारणिजा जह० अं० असं० उक्को० पंच रयणीओ, उत्तरवेउव्विया जहा सोहम्मं, महासुक्कसहस्सारेसु भवधारणिजा जह० अंगुलस्स असं० उक्को० चत्तारि रयणीओ, उत्तर० जहा सोहम्मं, आणतपाणतआरणअच्चुएसु चउसुवि भवधारणिजा जह० अंगु० असंखे० उक्कोसेणं तिण्णि रयणीओ, उत्तरवेउव्विया जहा सोहम्मं, गेवेज्जगदेवाणं भंते ! केमहालिया सरीरोगाहणा पं०?, गो० ! एगे भवधारणिजे सरीरगे पं०, से जह० अंगुलस्स असं० उक्कोसेणं दो रयणीओ, अणुत्तरोववाइअदेवाणं भंते ! केम० पं०?, गो० ! एगे भव० से जह० अंगु० असं० उक्को० एगा रयणी उ, (एवं सत्ताणं दुविहा भव-धारणिजा जहन्नेणं अंगुलस्स असंखेज्जभागो उक्कोसेणं दुगुणा २, उत्तरवेउव्विया जहन्नेणं अंगुलस्स संखेज्जभागं उक्कोसेणं दुगुणा दुगुणं, एवं असुरकुमाराइं जाव अणुत्तरविमाणवासीणं सगसगसरीरावगाहणा भाणियत्ता पा०) से समासओ तिविहे पं० तं०-सूइअंगुले पयरंगुले घणंगुले, एगंगुलायया एगपएसिया सेठी सूइअंगुले, सूइ सूइए गुणिया पयरंगुले, पयरं सूइए गुणियं घणंगुले, एएसिं णं सूइअंगुलपयरंगुलघणंगुलाणं कयरे कयरेहिंतो अप्पे वा बहुए वा तुट्टे वा विसेसाहिए वा?, सत्त्वथोवे सूइअंगुले, पयरंगुले असंखेज्जगुणे घणंगुले असंखेज्जगुणे, से तं उस्सेहंगुले, से किं तं पमाणंगुले?, एगमेगस्स रण्णो चाउरंतचक्कवट्टिस्स अट्टसोवणिणए कागणीरयणे छत्तले दुवात्तसंसिए अट्टकणिणए अहिगरणिसंठाणसंठिए पं०, तस्स णं एगमेगा कोडी उस्सेहंगुलविकखंभा तं समणस्स भगवओ महावीरस्स अट्टंगुलं तं सहस्सगुणं पमाणंगुलं भवइ, एएणं अंगुलपमाणेणं छ अंगुलाइं पादो दुवात्तसंगुलाइं विहत्थी दो विहत्थीओ रयणी दो रयणीओ कुच्छी दो कुच्छीओ धणू दो धणुसहस्साइं गाउयं चत्तारि गाउयाइं जोयणं, एएणं पमाणंगुलेणं किं पओयणं?, एएणं पमाणंगुलेणं पुढवीणं कंडाणं पातालाणं भवणाणं भवणपत्थडाणं निरयाणं निरयावत्तीणं निरयपत्थडाणं कप्पाणं विमाणणं विमाणावलियाणं विमाणपत्थडाणं टंकाणं कूडाणं सेलाणं सिहरीणं पंभाराणं विजयाणं वक्खाराणं वासाणं वासहराणं वासहरपत्थयाणं वेलाणं (वलयाणं) वेइयाणं दाराणं तोरणाणं दीवाणं समुद्दाणं आयामविकखंभोच्चत्तोव्वेहपरिक्खेवा मविजंति, से समासओ तिविहे पं० तं०-सेठीअंगुले पयरंगुले घणंगुले, असंखेज्जाओ जोयणकोडाकोडीओ सेठी, सेठी सेठीए गुणिया पयरं, पयरं सेठीए गुणियं लो गो, संखेज्जएणं लो गो गुणिओ संखेज्जा लो गो, असंखेज्जएणं लो गो गुणिओ असंखेज्जा लो गो, अणंतेणं लो गो गुणिओ अणंता लो गो, एएसिं णं सेठीअंगुलपयरंगुलघणंगुलाणं कयरे कयरेहिंतो अप्पे वा बहुए वा तुट्टे वा विसेसाहिए वा?, सत्त्वथोवे सेठीअंगुले पयरंगुले असंखेज्जगुणे घणंगुले असंखिज्जगुणे, से तं पमाणंगुले, से तं विभागनिष्फण्णे, से तं खेत्तप्पमाणे । १३३। से किं तं कालप्पमाणे?, २ दुविहे पं० तं०-पएसनिष्फण्णे अ विभागनिष्फण्णे य । १३४। से किं तं पएसणिष्फण्णे?, २ एगसमयट्टिइए दु० ति० जाव दस० संखेज्ज० असंखिज्जसमयट्टिइए, से तं पएसनिष्फण्णे । १३५। से किं तं विभागनिष्फण्णे?, 'समयाऽऽवलिअ मुहुत्ता दिवस अहोरत्त पक्ख मासा य । संवच्छर जुग पत्तिआ सागर ओसप्पि परिअट्टा ॥ १०३ ॥ १३६। से किं तं समए?, समयस्स णं परूवणं करिस्सामि, से जहानामए तुण्णागदारए सिआ तरुणे बल्लवं जुगवं जुवाणे अप्पातंके थिरग्गहत्थे दट्टपाणिपायपासपिट्ठंतोरुपरिणते तत्तजमत्तजुयत्तप-रिघणिभत्ताहू चम्मेट्टगदुहणमुट्टिअसमाहतनिचितगत्तकाए उरस्सबलसमण्णागए लंघणपवणजइणवायामसमत्थे छेए दक्खे पत्तट्टे कुसले मेहावी निउणे निउणसिप्पोवगए एगं महतीं पडसाडियं (वा) पट्टसाडियं वा गहाय सयराहं हत्थमेत्तं ओसारिजा, तत्थ चोयए पण्णवयं एवं वयासी-जेणं कालेणं तेणं तुण्णागदारएणं तीसे पडसाडियाए वा पट्टसाडियाए वा सयराहं हत्थमेत्ते ओसारिए से समए भवइ?, नो इणट्टे समट्टे, कम्हा?, जम्हा संखेजाणं तंतूणं

समुदयसमितिसमागमेणं एगा पडसाडिया निष्फज्जइ, उवरिल्लंमि तंतुंमि अच्छिण्णे हिट्टिल्ले तंतू न छिज्जइ, अण्णंमि काले उवरिल्ले तंतू छिज्जइ, तम्हा से समए न भवइ, एवं वयंतं पण्णवयं चोयए एवं वयासी जेणं कालेणं तेणं तुण्णागदारएणं तीसे पडसाडियाए वा पट्टसाडियाए वा उवरिल्ले तंतू छिण्णे से समए भवइ?, न भवइ, कम्हा?, जम्हा संखेज्जाणं पम्हाणं समुदयसमितिसमागमेणं एगे तंतू निष्फज्जइ, उवरिल्ले पम्हे अच्छिण्णे हेट्टिल्ले पम्हे न छिज्जइ, अण्णंमि काले उवरिल्ले पम्हे छिज्जइ, तम्हा से समए न भवइ, एवं वयंतं पण्णवयं चोयए एवं वयासी-जेणं कालेणं तेणं तुण्णागदारएणं तस्स तंतुस्स उवरिल्ले पम्हे छिण्णे से समए भवइ?, न भवइ, कम्हा?, जम्हा अणंताणं संघायाणं समुदयसमितिसमागमेणं एगे पम्हे निष्फज्जइ, उवरिल्ले संघाए अविसंघाइए हेट्टिल्ले संघाए न विसंघाइज्जइ, अण्णंमि काले उवरिल्ले संघाए विसंघाइज्जइ अण्णंमि काले हिट्टिल्ले संघाए विसंघाइज्जइ, तम्हा से समए न भवइ, एत्तोऽविय णं सुहुमतराए समए पं० समणाउसो!, असंखिज्जाणं समयाणं समुदयसमितिसमागमेणं सा एगा आवलिअत्ति वुच्चइ, संखेज्जाओ आवलियाओ ऊसासो, संखिज्जाओ आवलियाओ नीसासो-‘हट्टस्स अणवगल्लस्स निरुवकिट्टस्स जंतुणो। एगे ऊसासनीसासे, एस पाणुत्ति वुच्चइ ॥ ४ ॥ सत्त पाणूणि से थोवे, सत्त थोवाणि से लवे। लवाणं सत्तहत्तरीए, एस मुहुत्ते विआहिए ॥ ५ ॥ तिण्णि सहस्सा सत्त य सयाइं तेहुत्तरिं च ऊसासा। एस मुहुत्तो भणिओ सब्बेहिं अणंतनाणीहिं ॥ १०६ ॥ एएणं मुहुत्तपमाणेणं तीसं मुहुत्ता अहोरत्तं पण्णरसअहोरत्ता पक्खो दो पक्खा मासो दो मासा ऊऊ तिण्णि ऊऊ अयणं दो अयणाइं संवच्छरे पंच संवच्छरे जुगे वीसं जुगाइं वाससयं दस वाससयाइं वाससहस्सं सयं वाससहस्साणं वाससयसहस्सं चोरासीई वाससयसहस्साइं से एगे पुबंगे चउरासीई पुबंगसयसहस्साइं से एगे पुब्रे, चउरासीई पुबसयसहस्साइं से एगे तुडिअंगे चउरासीई तुडिअंगसयसहस्साइं से एगे तुडिए चउरासीई तुडिअसयसहस्साइं से एगे अडडंगे चोरासीई अडडंगसयसहस्साइं से एगे अडडे, एवं अववंगे अववे हुहुअंगे हुहुए उप्पलंगे उप्पले पउमंगे पउमे नल्लिणंगे नल्लिणे अच्छिनिऊरंगे अच्छिनिऊरे अउअंगे अउए पउअंगे पउए णउअंगे णउए चूलिअंगे चूलिया सीसपहेलियंगे चउरासीई सीसपहेलियंगसयसहस्साइं सा एगा सीसपहेलिआ, एयावया चव गणिए एयावया चव गणिअस्स विसए एत्तोवरं ओवमिए पवत्तइ । १३७। से किं तं ओवमिए?, २ दुविहे पं० तं०-पलिओवमे य सागरोवमे य, से किं तं पलिओवमे?, २ तिविहे पं० तं०-उद्दारपलिओवमे अद्दापलिओवमे खेत्त-पलिओवमे य, से किं तं उद्दारपलिओवमे?, २ दुविहे पं० तं०-सुहुमे य वावहारिए य, तत्थ णं जे सुहुमे से ठप्पे, तत्थ णं जे से वावहारिए से जहानामए पल्ले सिआ जोयणं आयामविकखंभेणं जोअणं उड्ढंउच्चत्तेणं तं तिगुणं सविसेसं परिकखेवेणं, से णं पल्ले एगाहिअबेआहिअतेआहियजावउक्कोसेणंसत्तरत्तपरूढाणं संसट्टे संनिचिते भरिए वालग्गकोडीणं, ते णं वालग्गा नो अग्गी डहेज्जा नो वाऊ हरेज्जा नो कुहेज्जा नो पल्लिविद्धंसिज्जा णो पूइत्ताए हव्वमागच्छेज्जा, तओ णं समए २ एगमेगं वालग्गं अवहाय जावइएणं कालेणं से पल्ले खीणे नीरए निल्लेवे णिट्टिए भवइ, से तं वावहारिए उद्दारपलिओवमे, ‘एएसिं पल्ल्याणं कोडीकोडी हवेज्ज दसगुणिया। तं ववहारिअस्स उद्दारसागरोवमस्स एगस्स भवे परिमाणं ॥ १०७ ॥ एएहिं वावहारिअउद्दारपलिओवमसागरोवमेहिं किं पओयणं?, एएहिं० णत्थि किंचिप्पओयणं, केवलं पण्णवणा पण्णविज्जइ, से तं वावहारिए उद्दारपलिओवमे। से किं तं सुहुमे उद्दारपलिओवमे?, २ से जहानामए पल्ले सिआ जोअणं आयामविकखंभेणं जोअणं उब्रेहेणं तं तिगुणं सविसेसं परिकखेवेणं, से णं पल्ले एगाहिअबेआहिअतेआहियउक्कोसेणंसत्तरत्तपरूढाणं संसट्टे संनिचिते भरिए वालग्गकोडीणं, तत्थ णं एगमेगे वालग्गे असंखिज्जाइं खंडाइं कज्जइ, ते णं वालग्गा दिट्ठीओगाहणाओ असंखेज्जइभागमेत्ता सुहुमस्स पणगजीवस्स सरीरोगाहणाउ असंखेज्जगुणा, ते णं वालग्गा णो अग्गी डहेज्जा णो वाऊ हरेज्जा णो कुहेज्जा णो पल्लिविद्धंसिज्जा णो पूइत्ताए हव्वमागच्छेज्जा, तओ णं समए २ एगमेगं वालग्गं अवहाय जावइएण कालेणं से पल्ले खीणे नीरए निल्लेवे णिट्टिए भवइ, से तं सुहुमे उद्दारपलिओवमे, ‘एएसिं पल्ल्याणं कोडाकोडी०। तं सुहुमस्स उद्दारसागरोवमस्स० ॥ १०८ ॥ एएहिं सुहुमउद्दारपलिओवमसागरोवमेहिं किं पओअणं?, एएहिं० गरोवमेहिं दीवसमुद्दाणं उद्दारो घेप्पइ, केवइया णं भंते! दीवसमुद्दा उद्दारेणं पं०?, गो०! जावइयाणं अड्ढाइज्जाणं उद्दारसाग० उद्दारसमया एवइया णं दीवसमुद्दा उद्दारेणं पं०, से तं सुहुमे उद्दारपलिओवमे, से तं उद्दा०। से किं तं अद्दा०?, २ दुविहे पं० तं०-सुहुमे य वावहारिए य, तत्थ णं जे से सुहुमे से ठप्पे, तत्थ णं जे से वाव० से जहा० पल्ले० जोअणं आया० जोयणं उ० तं तिगुणं सवि० परि०, से णं पल्ले एगाहिअबेआहिअतेआहियजावभरिए वालग्गकोडीणं, ते णं वालग्गा णो अग्गी डहेज्जा जाव णो पल्लिविद्धंसिज्जा नो पूइत्ताए हव्वमागच्छेज्जा, तओ णं वाससए २ एगमेगं वालग्गं अवहाय जावइएणं कालेणं से पल्ले खीणे नीरए निल्लेवे निट्टिए भवइ, से तं वावहारिए अद्दापलिओवमे, ‘एएसिं पल्ल्याणं कोडाकोडी०। तं ववहारिअस्स अद्दासा० एगस्स भवे परिमाणं ॥ ९ ॥ एएहिं वावहारिएहिं अद्दा० पं० सागरो० किं पं०?, एएहिं० नत्थि किंचिप्पओयणं, केवलं पण्णव०, से तं वावहारिए अद्दाप०, से किं तं सुहुमे अद्दाप०?, २ पल्ले सिया जोयणं आया० जोयणं उड्ढं० तं तिगुणं सविसे० परि०, से णं पल्ले एगाहियवेया० जावभरिए वालग्गकोडीणं, तत्थ णं एगमेगे वालग्गे असंखेज्जाइं खंडाइं कज्जइ, ते णं वालग्गा दिट्ठीओगाहणाओ असंखेज्जइभागमेत्ता सुहुमस्स पणग० सरीरोगाहणाओ असंखेज्जगुणा, ते णं वालग्गा णो अग्गी जाव नो पल्लिविद्धंसिज्जा नो पूइत्ताए हव्वमा०, तओ णं वाससए २ एगमेगं वालग्गं अवहाय जावइएणं कालेणं से पं० खी० नी० निल्लेवे णिट्टिए भवइ, से तं सुहुमे अद्दा०, ‘एएसिं पल्ल्याणं०। तं सुहुमस्स अद्दासा० एगस्स भवे परिमाणं ॥ ११० ॥ एएहिं सुहुमेहिं अद्दाप०-सागरोवमेहिं किं पओयणं?, एएहिं० नेरइयतिरिक्खजोणियमणुस्सदेवाणं आउयं मविज्जइ । १३८। नेरइयाणं भंते! केवइयं कालं ठिई पं०?, गो०! जहभेणं दस वाससहस्साइं उक्कोसेणं तेत्तीसं सागरोवमाइं, रयणप्पहापुढवीणे-रइयाणं भंते! केवइयं कालं ठिई पं०?, गो०! जह० दस वा० उक्को० एगं सागरोवमं, अपजत्तगरयणप्पहापुढवीणे-रइयाणं भंते! केवइयं० पं०?, गो०! जहभेणवि उक्कोसेणवि अंतोमुहुत्तं, पजत्तगरयणप्प० नेरइयाणं भंते! केवइ-

पं० ?, गो० ! जह० दस वा० अंतोमुहुत्तूणाइं उक्को० एगं सागरोवमं अंतोमुहुत्तूणं, सक्करप्पहापुढवीनेरइयाणं भंते ! केवइ० पं० ?, गो० ! जह० एगं सागरोवमं उक्को० तिण्णि सागरोवमाइं, एवं सेसपुढवीसु पुच्छा भाणियद्वा, वा-
 लुअप्पहापुढवीनेरइयाणं जह० तिण्णि सागरोवमाइं उक्को० सत्त सागरोवमाइं पंकप्पहापु० जह० सत्त० उक्को० दस सा० धूमप्पहापु० जह० दस सा० उक्को० सत्तरस सागरोवमाइं तमप्पहापु० जह० सत्तरस० उक्को० बावीस०
 तमतमापुढवीनेरइयाणं भंते ! के० ?, गो० ! जह० बावीसं साग० उक्को० तेत्तीसं सागरोवमाइं, असुरकुमारारणं भंते ! केवइयं कालं ठिई पं० ?, गो० ! जह० जेणं दस वाससहस्साइं उक्को० सातिरेगं सागरोवमं, असुरकुमारदेवीणं भंते !
 केवइ० पं० ?, गो० ! जह० दस० वा० उक्को० अद्धपंचमाइं पलिओवमाइं, नागकुमारारणं भंते ! केव० पं० ?, गो० ! जह० दस० वास० उक्को० देसूणाइं दुण्णि पलिओवमाइं, नागकुमारीणं भंते ! केव० पं० ?, गो० ! ज० दस
 वास० उक्को० देसूणं पलिओवमं, एवं जहा णाग० देवाणं देवीण य तथा जाव थणियकुमारारणं देवाणं देवीण य भाणियद्वा, पुढवीकाइयाणं भंते ! के० ?, गो० ! जह० अंतोमु० उक्को० बावीसं वाससहस्साइं, सुहुमपुढवीका-
 इयाणं ओहियाणं अपजत्तयाणं पजत्तयाण य तिण्हवि पुच्छा, गो० ! जह० उक्कोसेणवि अंतोमुहुत्तं, बादरपुढवीकाइयाणं पुच्छा, गो० ! जह० अंतोमुहुत्तं उक्को० बावीसं वाससहस्साइं, अपजत्तगबादरपु० पुच्छा, गो० !
 जहण्णेणवि उक्कोसेणवि अं०, पजत्तगबादरपु० पुच्छा, गो० ! जह० अंतोमुहुत्तं उक्को० बावीसं वा० अंतोमुहुत्तूणाइं, एवं सेसकाइयाणंपि पुच्छावयणं भाणियद्वा, आउकाइयाणं जह० अंतो० उक्को० सत्त वासस०, सुहुमआउकाइ०
 ओहियाणं अपजत्तगाणं पजत्तगाणं तिण्हवि जहण्णेणवि उक्कोसेणवि अं०, बादरआउका० जहा ओहियाणं, अपजत्तगबादरआ० जहण्णेणवि उक्कोसेणवि अं०, पजत्तगबादरआ० जह० अंतोमुहुत्तं उक्को० सत्तवाससहस्साइं
 अंतोमुहुत्तूणाइं, तेउकाइयाणं जह० अं० उक्को० तिण्णि राइंदिआइं, सुहुमते० ओहिआणं अपजत्तगाणं पजत्तगाणं तिण्हवि जहण्णेणवि उक्कोसेणवि अं०, बादरतेउकाइयाणं ज० अंतो० उक्कोसेणं तिण्णि रा०, अपजत्तबा०ते०
 जहण्णेणवि उक्को० अंतो०, पजत्तगबाद० जह० अंतोमु० उक्को० तिण्णि रा० अंतोमुहुत्तूणा, वाउका० जहण्णेणं अंतोमुहुत्तं उक्को० तिण्णि वाससहस्साइं, सुहुमवाउ० ओहियाणं अपजत्तगाणं पजत्तगाण य तिण्हवि जह०
 उक्को० अंतो०, बादरवा० ज० अंतो० उक्को० तिण्णि वा०, अपजत्तगबादरवाउकाइ० जह० अं० उक्कोसेणवि अं०, पजत्तगबादरवाउ० जह० अंतोमुहुत्तं उक्को० तिण्णि वासस० अंतोमु०, वणस्सइकाइआणं जहण्णेणं अं०
 उक्को० दस वाससहस्साइं, सुहुमवणस्सइका० ओहिआणं अपजत्तगाणं पजत्तगाण य तिण्हवि जहण्णेणवि उक्कोसे० अं०, बादरवणस्सइकाइआणं जह० अंतो० उक्को० दस वासस०, अपजत्तगबा० जह० उक्को० अंतो०,
 पजत्तगबादरवण० जहण्णेणं अं० उक्कोसेणं दस वास० अंतोमुहुत्तूणाइं, बेइंदिआणं भंते ! केव० पं० ?, गो० ! जहण्णेणं अंतोमुहुत्तं उक्को० बारस संवच्छराणि, अपजत्तगबेइंदिआणं पुच्छा, गो० ! जहण्णेणं अंतोमुहुत्तं उक्कोसेणवि
 अं०, पजत्तगबेइं० जह० अं० उक्को० बारससं० अंतोमुहुत्तूणाइं, तेइंदिआणं पुच्छा, गो० ! जह० अं० उक्को० एगूणपण्णासं राइंदियाणं, अपजत्तगतेइंदियाणं पुच्छा, गो० ! जहण्णेणवि अंतो० उक्को० अं०, पजत्तगतेइं० पुच्छा,
 गो० ! जह० अंतोमुहुत्तं उक्को० एगूणपण्णासं राइंदियाइं अंतोमुहुत्तूणाइं, चउरिंदियाणं भंते ! केवइ० पं० ?, गो० ! जह० अंतो० उक्को० छम्मासा, अपजत्तगचउरिंदियाणं पुच्छा, गो० ! जहण्णेण उक्कोसेणवि अंतो०, पज-
 त्तगचउरिंदियाणं पुच्छा, गो० ! जहण्णेणं अं० उक्को० छम्मासा अंतो०, पंचिंदियतिरिक्खजोणियाणं भंते ! केवइ० पं० ?, गो० ! जह० अंतोमुहुत्तं उक्को० तिण्णि पलिओवमाइं, जलयरपंचिंदियतिरिक्खजोणियाणं भंते ! केवइयं
 कालं ठिई पं० ?, गो० ! जहण्णेणं अंतोमुहुत्तं उक्कोसेणं पुव्वकोडी, संमुच्छिमजलयरपंचिंदियपुच्छा, गो० ! जहण्णेणं अंतो० उक्को० पुव्वकोडी, अपजत्तयसंमुच्छिमजलयरपंचिंदियपुच्छा, गो० ! जहण्णेण उक्कोसेणवि अंतो०,
 पजत्तयसंमुच्छिमजलयरपंचिंदियपुच्छा, गो० ! जह० अंतो० उक्को० पुव्वकोडी अंतोमुहुत्तूणा, गभवक्कंतियजलयरपंचिंदियपुच्छा, गो० ! जहण्णेणं अंतोमुहुत्तं उक्कोसेणं पुव्वकोडी, अपजत्तगगभवक्कंतियजलयरपंचिदि-
 यपुच्छा, गो० ! जहण्णेण उक्कोसेणवि अंतो०, पजत्तगगभवक्कंतियजलयरपंचिंदियपुच्छा, गो० ! जहण्णेणं अंतोमुहुत्तं उक्कोसेणं पुव्वकोडी अंतोमुहुत्तूणा, चउप्पयथलयरपंचिंदियपुच्छा, गो० ! जह० अंतो० उक्को० तिण्णि
 पलिओवमाइं, संमुच्छिमचउप्पयथलयरपंचिंदिय जाव गो० ! जह० अंतो० उक्को० चउरासीई वाससहस्साइं, अपजत्तयसंमुच्छिमचउप्पयथलयरपंचिंदियजाव गो० ! जहण्णेण उक्कोसेणवि अंतो०, पजत्तयसंमुच्छिमचउप्पयथ-
 लयरपंचिंदियजाव गो० ! जह० अंतो० उक्को० चउरासीई वाससहस्साइं अंतोमुहुत्तूणाइं, गभवक्कंतियचउप्पयथलयरपंचिंदिय जाव गो० ! जह० अंतो उक्को० तिण्णि पलिओवमाइं, अपजत्तगगभवक्कंतियचउप्पयथलयरपं-
 चिंदियजाव गो० ! जहण्णेण उक्कोसेणवि अंतो०, पजत्तगगभवक्कंतियचउप्पयथलयरपंचिंदियजाव गो० ! जह० अंतो० उक्को० तिण्णि पलिओवमाइं अंतोमुहुत्तूणाइं, उरपरिसप्पथलयरपंचिंदियपुच्छा, गो० ! जह० अंतो०
 उक्को० पुव्वकोडी, संमुच्छिमउरपरिसप्पथलयरपंचिंदियपुच्छा, गो० ! जह० अंतो० उक्को० तेवणं वाससहस्साइं, अपजत्तयसंमुच्छिमउरपरिसप्पथलयरपंचिंदिय जाव गो० ! जहण्णेणवि अं० उक्कोसेणवि अंतो०, पजत्तयसं-
 मुच्छिमउरपरिसप्पथलयरपंचिंदियजाव गो० ! जह० अंतो० उक्को० तेवणं वाससहस्साइं अंतोमुहुत्तूणाइं, गभवक्कंतियउरपरिसप्पथलयरपंचिंदियजाव गो० ! जह० अंतो० उक्को० पुव्वकोडी, अपजत्तगगभवक्कंतियउरपरिसप्पथ-
 लयरपंचिंदियजाव गो० ! जहण्णेण उक्कोसेणवि अंतो०, पजत्तयगभवक्कंतियउरपरिसप्पथलयरपंचिंदियजाव गो० ! जह० अंतो० उक्को० पुव्वकोडी अंतोमुहुत्तूणा, भुअपरिसप्पथलयरपंचिंदियजाव गो० ! जहण्णेण अंतो० उक्को-
 सेणं पुव्वकोडी, संमुच्छिमभुयपरिसप्पथल०?, गो० ! जह० अं० उक्को० बायालीसं वाससहस्साइं, अपजत्तयसंमुच्छिमभुयपरिसप्पथलयरपंचिंदिय जाव गो० ! जह० उक्को० अंतो०, पजत्तगसंमुच्छिमभुयपरिसप्पथलयरपंचिंदिय-
 जाव गो० ! जह० अंतो० उक्को० बायालीसं वाससहस्साइं अंतो०, गभवक्कंतियभुयपरिसप्पथलयरपंचिंदिय जाव गो० ! जह० अंतो० उक्को० पुव्वकोडी, अपजत्तयगभवक्कंतियभुयपरिसप्पथलयरपंचिंदिय जाव गो० ! जहण्णेण

उक्कोसेणवि अंतो०, पज्जत्तयगम्भवकंकतियभुयपरिसप्पथलयरपंचिंदिय जाव गो०! जह० अंतो० उक्को० पुब्वकोडी अंतोमुहुत्तूणा, खहयरपंचिंदिय जाव गो०! जह० अंतो० उक्को० पलिओवमस्स असंखेज्जइभागो, संमुच्छि-
 मखहयरपंचिंदिय जाव गो०! जह० अंतो० उक्को० बावत्तरिं वाससहस्साइं, अपज्जत्तगसंमुच्छिमखहयरपंचिंदियपुच्छा, गो०! जह० उक्को० अंतो०, पज्जत्तगसंमुच्छिमखहयरपंचिंदिय जाव गो०! जहन्नेणं अंतो० उक्को० बावत्तरिं
 वाससहस्साइं अंतोमुहुत्तूणाइं, गम्भवकंकतियखहयर० जाव गो०! जह० अंतो० उक्को० पलिओवमस्स असंखेज्जइभागो, अपज्जत्तगगम्भवकंकतियखहयर जाव गो०! जहण्णेणवि उक्को० अंतो०, पज्जत्तग० खहयरपंचिंदियति-
 रिक्खजोणियाणं भंते! केवइयं कालं ठिई पं०, गो०! जह० अंतो० उक्को० पलिओवमस्स असंखिज्जइभागो अंतोमुहुत्तूणो, एत्थ एएसिं णं संगहणिगाहाओ भवंति तंजहा-संमुच्छिम पुब्वकोडी चउरासीई भवे सहस्साइं। तेवण्णा
 बायाला बावत्तरिमेव पक्खीणं ॥ १११ ॥ गम्भंमि पुब्वकोडी तिण्णि य पलिओवमाइं परमाऊ। उरग भुअ पुब्वकोडी पलिओवमऽसंखभागो अ ॥ २ ॥ मणुस्साणं भंते! केवइयं० पं०?, गो०! जह० अंतो० उक्को० तिण्णि पलिओ-
 वमाइं, संमुच्छिममणुस्साणं जाव गो०! जहण्णेण उक्को० अंतो०, गम्भवकंकतियमणुस्साणं जाव गो०! जह० अंतो० उक्को० तिण्णि पलिओवमाइं, अपज्जत्तगगम्भ०मणुस्साणं भंते! केवइ० पं०?, गो०! जह० उक्को० अंतो०,
 पज्जत्तगगम्भ०मणुस्साणं भंते! केवइ०?, गो०! जह० अंतो० उक्को० तिण्णि पलि० अंतोमुहुत्तूणाइं, वाणमंतराणं देवाणं केवइ०?, गो०! जह० दस वाससहस्साइं उक्को० पलिओवमं, वाणमंतराणं देवीणं भंते! केव०?, गो०!
 जह० दस वाससहस्साइं उक्को० अद्धपलिओवमं, जोइसियाणं भंते! देवाणं केवइ०?, गो०! जह० सातिरेगं अट्टभागपलिओवमं उक्को० पलिओवमं वाससयसहस्समम्भहियं, जोइसियदेवीणं भंते! केवइ०?, गो०! जहन्नेणं अट्ट-
 भागपलिओवमं उक्कोसेणं अद्धपलिओवमं पण्णासाए वाससहस्सेहिं अब्भहियं, चंदविमाणणं भंते! देवाणं केव०?, गो०! जह० चउभागपलिओवमं उक्को० पलिओवमं वाससयसहस्समम्भहियं, चंदविमाणणं भंते! देवीणं?, गो०!
 जह० चउभागपलिओवमं उक्को० अद्धपलिओवमं पण्णासाए वाससहस्सेहिं अब्भहियं, सूरविमाणणं भंते! देवाणं०?, गो०! जह० चउभागपलिओवमं उक्को० पलिओवमं वाससहस्समम्भहियं, सूरविमाणणं देवीणं०?, गो०! जह०
 चउभागपलिओवमं उक्को० अद्धपलिओवमं पंचहिं वाससएहिं अब्भहियं, गहविमाणणं देवाणं०?, गो०! जह० चउभागपलिओवमं उक्को० पलिओवमं, गहविमाणणं भंते! देवीणं०?, गो०! जह० चउभागपलिओवमं उक्को०
 अद्धपलिओवमं, णक्खत्तविमाणणं भंते! देवाणं०?, गो०! जह० चउभागपलिओवमं उक्को० अद्धपलिओवमं, णक्खत्तविमाणणं भंते! देवीणं०?, गो०! जह० चउभागपलिओवमं उक्को० सातिरेगं चउभागपलिओवमं, तारा-
 विमाणणं भंते!०?, गो०! जह० साइरेगं अट्टभागपलिओवमं उक्को० चउभागपलिओवमं, ताराविमाणणं देवीणं भंते! केवइयं०?, गो०! जह० अट्टभागपलिओवमं उक्को० साइरेगं अट्टभागपलिओवमं, वेमाणियाणं भंते! देवाणं
 केव० पं०?, गो०! जह० पलिओवमं उक्को० तेत्तीसं सागरोवमाइं, वेमाणियाणं भंते! देवीणं केवइ० पं०?, गो०! जह० पलिओवमं उक्को० पणपणं पलिओवमाइं, सोहम्मं णं भंते! कप्पे देवाणं०?, गो०! जह० पलिओवमे उक्को०
 दो सागरोवमाइं, सोहम्मं णं भंते! कप्पे परिग्गहियादेवीणं०?, गो०! जह० पलिओवमं उक्को० सत्त पलिओवमाइं, सोहम्मं णं भंते! अपरिग्गहिआदेवीणं के०?, गो०! जह० पलिओवमं उक्को० पण्णासं पलिओवमाइं, ईसाणे णं
 भंते! कप्पे देवाणं०?, गो०! जह० साइरेगं पलिओवमं उक्को० साइरेगाइं दो सागरोवमाइं, ईसाणे णं भंते! कप्पे परिग्गहिआदेवीणं के०?, गो०! जह० साइरेगं पलिओवमं उक्को० नव पलिओवमाइं, अपरिग्गहियादेवीणं०?,
 गो०! जह० साइरेगं पलि० उक्को० पणपणं पलिओवमाइं, सणकुमारे णं भंते! कप्पे देवाणं०?, गो०! जह० दो सागरोवमाइं उक्कोसेणं सत्त सागरोवमाइं, माहिंदे णं भंते! कप्पे देवाणं०?, गो०! जह० साइरेगाइं दो सागरोवमाइं
 उक्को० साइरेगाइं सत्त सागरोवमाइं, बंभलोए णं भंते! कप्पे देवाणं०?, गो०! जह० सत्त सागरोवमाइं उक्को० दस सागरोवमाइं, एवं कप्पे कप्पे केवइ० पं०?, गो०! एवं भाणियब्रं-लंतए जह० दस सागरोवमाइं उक्को० चउदस
 सागरोवमाइं, महासुक्के जह० चउदस सागरोवमाइं उक्को० सत्तरस सागरोवमाइं, सहस्सारे जह० सत्तरस सागरोवमाइं उक्को० अट्टारस सागरोवमाइं, आणए जह० अट्टारस सागरोवमाइं उक्को० एगूणवीसं सागरोवमाइं, पाणए
 जह० एकूणवीसं साग० उक्को० वीसं सागरोवमाइं, आरणे जह० वीसं सा० उक्को० एककवीसं सागरोवमाइं, अच्चुए जह० एककवीसं सागरोवमाइं उक्को० बावीसं सागरोवमाइं, हेट्टिमहेट्टिमगेविज्जविमाणेसु णं भंते! देवाणं
 केवइ०?, गो०! जह० बावीसं सागरोवमाइं उक्को० तेवीसं सागरोवमाइं, हेट्टिममज्झिमगेवेज्जविमाणेसु णं भंते! देवाणं केव०?, गो०! जह० तेवीसं सागरोवमाइं उक्को० चउवीसं सागरोवमाइं, हेट्टिमउवरिमगेवेज्जविमाणेसु णं
 भंते! देवाणं०?, गो०! जह० चउवीसं साग० उक्को० पंचवीसं साग०, मज्झिमहेट्टिमगेवेज्जविमाणेसु केव०?, जह० पणवीसं सागरोवमाइं उक्को० छबीसं सागरोवमाइं, मज्झिममज्झिमगेवेज्जविमाणेसु णं भंते०?, गो०! जह० छबीसं
 सागरोवमाइं उक्को० सत्तावीसं सागरोवमाइं, मज्झिमउवरिमगेवे०?, गो०! जह० सत्तावीसं सा० उक्को० अट्टावीसं०, उवरिमहेट्टिमगेवि० देवाणं०?, गो०! जह० अट्टावीसं सा० उक्को० एगूणतीसं सागरोवमाइं, उवरिममज्झिमगे-
 विज्जविमाणेसु णं भंते! देवाणं०?, गो०! जह० एगूणतीसं सागरोवमाइं उक्को० तीसं सागरोवमाइं, उवरिमउवरिमगेवेज्जविमाणेसु णं भंते! देवाणं०?, गो०! जह० तीसं सागरोवमाइं उक्को० एककतीसं सागरोवमाइं, विजयवेजयं-
 तजयंतअपराजितविमाणेसु णं भंते! देवाणं केवइ०?, गो०! जहण्णेणं एकतीसं सागरोवमाइं उक्को० तेत्तीसं सागरोवमाइं, सब्बट्टिसिद्धे णं भंते! महाविमाणे देवाणं केवइ०?, गो०! अजहण्णमणुक्कोसेणं तेत्तीसं सागरोवमाइं, से
 तं सुहुमे अद्धापलिओवमे, से तं अद्धापलिओवमे । १३९ । से किं तं खेत्तपलिओवमे?, २ दुविहे पं० तं०-सुहुमे य वावहारिए य, तत्थ णं जे से सुहुमे से ठप्पे, तत्थ णं जे से वावहारिए से जहानामए पळे सिआ जोयणं आयाम-
 विक्खंभेणं जोयणं उब्वेहेणं तं तिगुणं सविसेसं परिक्खेवेणं, से णं पळे एगाहियवेआहियतेआहियजावभरिए वालग्गकोडीणं, ते णं वालग्गा णो अग्गी डहेज्जा जाव णो पूइत्ताए हव्वमागच्छेज्जा, जे णं तस्स पळ्ळस्स (३३२)

आगासपएसा तेहि वाल्मगेहिं अण्फुन्ना तओ णं समए २ एगमेगं आगासपएसं अवहाय जावइएणं कालेणं से पल्ले खीणे जाव निट्टिए भवइ से तं वावहारिए खेत्तपलिओवमे, 'एएसिं पल्लणं कोडाकोडी०। तं ववहारियस्स खेत्त-
साग० ॥ ११३ ॥ एएहिं वावहारिएहिं खेत्तपलिओवमसागरोवमेहिं किं पओयणं?, एएहिं वा० नत्थि किंचिप्पओयणं, केवलं पण्णवणा पण्णविज्जइ, से तं वाव०, से किं तं सुहुमे खेत्तपलिओवमे?, २ से जहाणामए पल्ले सिया
जोयणं आयाम जाव परिक्खेवेणं, से णं पल्ले एगाहियवेआहियतेआहियजावभरिए वाल्मगकोडीणं, तत्थ णं एगमेगे वाल्मगे असंखिज्जाइं खंडाइं कज्जइ, ते णं वाल्मगा दिट्ठीओगाहणाओ असंखेज्जइभागमेत्ता सुहुमस्स पणगजी-
वस्स सरीरोगाहणाओ असंखेज्जगुणा, ते णं वाल्मगा णो अग्गी डहेज्जा जाव णो पूइत्ताए हव्वमागच्छेज्जा, जे णं तस्स पल्लस्स आगासपएसा तेहिं वाल्मगेहिं अण्फुन्ना वा अणाफुण्णा वा तओ णं समए २ एगमेगं आगासपएसं अव-
हाय जावइएणं कालेणं से पल्ले खीणे जाव णिट्टिए भवइ, से तं सुहुमे खेत्तपलिओवमे, तत्थ णं चोयए पण्णवगं एवं वयासी-अत्थि णं तस्स पल्लस्स आगासपएसा जे णं तेहिं वाल्मगेहिं अणाफुण्णा?, हंता अत्थि, जहा को दिट्ठ-
तो?, से जहाणामए कोट्टए सिया कोहंडाणं भरिए तत्थ णं माउलिंगा पक्खित्ता तेवि माया, तत्थ णं बिल्ला पक्खित्ता तेवि माया, तत्थ णं आमलगा पक्खित्ता तेवि माया, तत्थ णं बयरा प० तेऽवि माया, तत्थ णं चणगा प०
तेवि माया, तत्थ णं मुग्गा पक्खि०, तत्थ णं सरिसवा प०, तत्थ णं गंगावालुया पक्खित्ता सावि माया, एवमेव एएणं दिट्ठंतेणं अत्थि णं तस्स पल्लस्स आगासपएसा जे णं तेहिं वाल्मगेहिं अणाफुण्णा 'एएसिं पल्लणं कोडाको-
डी०। तं सुहुमस्स खेत्तसागरो० ॥ ११४ ॥ एएहिं सुहुमेहिं खेत्तप० सागरोवमेहिं किं पओयणं?, एएहिं सुहुमपलि० दिट्ठिवाए दब्बा मविज्जंति। १४०। कइविहा णं भंते! दब्बा पं०?, गो०! दुविहा दब्बा पं० तं०-जीवदब्बा य अजीवदब्बा य,
अजीवदब्बा णं भंते! कइविहा पं०?, गो०! अजी० दुविहा पं० तं०-रूवीअजीवदब्बा य अरूवीअजीवदब्बा य, अरूवीअजीवदब्बाणं भंते! कइविहा पं०?, गो०! अरू० दसविहा पं० तं०-धम्मत्थिकाए धम्मत्थिकायस्स देसा धम्मत्थिकायस्स
पएसा अधम्मत्थिकाए अधम्मत्थिकायस्स देसा अधम्मत्थिकायस्स पएसा आगासत्थिकाए आगासत्थिकायस्स देसा आगास० पएसा अद्दासमए, रूवीअजीवदब्बाणं भंते! कइविहा पं०?, गो०! रूवी० चउब्विहा पं० तं०-खंधा खंधदेसा
खंधप्पएसा परमाणुपोग्गला, ते णं भंते! किं संखिज्जा असंखिज्जा अणंता?, गो०! नो संखेज्जा नो असंखेज्जा अणंता, से केणट्टेणं भंते! एवं वुच्चइ-नो संखेज्जा नो असंखेज्जा अणंता?, गो०! अणंता परमाणुपोग्गला अणंता दुपएसिया
खंधा जाव अणंता अणंतपएसिया खंधा, से एएणऽट्टेणं गो०! एवं वुच्चइ-नो संखेज्जा नो असं० अणंता, जीवदब्बा णं भंते! किं संखिज्जा असंखिज्जा अणंता?, गो०! नो संखिज्जा नो असंखिज्जा अणंता, से केणट्टेणं भंते! एवं वुच्चइ-
नो संखिज्जा नो असंखिज्जा अणंता?, गो०! असंखेज्जा णेरइया असंखेज्जा असुरकुमारा जाव असंखेज्जा थणियकुमारा असंखिज्जा पुढवीकाइया जाव असंखिज्जा वाउकाइया अणंता वणस्सइकाइया असंखेज्जा बेइंदिया जाव असं-
खिज्जा चउरिंदिया असंखिज्जा पंचिंदियतिरिक्खजोणिया असंखिज्जा मणुस्सा असंखिज्जा वाणमंतरा असंखिज्जा जोइसिया असंखेज्जा वेमाणिया अणंता सिद्धा, से एएणट्टेणं गो०! एवं वुच्चइ-नो संखिज्जा नो असंखिज्जा अणंता
। १४१। कइविहा णं भंते! सरीरा पं०?, गो०! पंच सरीरा पं० तं०-ओरालिए वेउब्विए आहारए तेयए कम्मए, णेरइआणं भंते! कइ सरीरा पं०?, गो०! तओ सरीरा पं० तं०-वेउब्विए तेयए कम्मए, असुरकुमाराणं भंते! कइ सरीरा
पं०?, गो०! तओ सरीरा पं० तं०-वेउ० तेअए कम्मए, एवं तिण्णि २ एए चेत्र सरीरा जाव थणियकुमाराणं भाणियद्वा, पुढवीकाइयाणं भंते! कइ सरीरा पं०?, गो०! तओ सरीरा पं० तं०-ओरालिए तेयए कम्मए, एवं आउते-
उवणस्सइकाइयाणऽवि एए चेत्र तिण्णि सरीरा भाणियद्वा, वाउकाइयाणं जाव गो०! चत्तारि सरीरा पं० तं०-उरालिए वेउब्विए तेयए कम्मए, बेइंदियतेइंदियचउरिंदियाणं जहा पुढवीकाइयाणं, पंचिंदिअतिरिक्खजोणियाणं जहा
वाउकाइयाणं, मणुस्साणं जाव गो०! पंच सरीरा पं० तं०-ओरालिए वेउब्विए आहारए तेयए कम्मए, वाणमंतराणं जोइसियाणं वेमाणियाणं जहा नेरइयाणं, केवइया णं भंते! ओरालिअसरीरा पं०?, गो०! दुविहा पं० तं०-बद्धेऽल्लगा
य मुक्केऽल्लगा य, तत्थ णं जे ते बद्धेऽल्लगा ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जा लोगा, तत्थ णं जे ते मुक्केऽल्लगा ते णं अणंता अणंताहिं उस्सप्पिणीओसप्पिणीहिं अवहीरंति
कालओ खेत्तओ अणंता लोगा दब्बओ अभवसिद्धिएहिं अणंतगुणा सिद्धाणं अणंतभागो। केवइआणं भंते! वेउब्विअसरीरा पं०?, गो०! दुविहा पं० तं०-बद्धेऽल्लया य मुक्केऽल्लया य, तत्थ णं जे ते बद्धेऽल्लया ते णं असंखिज्जा असंखे-
ज्जाहिं उस्सप्पिणीओसप्पिणीहिं अवहीरंति कालओ खेत्तओ असंखिज्जाओ सेठीओ पयरस्स असंखेज्जइभागो, तत्थ णं जे ते मुक्केऽल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ सेसं जहा ओरालिअस्स
मुक्केऽल्लया तहा एएवि भाणियद्वा, केवइया आहारगस०?, गो०! दुविहा पं० तं०-बद्धे० मुक्के०, तत्थ णं जे ते बद्धेऽल्लया ते णं सिय अत्थि सिय नत्थि, जइ अत्थि जहण्णेणं एगो वा दो वा तिण्णि वा उक्कोसेणं सहस्सपुहत्तं, मुक्केऽल्लया
जहा ओरा० तहा भाणिअद्वा, केवइया णं भंते! तेयगसरीरा पं०?, गो०! दुविहा पं० तं०-बद्धेऽल्लया य मुक्केऽल्लया य, तत्थ णं जे ते बद्धेऽल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ खेत्तओ अणंता
लोगा दब्बओ सिद्धेहिं अणंतगुणा सब्बजीवाणं अणंतभागूणा, तत्थ जे ते मुक्केऽल्लया ते णं अणंता अणंताहिं उस्सप्पिणीओसप्पिणीहिं अवहीरंति कालओ खेत्तओ अणंता लोगा दब्बओ सब्बजीवेहिं अणंतगुणा सब्बजीवग्गस्स अणं-
तभागो, केवइ० कम्मगसरीरा पं०?, गो०! दुविहा पं० तं०-बद्धे० मुक्के० जहा तेअगसरीरा तहा कम्मगसरीरावि भाणिअद्वा। नेरइयाणं भंते! केवइया ओरालियसरीरा पं०?, गो०! दुविहा पं० तं०-बद्धेऽल्लया य मुक्केऽल्लया य, तत्थ
णं जे ते बद्धेऽल्लया ते णं नत्थि, तत्थ णं जे ते मुक्केऽल्लया ते जहा ओहिया ओरालियसरीरा तहा भाणियद्वा, नेरइयाणं भंते! केवइया वेउब्वियसरीरा पं०?, गो०! दुविहा पं० तं०-बद्धेऽल्लया य मुक्केऽल्लया य, तत्थ णं जे ते बद्धेऽल्लगा
ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेठीओ पयरस्स असंखिज्जइभागो तासिं णं सेठीणं विक्खंभसूईअंगुलपढमवग्गमूलं बिइअवग्गमूलपडुप्पणं अहवणं अंगुलबिइअ-

वग्गमूलघणपमाणमेत्ताओ सेटीओ, तत्थ णं जे ते मुक्केल्लया ते णं जहा ओहिया ओरालियसरीरा तहा भाणियद्वा, णेरइयाणं भंते! केवइया आहारगसरीरा पं०?, गो०! दुविहा पं० तं०-बद्धे० मुक्के०, तत्थ णं जे ते बद्धेल्लया ते णं नत्थि, तत्थ णं जे ते मुक्केल्लया ते जहा ओहिया ओरालिया तहा भाणियद्वा, तेयगकम्मगसरीरा जहा एएसिं चेव वेउच्चियसरीरा तहा भाणियद्वा, असुरकुमाराणं भंते! केवइया ओरालियसरीरा पं०?, गो०! जहा नेरइयाणं ओरालिया तहा भा०, असुरकुमाराणं भंते! के० वेउच्चियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेटीओ पयरस्स असंखिज्जइभागो तासिं णं सेटीणं विक्खंभसूई अंगुलपढमवग्गमूलस्स असंखिज्जइभागो, मुक्केल्लया जहा ओहिया ओरालियसरीरा, असुरकु० केवइया आहारगसरीरा पं०?, गो०! दुविहा पं० तं०-बद्धे० मुक्के०, जहा एएसिं चेव ओरा० तहा भा०, तेअगकम्मा जहा एएसिं वेउ० तहा भाणियद्वा, जहा असुरकुमाराणं तहा जाव थणिय० ताव भाणियद्वा। पुढवीकाइयाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, एवं जहा ओहिया ओरालियसरीरा तहा भा०, पुढवीका० केवइया वेउच्चियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं नत्थि, मुक्केल्लया जहा ओहिया ओरालियसरीरा तहा भा०, आहारगसरीरावि एवं चेव भाणियद्वा, तेयगकम्मसरीरा जहा एएसिं चेव ओरालियसरीरा, जहा पुढवीकाइयाणं एवं आउकाइयाणं तेउकाइयाण य सब्बसरीरा भाणियद्वा, वाउकाइयाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, जहा पुढवीकाइयाणं ओरालियसरीरा तहा भाणियद्वा, वाउकाइयाणं भंते! केवइया वेउच्चियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा समए २ अवहीरमाणा २ खेत्तपलिओवमस्स असंखिज्जइभागमेत्तेणं कालेणं अवहीरंति नो चेव णं अवहिया सिया, मुक्केल्लया वेउच्चियसरीरा आहारगसरीरा य जहा पुढवीकाइयाणं तहा भाणियद्वा, तेयगकम्मसरीरा जहा पुढवीकाइयाणं तहा भाणियद्वा, वणस्सइकाइयाणं ओरालियवेउच्चियआहारगसरीरा जहा पुढवीकाइयाणं तहा भाणियद्वा, वणस्सइकाइयाणं भंते! केवइया तेयगसरीरा पं०?, गो०! दुविहा पं० जहा ओहिया तेयगकम्मसरीरा तहा वणस्सइकाइयाणवि तेयगकम्मगसरीरा भाणियद्वा। बेइंदियाणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखेज्जाओ सेटीओ पयरस्स असंखिज्जइभागो तासिं णं सेटीणं विक्खंभसूई असंखेज्जाओ जोयणकोडाकोडीओ असंखिज्जाइं सेटिवग्गमूलाइं बेइंदियाणं ओरालियबद्धेल्लएहिं पयरं अवहीरइ असंखिज्जाहिं उस्सप्पिणीओसप्पिणीहिं कालओ खेत्तओ अंगुलपयरस्स आवलियाए असंखेज्जइपडिभागेणं, मुक्केल्लया जहा ओहिया ओरालियसरीरा तहा भाणियद्वा, वेउच्चियआहारगसरीरा बद्धेल्लया नत्थि, मुक्केल्लया जहा ओहिया ओरालियसरीरा तहा भाणियद्वा, तेयगकम्मगसरीरा जहा एएसिं चेव ओरालियसरीरा तहा भाणियद्वा, जहा बेइंदियाणं तहा तेइंदियचउरिंदियाणवि भाणियद्वा, पंचिंदियतिरिक्खजोणियाणवि ओरालियसरीरा एवं चेव भाणियद्वा, पंचिंदियतिरिक्खजोणियाणं भंते! केवइया वेउच्चियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखिज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखिज्जाओ सेटीओ पयरस्स असंखिज्जइभागो तासिं णं सेटीणं विक्खंभसूई अंगुलपढमवग्गमूलस्स असंखिज्जइभागो, मुक्केल्लया जहा ओहिया ओरालिया तहा भा०, आहारसरीरा जहा बेइंदियाणं, तेयगकम्मसरीरा जहा ओरालिया, मणुस्साणं भंते! केवइया ओरालियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं सिय संखिज्जा सिय असंखिज्जा जहण्णपए संखेज्जा संखिज्जाओ कोडाकोडीओ एगुणतीसं ठाणाइं तिजमलपयस्स उवरिं चउजमलपयस्स हेट्ठा अहवणं छट्ठो वग्गो पंचमवग्गपडुप्पणो अहवणं छण्णउइलेअणगदायिरासी, उक्कोसपए असंखेज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ उक्कोसपए रूपक्खित्तेहिं मणुस्सेहिं सेटी अवहीरइ कालओ असंखिज्जाहिं उस्सप्पिणीओसप्पिणीहिं खेत्तओ अंगुलपढमवग्गमूलं तइयवग्गमूलपडुप्पणं, मुक्केल्लया जहा ओहिया ओरालिया तहा भाणियद्वा, मणुस्साणं भंते! केवइया वेउच्चियसरीरा पं०?, गो०! दुविहा पं० तं०-बद्धेल्लया य मुक्के० य, तत्थ णं जे ते बद्धेल्लया ते णं संखिज्जा समए २ अवहीरमाणा २ संखेजेणं कालेणं अवहीरंति नो चेव णं अवहिया सिया, मुक्के० जहा ओहिया ओरालियाणं मुक्के० तहा भा०, मणुस्साणं भंते! केवइया आहारगसरीरा पं०?, गो०! दुविहा पं० तं०-बद्धेल्लया य मुक्के० य, तत्थ णं जे ते बद्धे० ते णं सिय अत्थि सिय नत्थि, जइ अत्थि जहन्नेणं एक्को वा दो वा तिण्णि वा उक्कोसेणं सहस्सपुहुत्तं, मुक्केल्लया जहा ओहिया, तेअगकम्मगसरीरा जहा एएसिं चेव ओरालिया तहा भाणियद्वा। वाणमंतराणं ओरालिअसरीरा जहा नेरइयाणं, वाणमंतराणं भंते! केवइया वेउच्चियसरीरा पं०?, गो०! दुविहा पं० तं०-बद्धेल्लया य मुक्केल्लया य, तत्थ णं जे ते बद्धेल्लया ते णं असंखेज्जा असंखिज्जाहिं उस्सप्पिणीओसप्पिणीहिं अवहीरंति कालओ खेत्तओ असंखिज्जाओ सेटीओ पयरस्स असंखिज्जइभागो तासिं णं सेटीणं विक्खंभसूई संखेज्जजोअणसयवग्गपलिभागो पयरस्स, मुक्के० जहा ओहिया ओरालिया तहा भा०, आहा० दुविहावि जहा असु० तहा भा०, वाण० भंते! केवइया तेअगस० पं०?, गो०! जहा एएसिं चेव वेउच्चि० तहा तेअग० भाणियद्वा, जोइसियाणं भंते! केव०?, गो०! दुविहा पं० तं०-बद्धे० मुक्के०, तत्थ णं जे ते ब० जाव तासिं णं सेटीणं विक्खंभसूई बेछप्पणंगुलसयवग्गपलिभागो पयरस्स, मुक्के० जहा ओ० ओरा० तहा भा०, आहारया जहा नेर० तहा भा०, तेअ० जहा एएसिं चेव वेउ० तहा०, वेमाणियाणं भंते! केव० ओरा०?, गो०! जहा ने० तहा०, वेमाणि० केव० वेउ० पं०?, गो०! दुविहा पं० तं०-बद्धे० मुक्के०, तत्थ णं जे ते ब० ते णं असंखिज्जा असंखेज्जाहिं उस्स० अवहीरंति कालओ खेत्तओ असं० सेटीओ पयरस्स असंखे० तासिं णं सेटीणं विक्खंभसूई अंगुलबीयवग्गमूलं तइयवग्गमूलपडुप्पणं अहवणं अंगुलतइयवग्गलमूलघणप्पमाणमेत्ताओ सेटीओ, मुक्केल्लया

जहा ओहिया ओरालिया तथा भा०, आहा० जहा नेरइयाणं, तेयग० जहा एएसिं चव वेउविअसरीरा तथा भाणियद्वा, सेतं सुहुमे खेत्तपलिओवमे, सेतं खेत्तपलिओवमे, सेतं पलिओवमे, सेतं विभागणिप्फण्णे, सेतं कालप्पमाणे । १४२। से किं तं भावप्पमाणे?, २ तिविहे पं० तं०-गुणप्पमाणे नयप्पमाणे संखप्पमाणे । १४३। से किं तं गुणप्पमाणे?, २ दुविहे पं० तं०-जीवगुणप्पमाणे य अजीवगुणप्पमाणे य, से किं तं अजीवगुणप्पमाणे?, २ पंचविहे पं० तं०-वण्णगुणप्पमाणे गंध० रस० फास० संठाणगुणप्पमाणे, से किं तं वण्णगुणप्पमाणे?, २ पंचविहे पं० तं०-कालवण्णगुणप्पमाणे जाव सुक्खिद्ववण्णगुणप्पमाणे, से तं वण्णगुणप्पमाणे, से किं तं गंधगुणप्पमाणे?, २ दुविहे पं० तं०-सुरभिगंधगुणप्पमाणे दुरभिगंधगुणप्पमाणे, से तं गंधगुणप्पमाणे, से किं तं रसगुणप्पमाणे?, २ पंचविहे पं० तं०-तित्तरसगुणप्पमाणे जाव महुररसगुणप्पमाणे, से तं रसगुणप्पमाणे, से किं तं फासगुणप्पमाणे?, २ अट्टविहे पं० तं०-कक्खडफासगुणप्पमाणे जाव लुक्खफासगुणप्पमाणे, से तं फासगुणप्पमाणे, से किं तं संठाणगुणप्पमाणे?, २ पंचविहे पं० तं०-परिमंडलसंठाणगुणप्पमाणे वट्ट० तंस० चउरंस० आययसंठाणगुणप्पमाणे, से तं संठाणगुणप्पमाणे, से तं अजीवगुणप्पमाणे, से किं तं जीवगुणप्पमाणे?, २ तिविहे पं० तं०-णाणगुणप्पमाणे दंसणगुणप्पमाणे चरित्तगुणप्पमाणे, से किं तं णाणगुणप्पमाणे?, २ चउविहे पं० तं०-पच्चक्खे अणुमाणे ओवम्मे आगमे, से किं तं पच्चक्खे?, २ दुविहे पं० तं०-इंदिअपच्चक्खे य णोइंदिअपच्चक्खे य, से किं तं इंदिअपच्चक्खे?, २ पंचविहे पं० तं०-सोइंदिअपच्चक्खे चक्खुरिंदियपच्चक्खे घाणिंदिय० जिम्भिंदिय० फासिंदियपच्चक्खे, से तं इंदियपच्चक्खे, से किं तं णोइंदियपच्चक्खे?, २ तिविहे पं० तं०-ओहिणाणपच्चक्खे मणपज्जवनाणपच्चक्खे केवलणाणपच्चक्खे, से तं णोइंदियपच्चक्खे, से तं पच्चक्खे, से किं तं अणुमाणे? २ तिविहे पं० तं०-पुब्वं सेसवं दिट्ठसाहम्मवं, से किं तं पुब्वं? २ 'माया पुत्तं जहा नट्टं, जुवाणं पुणरागयं । काई पच्चभिजाणेज्जा, पुब्वलिंणेण केणई ॥ ५ ॥ तं०-खतेण वा वण्णेण वा लंछणेण वा मसेण वा तिलएण वा, से तं पुब्वं, से किं तं सेसवं? २ पंचविहं पं० तं०-कज्जेण कारणेणं गुणेणं अवयवेणं आसएणं, से किं तं कज्जेणं?, २ संखं सदेणं भेरिं ताडिएणं वसभं ढक्किएणं मोरं किंकाइएणं हयं हेसिएणं गयं गुलगुलाइएणं रहं घणघणाइएणं, से तं कज्जेणं, से किं तं कारणेणं?, २ तंतवो पडस्स कारणं ण पडो तंतुकारणं वीरणा कडस्स कारणं ण कडो वीरणाकारणं मिप्पिडो घडस्स कारणं ण घडो मिप्पिडकारणं, से तं कारणेणं, से किं तं गुणेणं?, २ सुवण्णं निकसेणं पुप्फं गंधेणं लवणं रसेणं मइरं आसाएणं वत्थं फासेणं, से तं गुणेणं, से किं तं अवयवेणं?, २ महिसं सिंणेणं कुक्कुडं सिहाए हत्थिं विसाणेणं वराहं दाढाए मोरं पिच्छेणं आसं खुरेणं वग्घं नहेणं चमरिं वालग्गेणं वाणरं लंगुलेण दुपयं मणुस्सादि चउपयं गवमादि बहुपयं गोमिआदि सीहं केसरेणं वसहं ककुहेणं महिलं वलयबाहाए, 'परिअरबंधेण भडं जाणिज्जा महिलियं निवसणेणं । सित्थेण दोणपागं कविं च एक्काए गाहाए ॥ ११६ ॥ से तं अवयवेणं, से किं तं आसएणं?, २ अग्गिं धूमेणं सलिलं बलागाहिं वुट्ठिं अच्चविकारेणं कुलपुत्तं सीलसमायारेणं, से तं आसएणं, से तं सेसवं, से किं तं दिट्ठसाहम्मवं?, २ दुविहं पं० तं०-सामन्नदिट्ठं च विसेसदिट्ठं च, से किं तं सामण्णदिट्ठं?, २ जहा एगो पुरिसो तथा बहवे पुरिसा जहा बहवे पुरिसा तथा एगो पुरिसो जहा एगो करिसावणो तथा बहवे करिसावणा जहा बहवे करिसावणा तथा एगो करिसावणो, से तं सामण्णदिट्ठं, से किं तं विसेसदिट्ठं?, २ से जहाणामए केइ पुरस्से कंचि पुरिसं बहूणं पुरिसाणं मज्झे पुब्वदिट्ठं पच्चभिजाणेज्जा अयं से पुरिसे, बहूणं करिसावणाणं मज्झे पुब्वदिट्ठं करिसावणं पच्चभिजाणिज्जा-अयं से करिसावणे, तस्स समासओ तिविहं गहणं भवइ, तं०-अतीयकालगहणं पडुप्पण्णकालगहणं अणागयकालगहणं, से किं तं अतीयकालगहणं?, २ उत्तणाणि वणाणि निप्फण्णसस्सं वा मेइणिं पुण्णाणि य कुंडसरणईदीहिआतडागाइं पासित्ता तेणं साहिज्जइ जहा सुवुट्ठी आसी, से तं अतीयकालगहणं, से किं तं पडुप्पण्णकालगहणं?, २ साहुं गोअरग्गयं विच्छड्ढिअपउरभत्तपाणं पासित्ता तेणं साहिज्जइ जहा सुभिक्खे वट्टइ, से तं पडुप्पण्णकालगहणं, से किं तं अणागयकालगहणं?, २ 'अच्चस्स निम्मलत्तं कसिणा य गिरी सविज्जुया मेहा । थणियं वाउच्चामो संज्ञा रत्ता पणिट्ठा (द्धा) य ॥ ११७ ॥ वारुणं वा महिंदं वा अण्णयरं वा पसत्थं उप्पायं पासित्ता तेणं साहिज्जइ जहा सुवुट्ठी भविस्सइ, से तं अणागयकालगहणं, एएसिं चव विवज्जासे तिविहं गहणं भवइ, तं०-अतीयकालगहणं पडुप्पण्णकालगहणं अणागयकालगहणं, से किं तं अतीयकालगहणं?, २ नित्तिणाइं वणाइं अनिप्फण्णसस्सं वा मेइणीं सुक्काणि य कुंडसरणईदीहिआतडागाइं पासित्ता तेणं साहिज्जइ जहा कुवुट्ठी आसी, से तं अतीयकालगहणं, से किं तं पडुप्पण्णकालगहणं?, २ साहुं गोअरग्गयं भिक्खं अलभमाणं पासित्ता तेणं साहिज्जइ जहा दुभिक्खं वट्टइ, से तं पडुप्पण्णकालगहणं, से किं तं अणागयकालगहणं?, २ 'धूमायंति दिसाओ संवि(वट्ठि)अमेइणी अपडिच्चद्धा । वाया नेरइया खलु कुवुट्ठीमेवं निवेयंति (ते पकुव्वंति) ॥ ११८ ॥ अग्गेयं वा वायव्वं वा अण्णयरं वा अप्पसत्थं उप्पायं पासित्ता तेणं साहिज्जइ जहा कुवुट्ठी भविस्सइ, से तं अणागयकालगहणं, से तं विसेसदिट्ठं, से तं दिट्ठसाहम्मवं, से तं अणुमाणे । से किं तं ओवम्मे?, २ दुविहे पं० तं०-साहम्मोवणीए य वेहम्मोवणीए य, से किं तं साहम्मोवणीए?, २ तिविहे पं० तं०-किंचिसाहम्मोवणीए पायसाहम्मोवणीए सब्बसाहम्मोवणीए, से किं तं किंचिसाहम्मोवणीए?, जहा मंदरो तथा सरिसवो जहा सरिसवो तथा मंदरो जहा समुदो तथा गोप्पयं जहा गोप्पयं तथा समुदो जहा आइच्चो तथा खज्जोतो जहा खज्जोतो तथा आइच्चो जहा चंदो तथा कुमुदो जहा कुमुदो तथा चंदो, से तं किंचिसाहम्मो०, से किं तं पायसाहम्मोवणीए?, २ जहा गो तथा गवओ जहा गवओ तथा गो, से तं पायसाहम्मो०, से किं तं सब्बसाहम्मोवणीए?, २ सब्बसाहम्मो० ओवम्मे नत्थि, तथावि तेणेव तस्स ओवम्मं कीरइ जहा अरिहंतेहिं अरिहंतसरिसं कयं, चक्खवट्ठिणा चक्खवट्ठिसरिसं कयं, बलदेवेण बलदेवसरिसं कयं, वासुदेवेण वासुदेवसरिसं कयं, साहुणा साहुसरिसं कयं, से तं सब्बसाहम्मो०, से तं साहम्मोवणीए, से किं तं वेहम्मोवणीए?, २ तिविहे पं० तं०-किंचिवेहम्मो० पायवेहम्मो० सब्बवेहम्मो०, से किं तं किंचिवेहम्मो०?, २ जहा सामलेरो न तथा बाहुलेरो जहा बाहुलेरो न तथा सामलेरो, से तं किंचिवेहम्मो०, से किं तं पायवेहम्मो०?, २ जहा वायसो न तथा पायसो जहा पायसो न तथा वायसो, से तं पायवेहम्मो०, से किं तं

सबवेहम्मो०?, सबवेहम्मो० ओवम्मे नत्थि तहावि तेणेव तस्स ओवम्मं कीरइ जहा णीएणं णीयसरिसं कयं दासेण दाससरिसं कयं काकेण काकसरिसं कयं साणेण साणसरिसं कयं पाणेण पाणसरिसं कयं, से तं सबवेहम्मो०, से तं वेहम्मोवणीए, से तं ओवम्मे। से किं तं आगमे?, २ दुविहे पं० तं०-लोइए य लोउत्तरिए य, से किं तं लोइए?, २ जण्णं इमं अण्णाणिएहिं मिच्छादिट्ठीएहिं सच्छंदबुद्धिमइविगप्पियं, तं०-भारहं रामायणं जाव चत्तारि वेया संगो-वंगा. से तं लोइए आगमे, से किं तं लोउत्तरिए?, २ जण्णं इमं अरिहंतेहिं भगवंतेहिं उप्पण्णणाणदंसणधरेहिं तीयपच्चुप्पण्णमणागयजाणएहिं तेलुकवहियमहियपूइएहिं सब्रण्णूहिं सच्चदरिसीहिं पणीयं दुवालसंगं गणिपिडगं, तं०-आयारो जाव दिट्ठिवाओ, अहवा आगमे तिविहे पं० तं०-सुत्तागमे अत्थागमे तदुभयागमे, अहवा आगमे तिविहे पं० तं०-अत्तागमे अणंतरागमे परंपरागमे, तित्थगराणं अत्थस्स अत्तागमे गणहराणं सुत्तस्स अत्तागमे अत्थस्स अणंतरागमे गणहरसीसाणं सुत्तस्स अणंतरागमे अत्थस्स परंपरागमे, तेण परं सुत्तस्सवि अत्थस्सवि णो अत्तागमे णो अणंतरागमे परंपरागमे, से तं लोउत्तरिए, से तं आगमे, से तं णाणगुणप्पमाणे। से किं तं दंसणगुणप्पमाणे?, २ चउव्विहे पं० तं०-चक्खुदंसणगुणप्पमाणे अचक्खु० ओहि० केवलदंसणगुणप्पमाणे, चक्खुदंसणं चक्खुदंसणिस्स घडपडकडरहाइएसु दब्वेसु अचक्खुदंसणं अचक्खुदंसणिस्स आयभावे ओहिदंसणं ओहिदंसणिस्स सच्चरुविद-ब्वेसु न पुण सब्रपज्जवेसु केवलदंसणं केवलदंसणिस्स सब्रदब्वेसु य सब्रपज्जवेसु य, से तं दंसणगुणप्पमाणे, से किं तं चरित्तगुणप्पमाणे?, २ पंचविहे पं० तं०-सामाइअचरित्तगुणप्पमाणे छेओवट्टावण० परिहारविसुद्धिय० सुहुमसंपराय० अहक्खायचरित्तगुणप्पमाणे. सामाइअचरित्तगुणप्पमाणे दुविहे पं० तं०-इत्तरिए य आवकहिए य, छेओवट्टावणचरित्तगुणप्पमाणे दुविहे पं० तं०-साइआरे य निरइयारे य, परिहारविसुद्धिअचरित्तगुणप्पमाणे दुविहे पं० तं०-णि-व्विसमाणए य णिव्विट्ठिकाइए य, सुहुमसंपरायचरित्तगुणप्पमाणे दुविहे पं० तं०-पडिवाई य अपडिवाई य, अहक्खायचरित्तगुणप्पमाणे दुविहे पं० तं०-छउमत्थिए य केवल्लिए य, से तं चरित्तगुणप्पमाणे, से तं जीवगुणप्पमाणे, से तं गुणप्पमाणे। १४४। से किं तं नयप्पमाणे?, २ तिविहे पं० तं०-पत्थगदिट्ठंतेणं वसहिदिट्ठंतेणं पएसदिट्ठंतेणं, से किं तं पत्थगदिट्ठंतेणं?, २ से जहानामए केई पुरिसे परसुं गहाय अडवीसमहुत्तो गच्छेज्जा तं पासित्ता केई वएज्जा-कहिं भवं गच्छसि?, अविस्सुद्धो नेगमो भणइ-पत्थगस्स गच्छामि, तं च केई छिंदमाणं पासित्ता वएज्जा-किं भवं छिंदसि?, विस्सुद्धो नेगमो भणइ-पत्थयं छिंदामि, तं च केई तच्छमाणं पासित्ता वएज्जा-किं भवं तच्छसि?, विस्सुद्धतरओ णेगमो भणइ-पत्थयं तच्छामि, तं च केई उक्कीरमाणं पासित्ता वएज्जा-किं भवं उक्कीरसि?, विस्सुद्धतरओ णेगमो भणइ-पत्थयं उक्कीरामि, तं च केई (वि)त्तिहमाणं पासित्ता वएज्जा-किं भवं (वि)त्तिहसि?, विस्सुद्ध-तरओ णेगमो भणइ-पत्थयं (वि)त्तिहामि, एवं विस्सुद्धतरस्स णेगमस्स नामाउडिओ पत्थओ, एवमेव ववहारस्सवि, संगहस्स मियमेज्जसमारूढो पत्थओ, उज्जुसुयस्स पत्थओऽवि पत्थओ मेज्जंपि पत्थओ, तिण्हं सदनयाणं पत्थ-यस्स अत्थाहिगारजाणओ जस्स वा वसेणं पत्थओ निप्फज्जइ. से तं पत्थयदिट्ठंतेणं। से किं तं वसहिदिट्ठंतेणं?, २ से जहानामए केई पुरिसे कंचि पुरिसं वएज्जा-कहिं भवं वससि?, तं अविस्सुद्धो णेगमो भणइ-लोगे वसामि, लोगे तिविहे पं० तं०-उड्ढलोए अहोलोए तिरियलोए, तेसु सब्वेसु भवं वससि?, विस्सुद्धो णेगमो भणइ-तिरियलोए वसामि, तिरियलोए जंबुदीवाइया सयंभूरमणपज्जवसाणा असंखिज्जा दीवसमुद्दा पं०, तेसु सब्वेसु भवं वससि?, विस्सुद्धतरओ णेगमो भणइ-जंबुदीवे वसामि, जंबुदीवे दस खेत्ता पं० तं०-भरहे एरवए हेमवए एरणवए हरिवस्से रम्मगवस्से देवकुरू उत्तरकुरू पुब्वविदेहे अवरविदेहे, तेसु सब्वेसु भवं वससि?, विस्सुद्धतरओ णेगमो भणइ-भरहे वासे वसामि, भरहे वासे दुविहे पं० तं०-दाहिणड्ढभरहे य उत्तरड्ढभरहे य, तेसु सब्वेसु (दोसु) भवं वससि?, विस्सुद्धतरओ णेगमो भणइ-दाहिणड्ढभरहे वसामि, दाहिणड्ढभरहे अणेगाइं गामागरणगरखेडकच्चडमडंबदोणमुहपट्टणासमसंवाहस-णिणवेसाइं, तेसु सब्वेसु भवं वससि?, विस्सुद्धतरओ णेगमो भणइ-पाडलिपुत्ते वसामि, पाडलिपुत्ते अणेगाइं गिहाइं, तेसु सब्वेसु भवं वससि?, विस्सु० णेगमो भणइ-देवदत्तस्स घरे वसामि, देवदत्तस्स घरे अणेगा कोट्टगा, तेसु सब्वेसु भवं वससि?, विस्सु० णे० भणइ-गब्भघरे वसामि, एवं विस्सुद्धस्स णेगमस्स वसमाणो, एवमेव ववहारस्सवि, संगहस्स संथारसमारूढो वसइ, उज्जुसुयस्स जेसु आगासपएसेसु ओगाढो तेसु वसइ, तिण्हं सदनयाणं आयभावे वसइ, से तं वसहिदिट्ठंतेणं। से किं तं पएसदिट्ठंतेणं?, २ णेगमो भणइ-छण्हं पएसो, तं०-धम्मपएसो अधम्म० आगास० जीव० खंध० देसपएसो, एवं वयंतं णेगमं संगहो भणइ-जं भणसि-छण्हं पएसो तं न भवइ, कम्हा?, जम्हा जो देसपएसो सो तस्सेव दव्वस्स, जहा को दिट्ठंतो?, दासेण मे खरो कीओ दासोऽवि मे खरोऽवि मे, तं मा भणाहि-छण्हं पएसो, भणाहि-पंचण्हं पएसो, तं०-धम्मपएसो अधम्मपएसो आगासपएसो जीवपएसो खंधपएसो, एवं वयंतं संगहं ववहारो भणइ-जं भणसि-पंचण्हं पएसो तं न भवइ, कम्हा?, जइ जहा पंचण्हं गोट्टियाणं पुरिसाणं केइ दव्वजाए सामण्णे भवइ, तं०-हिरण्णे वा सुवण्णे वा धणे वा धण्णे वा, तो जुत्तं वत्तुं जहा पंचण्हं पएसो, तं मा भणाहि-पंचण्हं पएसो, भणाहि-पंचविहो पएसो, तं०-धम्मपएसो अधम्मपएसो आगासपएसो जीवपएसो खंधपएसो, एवं वयंतं ववहारं उज्जुसुओ भणइ-जं भणसि पंचविहो पएसो तं न भवइ, कम्हा?, जइ ते पंचविहो पएसो, एवं ते एक्केको पएसो पंचविहो एवं ते पणवीसतिविहो पएसो भवइ, तं मा भणाहि-पंचविहो पएसो, भणाहि-भइयवो पएसो-सिय धम्मपएसो सिय अधम्म० सिय आगास० सिय जीव० सिय खंधपएसो, एवं वयंतं उज्जुसुयं संपइ सदनओ भणइ-जं भणसि-भइयवो पएसो तं न भवइ, कम्हा?, जइ भइयवो पएसो एवं ते धम्मपएसोऽवि सिय धम्मपएसो य अधम्म० सिय आगास० सिय जीवपएसो सिय खंधपएसो, अधम्मपएसोऽवि सिय धम्मपएसो जाव खंध-पएसो. आगासपएसोवि सिय धम्म० सिय अधम्म० जाव सिय खंधपएसो, जीवपएसोऽवि सिय धम्मपएसो जाव सिय खंधपएसो, खंधपएसोऽवि सिय धम्मपएसो जाव सिय खंधपएसो, एवं ते अणवत्था भविस्सइ, तं मा भणाहि-भइयवो पएसो, भणाहि-धम्मे पएसे से पएसे धम्मे, अहम्मे पएसे से पएसे अहम्मे, आगासे पएसे से पएसे आगासे, जीवे पएसे से पएसे नोजीवे, खंधे पएसे से पएसे नोखंधे, एवं वयंतं सदनयं समभिरूढो (३३३)

भणइ-जं भणसि-धम्मे पएसे से पएसे धम्मे जाव जीवे पएसे से पएसे नोजीवे खंधे पएसे से पएसे नोखंधे, तं न भवइ, कम्हा ?, इत्थं खलु दो समासा भवन्ति, तं०-त्त्पुरिसे य कम्मधारए य, तं ण णज्जइ कयरेणं समासेणं भणसि ?, किं तत्त्पुरिसेणं किं कम्मधारएणं ?. जइ तत्त्पुरिसेणं भणसि तो मा एवं भणाहि, अह कम्मधारएणं भणसि तो विसेसओ भणाहि, धम्मे य से पएसे य से पएसे धम्मे अहम्मे य से पएसे य से पएसे अहम्मे आगासे य से पएसे य से पएसे आगासे जीवे य से पएसे य से पएसे नोजीवे खंधे य से पएसे य से पएसे नोखंधे, एवं वयंतं समभिरूढं संपइ एवंभूओ भणइ-जं जं भणसि तंतं सव्वं कसिणं पडिपुणं निरवसेसं एगगहणगहियं, देसेऽवि मे अवत्थू पएसेऽवि मे अवत्थू, से तं पएसदिट्ठेणं, से तं नयप्पमाणे । १४५। से किं तं संखप्पमाणे ?, २ अट्ठविहे पं० तं०-नामसंखा ठवण० दब्ब० ओवम्म० परिमाण० जाणणा० गणणा० भावसंखा, से किं तं नामसंखा ?, २ जस्स णं जीवस्स वा जाव से तं नामसंखा, से किं तं ठवणसंखा ?, २ जण्णं कट्टकम्मे वा पोत्थकम्मे वा जाव से तं ठवणसंखा, नामठवणाणं को पइविसेसो ?, नाम (पाएणं)आवकहियं ठवणा इत्तरिया वा होज्जा आवकहिया वा होज्जा, से किं तं दब्ब-संखा ?, २ दुविहा पं० तं०-आगमओ य नोआगमओ य, जाव से किं तं जाणयसरीरभविअसरीरवइरित्ता दब्बसंखा ?, २ तिविहा पं० तं०-एगभविए बद्धाउए अभिमुहणामगोत्ते य, एगभविए णं भंते ! एगभविएत्ति कालओ केवच्चिरं होइ ?. जहण्णेणं अंतोमुहुत्तं उक्कोसेणं पुब्वकोडी, बद्धाउए णं भंते ! बद्धाउएत्ति कालओ केवच्चिरं होइ ?, जहण्णेणं अंतोमुहुत्तं उक्कोसेणं पुब्वकोडीतिभागं, अभिमुहणामगोए णं भंते ! अभिमुहणामगोएत्ति कालओ केवच्चिरं होइ ?. जहण्णेणं एकं समयं उक्कोसेणं अंतोमुहुत्तं, इयाणिं को णओ कं संखं इच्छइ ?, तत्थ णेगमसंगहववहारा तिविहं संखं इच्छंति, तं०-एगभवियं बद्धाउयं अभिमुहणामगोत्तं च, उज्जुसुओ दुविहं संखं इच्छइ, तं०-बद्धाउयं च अभिमुहणामगोत्तं च, तिण्णि सदनया अभिमुहणामगोत्तं संखं इच्छंति, से तं जाणयसरीरभविअसरीरवइरित्ता दब्बसंखा, से तं नोआगमओ दब्बसंखा, से तं दब्बसंखा, से किं तं ओवम्मसंखा ?, २ चउव्विहा पं० तं०-अत्थि संतयं संतएणं उवमिज्जइ अत्थि संतयं असंतएणं उवमिज्जइ अत्थि असंतयं संतएणं उवमिज्जइ अत्थि असंतयं असंतएणं उवमिज्जइ, तत्थ संतयं संतएणं उवमिज्जइ जहा संता अरिहंता संतएहिं पुरवरेहिं संतएहिं कवाडेहिं संतएहिं वच्छेहिं उवमिज्जइ, तं०-पुरवरकवाडवच्छा फलिहभुया दुंदुहित्थणियघोसा । सिरिवच्छंकिअवच्छा सव्वेऽवि जिणा चउव्वीसं ॥ ११९ ॥ संतयं असंतएणं उवमिज्जइ, जहा संताइं नेरइयतिरिक्ख जोणिअमणुस्सदेवाणं आउयाइं असंतएहिं पलिओवमसागरोवमेहिं उवमिज्जंति, असंतयं संतएणं उ० तं०-परिजूरियपेरंतं चलंतबिंटं पडंतनिच्छीरं । पत्तं व वसणपत्तं कालप्पत्तं भणइ गाहं ॥ १२० ॥ जह तुम्हे तह अम्हे तुम्हेऽविय होहिहा जहा अम्हे । अप्पाहेइ पडंतं पंडुय-पत्तं किसलयाणं ॥ १ ॥ णवि अत्थि णविय होही उल्लावो किसलपंडुपत्ताणं । उवमा खलु एस कया भवियजणविबोहणट्टाए ॥ २ ॥ असंतयं असंतएहिं उवमिज्जइ, जहा खरविसाणं तहा ससविसाणं, से तं ओवम्मसंखा, से किं तं परिमाणसंखा ?, २ दुविहा पं० तं०-कालिअसुयपरिमाणसंखा दिट्ठिवायसुअपरिमाणसंखा य, से किं तं कालिअसुअपरिमाणसंखा ?, अणेगविहा पं० तं०-पज्जवसंखा अक्खर० संघाय० पय० पाय० गाहा० सिलोग० वेढ० निज्जु-त्ति० अणुओगदार० उद्देसग० अज्झयण० सुयखंध० अंगसंखा, से तं कालिअसुअपरिमाणसंखा, से किं तं दिट्ठिवायसुअपरिमाणसंखा ?, २ अणेगविहा पं० तं०-पज्जवसंखा जाव अणुओगदारसंखा पाहुड० पाहुडपाहुड० पाहुडिया० पाहुडपाहुडिया० वत्थुसंखा, से तं दिट्ठिवायसुअपरिमाणसंखा, से तं परिमाणसंखा, से किं तं जाणणासंखा ?, २ जो जं जाणइ तं०-सइं सइओ गणियं गणिओ निमित्तं नेमित्तिओ कालं कालणाणी वेज्जयं वेज्जो, से तं जाणणासंखा, से किं तं गणणासंखा ?, २ एक्को गणणं न उवेइ, दुप्पभिई संखा, तं०-संखेज्जए असंखेज्जए अणंतए, से किं तं संखेज्जए ?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं असंखेज्जए ?, २ तिविहे पं० तं०-परित्तासंखेज्जए जुत्तासंखेज्जए असंखेज्जासंखेज्जए, से किं तं परित्तासंखेज्जए ?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं जुत्तासंखेज्जए ?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं असंखेज्जासंखेज्जए ?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं अणंतए ?, २ तिविहे पं० तं०-परित्ताणंतए जुत्ताणंतए अणंताणंतए, से किं तं परित्ताणंतए ?, २ तिविहे पं० तं०-जहण्णए उक्कोसए अजहण्णमणुक्कोसए, से किं तं जुत्ताणंतए ?, २ तिविहे पं० तं०-जहण्णए उक्कोसए अजहण्णमणुक्कोसए, जहण्णयं संखेज्जयं केवइयं होइ ?, दोरूवयं, तेण परं अजहण्णमणुक्कोसयाइं ठाणाइं जाव उक्कोसयं संखेज्जयं न पावइ, उक्कोसयं संखेज्जयं केवइयं होइ ?, उक्कोसयस्स संखेज्जयस्स परूवणं करिस्सामि से जहानामए पळे सिया एगं जोयणसयसहस्सं आयामविकखंभेणं तिण्णि जोयणसयसहस्साइं सोलस सहस्साइं दोण्णि य सत्तावीसं जोयणसए तिण्णि य कोसे अट्ठावीसं च धणुसयं तेरस य अंगुलाइं अद्धंगुलं च किंचिविसेसाहियं परिक्खेवेणं पं०, से णं पळे सिद्धत्थयाणं भरिए, तओ णं तेहिं सिद्धत्थएहिं दीवसमुद्दाणं उद्दारो घेप्पइ, एगो दीवे एगो समुद्दे एवं पक्खिप्पमाणेहिं २ जावइआ दीवसमुद्दा तेहिं सिद्धत्थएहिं अफ्फुण्णा एस णं एवइए खेत्ते पळे आइटे, से णं पळे सिद्धत्थयाणं भरिए, ततो णं तेहिं सिद्धत्थएहिं दीवसमुद्दाणं उद्दारे घेप्पति एगे दीवे एगे समुद्दे एवं पक्खिप्पमाणेहिं २ जावइयाणं (दीव) समुद्दा णं तेहिं सिद्धत्थएहिं अफ्फुण्णा एस णं एवतिए खेत्ते पळे पढमा सलागा०, एवइयाणं सलागाणं असंलप्पा लोगा भरिया तहावि उक्कोसयं संखेज्जयं न पावइ, जहा को दिट्ठंतो ?, से जहानामए मंचे सिया आमलगाणं भरिए तत्थ एगे आमलए पक्खिक्खे सेऽवि माते अण्णेऽवि पक्खिक्खे सेऽवि माते अण्णेऽवि पक्खिक्खे सेऽवि माते एवं पक्खिप्पमाणेणं २ होही सेऽवि आमलए जंसिं पक्खिक्खे से मंचए भरिज्जिहिइ जे तत्थ आमलए न माहिइ, एवामेव उक्कोसए संखेज्जए रूवे पक्खिक्खे जहण्णयं परित्तासंखेज्जयं भवइ, तेण परं अजहण्णमणुक्कोसयाइं ठाणाइं जाव उक्कोसयं परित्तासंखेज्जयं न पावइ, उक्कोसयं परित्तासंखेज्जयं केवइयं होइ ?, जहण्णयपरित्तासंखेज्जमेत्ताणं रासीणं अण्णमण्णभासो रूवूणो उक्कोसं परित्तासंखेज्जयं होइ, अहवा जहण्णयं जुत्तासंखेज्जयं रूवूणं उक्कोसयं परित्तासंखेज्जयं होइ, जहण्णयं जुत्तासंखे-

ज्ञयं केवइअं होइ ?, जहणयपरित्तासंखेजयमेत्ताणं रासीणं अण्णमण्णभासो पडिपुण्णो जहणयं जुत्तासंखेजयं होइ, अहवा उक्कोसए परित्तासंखेजए रूवं पक्खित्तं जहणयं जुत्तासंखेजयं होइ, आवलिआवि एत्तिया चेव, तेण परं अजहणमणुक्कोसयाइं ठाणाइं जाव उक्कोसयं जुत्तासंखेजयं न पावइ, उक्कोसयं जुत्तासंखेजयं केवइयं होइ ?, जहणएणं जुत्तासंखेजएणं आवलिया गुणिया अण्णमण्णभासो रूवूणो उक्कोसयं जुत्तासंखेजयं होइ, अहवा जहणयं असंखेजासंखेजयं रूवूणं उक्कोसयं जुत्तासंखेजयं होइ, जहणयं असंखेजासंखेजयं केवइयं होइ ?, जहणएणं जुत्तासंखेजएणं आवलिआ गुणिया अण्णमण्णभासो पडिपुण्णो जहणयं असंखेजासंखेजयं होइ, अहवा उक्कोसए जुत्तासंखेजए रूवं पक्खित्तं जहणयं असंखेजासंखेजयं होइ, तेण परं अजहणमणुक्कोसयाइं ठाणाइं जाव उक्कोसयं असंखेजासंखेजयं न पावइ, उक्कोसयं असंखेजासंखेजयं केवइयं होइ ?. जहणय-असंखेजासंखेजयमेत्ताणं रासीणं अण्णमण्णभासो रूवूणो उक्कोसयं असंखेजासंखेजयं होइ, अहवा जहणयं परित्ताणंतयं रूवूणं उक्कोसयं असंखेजासंखेजयं होइ, जहणयं परित्ताणंतयं केवइयं होइ ?, जहणयअसंखेजासंखेजयमेत्ताणं रासीणं अण्णमण्णभासो पडिपुण्णो जहणयं परित्ताणंतयं होइ, अहवा उक्कोसए असंखेजासंखेजए रूवं पक्खित्तं जहणयं परित्ताणंतयं होइ, तेण परं अजहणमणुक्कोसयाइं ठाणाइं जाव उक्कोसयं परित्ताणंतयं न पावइ, उक्कोसयं परित्ताणंतयं केवइयं होइ ?, जहणयपरित्ताणंतयमेत्ताणं रासीणं अण्णमण्णभासो रूवूणो उक्कोसयं परित्ताणंतयं होइ, अहवा जहणयं जुत्ताणंतयं रूवूणं उक्कोसयं परित्ताणंतयं होइ, जहणयं जुत्ताणंतयं केवइयं होइ ?, जहणयपरित्ताणंतयमेत्ताणं रासीणं अण्णमण्णभासो पडिपुण्णो जहणयं जुत्ताणंतयं होइ, अहवा उक्कोसए परित्ताणंतए रूवे पक्खित्ते जहणयं जुत्ताणंतयं होइ, अभवसिद्धिआवि तत्तिया होइ, तेण परं अजहणमणुक्कोसयाइं ठाणाइं जाव उक्कोसयं जुत्ताणंतयं न पावइ, उक्कोसयं जुत्ताणंतयं केवइयं होइ ?, जहणएणं जुत्ताणंतएणं अभवसिद्धिया गुणिया अण्णमण्णभासो रूवूणो उक्कोसयं जुत्ताणंतयं होइ, अहवा जहणयं अणंताणंतयं रूवूणं उक्कोसयं जुत्ताणंतयं होइ, जहणयं अणंताणंतयं केवइयं होइ ?, जहणं जुत्ताणंतएणं अभवसिद्धिया गुणिया अण्णमण्णभासो पडिपुण्णो जहणयं अणंताणंतयं होइ, अहवा उक्कोसए जुत्ताणंतए रूवे पक्खित्ते जहणयं अणंताणंतयं होइ, तेण परं अजहणमणुक्कोसयाइं ठाणाइं, से तं गणणासंखा, से किं तं भावसंखा ?, २ जे इमे जीवा संखगइनामगोत्ताइं कम्माइं वेइन्ति, से तं भावसंखा, से तं संखापमाणे, से तं भावपमाणे, से तं पमाणे । १४६ । से किं तं वत्तवया ?, २ तिविहा पं० तं०-ससमयवत्तवया परसमयवत्तवया ससमयपरसमयवत्तवया, से किं तं ससमयवत्तवया ?, २ जत्थ णं ससमए आघविज्जइ पण्णविज्जइ परूविज्जइ दंसिज्जइ निदंसिज्जइ उवदंसिज्जइ, से तं ससमयवत्तवया, से किं तं परसमयवत्तवया ?, २ जत्थ णं परसमए आघविज्जइ जाव उवदंसिज्जइ, से तं परसमयवत्तवया, से किं तं ससमयपरसमयवत्तवया ?, २ जत्थ णं ससमए परसमए आघविज्जइ जाव उवदंसिज्जइ, से तं ससमयपरसमयवत्तवया, इयाणिं को णओ कं वत्तवयं इच्छइ ?, तत्थ णेगमसंगहववहारा तिविहं वत्तवयं इच्छंति, तं०-ससमयवत्तवयं परसमयवत्तवयं ससमयपरसमयवत्तवयं, उज्जुसुओ दुविहं वत्तवयं इच्छइ, तं०-ससमयवत्तवयं परसमयवत्तवयं, तत्थ णं जा सा ससमयवत्तवया सा ससमयं पविट्ठा जा सा परसमयवत्तवया सा परसमयं पविट्ठा, तम्हा दुविहा वत्तवया, नत्थि तिविहा वत्तवया, तिण्णि सद्दणया एगं ससमयवत्तवयं इच्छंति, नत्थि परसमयवत्तवया, कम्हा ?, जम्हा परसमए अणट्टे अहेऊ असंभावे अकिरिए उम्मग्गे अणुवएसे मिच्छादंसणमितिकट्टु, तम्हा सद्दा ससमयवत्तवया, णत्थि परसमयवत्तवया णत्थि ससमयपरसमयवत्तवया, से तं वत्तवया । १४७ । से किं तं अत्थाहिगारे ?, २ जो जस्स अज्झयणस्स अत्थाहिगारो, तं०-‘सावज्जजोगविरई उक्कित्तण गुणवओ य पडिवत्ती । खलियस्स निंदणा वणतिगिच्छ गुणधारणा चेव ॥ १२३ ॥ से तं अत्थाहिगारे । १४८ । से किं तं समोयारे ?, २ छविहे पं० तं०-णामसमोआरे ठवणा० दब्ब० खेत्त० काल० भावसमोआरे, नामठवणाओ पुब्बं वणियाओ, जाव से तं भविअसरीरदब्बसमोआरे, से किं तं जाणयसरीरभविअसरीरवइरित्ते दब्बसमोआरे ?, २ तिविहे पं० तं०-आयसमोयारे परसमोयारे तदुभयसमोयारे, सद्दव्वावि णं आयसमोयारेणं आयभावे समोयरंति, परसमोआरेणं जहा कुंडे बदराणि, तदुभयसमोआरेणं जहा घरे खंभो आयभावे य, जहा घडे गीवा आयभावे य, अहवा जाणयसरीरभवियसरीरवइरित्ते दब्बसमोयारे दुविहे पं० तं०-आयसमोआरे य तदुभयसमोयारे य, चउसट्टिया आयसमोयारेणं आयभावे समोयरइ तदुभयसमोआरेणं बत्तीसियाए समोयरइ आयभावे य, बत्तीसिया आयसमोयारेणं आयभावे समोयरइ तदुभयसमोयारेणं सोलसियाए समोयरइ आयभावे य, सोलसिया आयसमोआरेणं आयभावे समोयरइ तदुभयसमोयारेणं अट्टभाइयाए समोयरइ आयभावे य, अट्टभाइया आयसमोआरेणं आयभावे समोयरइ तदुभयसमोआरेणं चउभाइयाए समोयरइ आयभावे य, चउभाइया आयसमोआरेणं आयभावे समोयरइ तदुभयसमोआरेणं अट्टमाणीए समोयरइ आयभावे य, अट्टमाणी आयसमोयारेणं आयभावे समोयरइ तदुभयसमोआरेणं माणीए समोयरइ आयभावे य, से तं जाणयसरीरभविअसरीरवइरित्ते दब्बसमोयारे, से तं नोआगमओ दब्बसमोयारे, से तं दव्वसमोआरे, से किं तं खेत्तसमोआरे ?, २ दुविहे पं० तं०-आयसमोआरे य तदुभयसमोआरे य, भरहे वासे आयस० आयभावे स० तदुभयसमोआरेणं जंबुहीवे समो० आयभावे य, जंबुहीवे आयसमो० आयभावे समोअरइ तदुभयसमोआरेणं तिरियलोए समोयरइ आयभावे य, तिरियलोए आयसमोआरेणं आयभावे समोयरइ तदुभयसमोआरेणं लोए समोयरइ आयभावे य, (लोए आयसमोआरेणं आयभावे समोयरइ तदुभयसमोआरेणं अलोए समोयरइ आयभावे य पा०) से तं खेत्तसमोआरे, से किं तं कालसमोआरे ?, २ दुविहे पं० तं०-आयसमोआरे य तदुभयसमोआरे य, समए आयसमोआरेणं आयभावे समोयरइ तदुभयसमोआरेणं आवलियाए समोयरइ आयभावे य, एवमाणापाणू थोवे लवे मुहुत्ते अहोरत्ते पक्खे मासे ऊऊ अयणे संवच्छरे जुगे वाससए वाससहस्से वाससयसहस्से पुव्वंगे पुव्वे तुडिअंगे तुडिए अडडंगे अडडे अववंगे अववे हूहूअंगे हूहूए उप्पलंगे उप्पले पउमंगे पउमे णलिंगे णलिणे अच्छिनिउरंगे अच्छिनिउरे अउअंगे अउए नउअंगे नउए पउअंगे पउए चूलिअंगे चूलिया सीसपहेलिअंगे

सीसपहेलिया पल्लिओवमे सागरोवमे आयसमोआरेणं आयभावे स० तदुभयसमोआरेणं ओसप्पिणीउस्सप्पिणीसु समयरइ आयभावे य, ओसप्पिणीउस्सप्पिणीओ आयसमोआरेणं आयभावे० तदुभयस० पोग्गलपरियट्टे समो० आयभावे य, पोग्गलपरियट्टे आयसमोआरेणं आयभावे समयरइ तदुभयस० तीतद्धाअणागतद्धासु समयरइ आय०, तीतद्धाअणागतद्धाउ आयस० आयभावे० तदुभयसमोआरेणं सबद्धाए समयरइ आयभावे य. से तं कालसमो-यारे, से किं तं भावसमोयारे?, २ दुविहे पं० तं०-आय० तदुभयस०, कोहे आय० आयभावे स० तदु० माणे समो० आयभावे य, एवं माणे माया लोभे रागे मोहणिजे अट्ट कम्मपयडीओ आयसमोआरेणं आयभावे समयरइ तदुभयसमोआरेणं छुव्विहे भावे समयरइ आयभावे य, एवं छुव्विहे भावे जीवे, जीवत्थिकाए आयसमोआरेणं आयभावे समयरइ तदुभयसमोआरेणं सव्वदव्वेसु समोअरइ आयभावे य. एत्थ संगहणीगाहा 'कोहे माणे माया लोभे रागे य मोहणिजे य। पगडी भावे जीवे जीवत्थिकाय दव्वा य ॥ १२४ ॥ (जीवत्थिय सव्वदव्वा य ॥ १ ॥ एसा गाथा फासेयव्वा पा०) से तं भावसमोयारे, से तं समयारे, से तं उवक्कमे. १४९। से किं तं निक्खेवे?, २ तिविहे पं० तं०-ओहनिप्फण्णे नामनिप्फण्णे सुत्तालावगनिप्फण्णे, से किं तं ओहनिप्फण्णे?, २ चउव्विहे पं० तं०-अज्झयणे अज्झीणे आए खवणा, से किं तं अज्झयणे?, २ चउव्विहे पं० तं०-णामज्झयणे ठवणज्झयणे दव्व-ज्झयणे भावज्झयणे, णामट्टवणाओ पुव्वं वणिणयाओ, से किं तं दव्वज्झयणे?, २ दुविहे पं० तं०-आगमओ य णोआगमओ य, से किं तं आगमओ दव्वज्झयणं?, २ जस्स णं अज्झयणत्ति पयं सिक्खियं ठियं जियं मियं परिजियं जाव एवं जावइया अणुवउत्ता आगमओ तावइयाइं दव्वज्झयणाइं, एवमेव ववहारस्सवि, संगहस्स णं एगो वा अणेगो वा जाव से तं आगमओ दव्वज्झयणे, से किं तं णोआगमओ दव्वज्झयणे?, २ तिविहे पं० तं०-जाणयसरी-रदव्वज्झयणे भविअसरीरदव्वज्झयणे जाणयसरीरभविअसरीरवइरित्ते द०, से किं तं जाणग०?, २ अज्झयणपयत्थाहिगारजाणयस्स जं सरीरं ववगयचुअचाविअचत्तदेहं जीवविप्पजढं जाव अहो णं इमेणं सरीरसमुस्सएणं जिण-दिट्ठेणं भावेणं अज्झयणेत्ति पयं आघवियं जाव उवदंसियं, जहा को दिट्ठतो?, अयं घयकुंभे आसी अयं महुकुंभे आसी, से तं जाणयसरीरदव्वज्झयणे, से किं तं भविअसरीरदव्वज्झयणे?, २ जे जीवे जोणिजम्मणनिक्खंते इमेणं चव आदत्तएणं सरीरसमुस्सएणं जिणदिट्ठेणं भावेणं अज्झयणेत्तिपयं सेअकाले सिक्खिस्सइ न ताव सिक्खइ, जहा को दिट्ठतो?, अयं महुकुंभे भविस्सइ अयं घयकुंभे भविस्सइ, से तं भविअसरीरदव्वज्झयणे, से किं तं जाणयसरीरभ-विअसरीरवइरित्ते दव्वज्झयणे?, २ पत्तयपोत्थयलिहियं, से तं जाणयसरीरभविअसरीरवइरित्ते दव्वज्झयणे, से तं णोआगमओ दव्वज्झयणे, से तं दव्वज्झयणे, से किं तं भावज्झयणे?, दुविहे पं० तं०-आगमओ य णोआगमओ य, से किं तं आगमओ भावज्झयणे?, २ जाणए उवउत्ते, से तं आगमओ भावज्झयणे, से किं तं नोआगमओ भावज्झयणे?, २ 'अज्झप्पस्साणयणं कम्माणं अवचओ उवचियाणं। अणुवचओ य नवाणं तम्हा अज्झयणमिच्छंति ॥ १२५ ॥ से तं णोआगमओ भावज्झयणे, से तं भावज्झयणे, से तं अज्झयणे, से किं तं अज्झीणे? २ चउव्विहे पं० तं०-णामज्झीणे ठवण० दव्व० भावज्झीणे, नामठवणाओ पुव्वं वणिणयाओ, से किं तं दव्वज्झीणं?, २ दुविहे पं० तं०-आगमओ य नोआगमओ य, से किं तं आगमओ दव्वज्झीणे?, २ जस्स णं अज्झीणेत्तिपयं सिक्खियं जाव से तं आगमओ दव्वज्झीणे, से किं तं नोआगमओ दव्वज्झीणे?, २ तिविहे पं० तं०-जाणयसरीरदव्वज्झीणे भवियसरीरदव्वज्झीणे जाणयसरीरभवियसरीरवइरित्ते दव्वज्झीणे, से किं तं जाणयसरीरदव्वज्झीणे?, २ अज्झीणपयत्थाहिगारजाणयस्स जं सरीरयं ववगयचुयचावियचत्तदेहं जहा दव्वज्झयणे तहा भाणियव्वं, जाव से तं जाणय-सरीरदव्वज्झीणे, से किं तं भवियसरीरदव्वज्झीणे?, २ जे जीवे जोणिजम्मणनिक्खंते जहा दव्वज्झयणे जाव से तं भवियसरीरदव्वज्झीणे, से किं तं जाणयसरीरभवियसरीरवइरित्ते दव्वज्झीणे?, सव्वागाससेढी, से तं जाणयसरीर-भवियसरीरवइरित्ते दव्वज्झीणे, से तं नोआगमओ दव्वज्झीणे, से तं दव्वज्झीणे, से किं तं भावज्झीणे?, २ दुविहे पं० तं०-आगमओ य नोआगमओ य, से किं तं आगमओ भावज्झीणे?, २ जाणए उवउत्ते, से तं आगमओ भावज्झीणे, से किं तं नोआगमओ भावज्झीणे?, २ 'जह दीवा दीवसयं पइप्पए दिप्पए य सो दीवो। दीवसमा आयरिया दिप्पंति परं च दीवंति ॥ १२६ ॥ से तं नोआगमओ भावज्झीणे, से तं भावज्झीणे, से तं अज्झीणे। से किं तं आए?, २ चउव्विहे पं० तं०-नामाए ठवणाए दव्वाए भावाए, नामठवणाओ पुव्वं भणिणयाओ, से किं तं दव्वाए?, २ दुविहे पं० तं०-आगमओ य नोआगमओ य, से किं तं आगमओ दव्वाए?, २ जस्स णं आयत्तिपयं सिक्खियं ठियं जाव कम्हा?, अणुवओगो दव्वमितिकट्टु, नेगमस्स णं जावइया अणुवउत्ता आगमओ तावइया ते दव्वाया, जाव से तं आगमओ दव्वाए, से किं तं नोआगमओ दव्वाए?, २ तिविहे पं० तं०-जाणयसरीरदव्वाए भवि-असरीरदव्वाए जाणयसरीरभविअसरीरवइरित्ते दव्वाए, से किं तं जाणयसरीरदव्वाए?, २ आयपयत्थाहिगारजाणयस्स जं सरीरयं ववगयचुअचाविअचत्तदेहं जहा दव्वज्झयणं जाव से तं जाणयसरीरदव्वाए, से किं तं भविअसरी-रदव्वाए?, २ जे जीवे जोणिजम्मणनिक्खंते जहा दव्वज्झयणे जाव से तं भविअसरीरदव्वाए, से किं तं जाणयसरीरभविअसरीरवइरित्ते दव्वाए?, २ तिविहे पं० तं०-लोइए कुप्पावयणिए लोगुत्तरिए, से किं तं लोइए?, २ तिविहे पं० तं०-सच्चित्ते अच्चित्ते मीसए य, से किं तं सच्चित्ते?, २ तिविहे पं० तं०-दुपयाणं चउप्पयाणं अपयाणं, दुपयाणं दासाणं दासीणं चउप्पयाणं आसाणं हत्थीणं अपयाणं अंबाणं अंबाडगाणं आए, से तं सच्चित्ते, से किं तं अच्चित्ते?, २ सुवण्णरययमणिमोत्तिअसंखसिलप्पवालरत्तरयणाणं (संतसारसावएजस्स) आए, से तं अच्चित्ते, से किं तं मीसए?, २ दासाणं दासीणं आसाणं हत्थीणं समाभरिआउज्जालंकियाणं आए, से तं मीसए, से तं लोइए, से किं तं कुप्पावयणिए?, २ तिविहे पं० तं०-सच्चित्ते अच्चित्ते मीसए य, तिण्णिवि जहा लोइए, जाव से तं मीसए, से तं कुप्पावयणिए, से किं तं लोगुत्तरिए?, २ तिविहे पं० तं०-सच्चित्ते अच्चित्ते मीसए य, से किं तं सच्चित्ते?, २ सीसाणं सिस्सणिआणं, से तं सच्चित्ते, से किं तं अच्चित्ते?, २ पडिग्गहाणं वत्थाणं कंनलाणं पायपुंछणाणं आए, से तं अच्चित्ते, से किं तं मीसए?, २ सिस्साणं सिस्सिणियाणं सभंडोवगरणाणं आए, से तं मीसए, से तं लोगुत्तरिए, से तं

जाणयसरीरभवियसरीरवइरित्ते दब्बाए, से तं नोआगमओ दब्बाए, से तं दब्बाए, से किं तं भावाए?, दुविहे २ पं० तं०-आगमओ य नोआगमओ य, से किं तं आगमओ भावाए?, २ जाणए उवउत्ते, से तं आगमओ भावाए, से किं तं नोआगमओ भावाए?, २ दुविहे पं० तं०-पसत्थे य अपसत्थे य, से किं तं पसत्थे?, २ तिविहे पं० तं०-णाणाए दंसणाए चरिताए, से तं पसत्थे, से किं तं अपसत्थे?, २ चउव्विहे पं० तं०-कोहाए माणाए मायाए लोहाए, से तं अपसत्थे, से तं नोआगमओ भावाए, से तं भावाए, से तं आए। से किं तं झवणा?, २ चउव्विहा पं० तं०-नामज्झवणा ठव० दब्ब० भावज्झवणा, नामट्टवणाओ पुव्वं भणियाओ, से किं तं दब्बज्झवणा?, २ दुविहा पं० तं०-आगमओ य नोआगमओ य, से किं तं आगमओ दब्बज्झवणा?, २ जस्स णं झवणेतिपयं सिक्खियं जाव से तं आगमओ दब्बज्झवणा, से किं तं नोआगमओ दब्बज्झवणा?, २ तिविहा पं० तं०-जाणयसरीरदब्बज्झवणा भवियसरीरदब्बज्झवणा जाणयसरीरभवियसरीरवइरित्ता दब्बज्झवणा, से किं तं जाणय०?, २ झवणापयत्थाहिगारजाणयस्स जं सरीरयं ववगयचुय सेसं जहा दब्बज्झयणे, जाव से तं जाणय०, से किं तं भवि० दब्ब०?, २ जे जीवे जोणिजम्मणिकखंते सेसं जहा दब्बज्झयणे, जाव से तं भविअसरीरदब्बज्झवणा, से किं तं जाणयसरीरभवियसरीरवइरित्ता दब्बज्झवणा?, २ जहा जाणयसरीरभवियसरीरवइरित्ते दब्बाए तहा भाणियत्ता, जाव से तं मीसिया, से तं लोगतुरिया, से तं जाणयसरीरभवियसरीरवइरित्ता दब्बज्झवणा, से तं नोआगमओ दब्बज्झवणा, से तं दब्बज्झवणा, से किं तं भावज्झवणा?, २ दुविहा पं० तं०-आगमओ य नोआगमओ य, से किं तं आगमओ भावज्झवणा?, २ जाणए उवउत्ते, से तं आगमओ भावज्झवणा, से किं तं नोआगमओ भावज्झवणा?, २ दुविहा पं० तं०-पसत्था य अपसत्था य, से किं तं पसत्था?, २ चउव्विहा पं० तं०-कोहज्झवणा माणज्झवणा मायज्झवणा लोहज्झवणा, से तं पसत्था, से किं तं अपसत्था?, २ तिविहा पं० तं०-नाणज्झवणा दंसणज्झवणा चरित्तज्झवणा, से तं अपसत्था, से तं नोआगमओ भावज्झवणा, से तं भावज्झवणा, से तं झवणा, से तं ओहनिप्फण्णे, से किं तं नामनिप्फण्णे?, २ सामाइए, से समासओ चउव्विहे पं० तं०-णामसामाइए ठवणा० दब्ब० भावसामाइए, णामठवणाओ पुव्वं भणियाओ, दब्बसामाइएवि तहेव, जाव से तं भविअसरीरदब्बसामाइए, से किं तं जाणयसरीरभवियसरीरवइरित्ते दब्बसामाइए?, २ पत्तयपोत्थयलिहियं, से तं जाणयसरीरभवियसरीरवइरित्ते दब्बसामाइए, से तं नोआगमओ दब्बसामाइए, से तं दब्बसामाइए, से किं तं भावसामाइए?, २ दुविहे पं० तं०-आगमओ य नोआगमओ य, से किं तं आगमओ भावसामाइए?, २ जाणए उवउत्ते, से तं आगमओ भावसामाइए, से किं तं नोआगमओ भावसामाइए?, २ 'जस्स सामाणिओ अप्पा, संजमे णियमे तवे। तस्स सामाइयं होइ, इइ केवलिभासियं ॥ १२७ ॥ जो समो सव्वभूएसु, तसेसु थावरेसु य। तस्स सामाइयं होइ, इइ केवलिभासियं ॥ ८ ॥ जह मम ण पियं दुक्खं जाणिय एमेव सव्वजीवाणं। न हणइ न हणावेइ य सममणई तेण सो समणो ॥ ९ ॥ णत्थि य सि कोइ वेसो पिओ व सव्वेसु चेव जीवेसु। एएण होइ समणो एसो अन्नोऽवि पज्जाओ ॥ १३० ॥ उरगगिरिजलणसागरनहतलतरुणसमो य जो होइ। भमरमियधरणिजलरुहरविपवणसमो य सो समणो ॥ १ ॥ तो समणो जइ सुमणो भावेण य जइ ण होइ पावमणो। सयणे य जणे य समो समो य माणावमाणेसु ॥ २ ॥ से तं नोआगमओ भावसामाइए, से तं भावसामाइए, से तं सामाइए, से तं नामनिप्फण्णे, से किं तं सुत्तालावगनिप्फण्णे?, २ इयाणिं सुत्तालावयनिप्फण्णं निक्खेवं इच्छावेइ, से य पत्तलक्खणेऽवि ण णिक्खिप्पइ, कम्हा?, लाघवत्थं, अत्थि इओ तइए अणुओगदारे अणुगमेत्ति, तत्थि णिक्खित्ते इहं णिक्खित्ते भवइ, इहं वा णिक्खित्ते तत्थि णिक्खित्ते भवइ, तम्हा इहं ण णिक्खिप्पइ तहिं चेव निक्खिप्पइ, से तं निक्खेवे। १५०। से किं तं अणुगमे?, २ दुविहे पं० तं०-सुत्ताणुगमे य निज्जुत्तिअणुगमे य, से किं तं निज्जुत्तिअणुगमे?, २ तिविहे पं० तं०-निक्खेवनिज्जुत्तिअणुगमे उवग्घायनिज्जुत्तिअणुगमे सुत्तप्फासियनिज्जुत्तिअणुगमे, से किं तं निक्खेवनिज्जुत्तिअणुगमे?, २ अणुगए, से तं निक्खेवनिज्जुत्तिअणुगमे, से किं तं उवग्घायनिज्जुत्तिअणुगमे?, २ इमाहिं दोहिं मूलगाहाहिं अणुगंतव्वो, तं०-' उद्देसे निद्देसे य निग्गमे खेत्त काल पुरिसे य। कारण पच्चय लक्खण नए समोआरणाऽणुमए ॥ ३ ॥ किं कइविहं कस्स कहिं केसु कइं किच्चिरं हवइ कालं?। कइ संतरमविरहियं भवाऽऽगरिस फासण निरुत्ती ॥ ४ ॥ से तं उवग्घायनिज्जुत्तिअणुगमे, से किं तं सुत्तप्फासियनिज्जुत्तिअणुगमे?, २ सुत्तं उच्चारयत्तं अक्खलियं अमिलियं अवच्चांमेलियं पडिपुण्णं पडिपुण्णघोसं कंठोट्टविप्पमुक्कं गुरुवायणोवगयं, तओ तत्थि णज्जिहित्ति ससमयपयं वा परसमयपयं वा वंधपयं वा मोक्खपयं वा सामाइअपयं वा णोसामाइअपयं वा, तओ तम्मि उच्चारिए समाणे केसिंचणं भगवंताणं केइ अत्थाहिगारा अहिगया भवंति, केइ अत्थाहिगारा अणहिगया भवंति, ततो तेसिं अणहिगयाणं अहिगमणट्टाए पयंपएणं वन्नइस्सामि 'संहिया य पद्रं चेव, पयत्थो पयविग्गहो। चालणा य पसिद्धी य, छव्विहं विद्धि लक्खणं ॥ ५ ॥ से तं सुत्तप्फासियनिज्जुत्तिअणुगमे, से तं निज्जुत्तिअणुगमे, से तं अणुगमे। १५१। से किं तं णए?, सत्त मूलणया पं० तं०-णेगमे संगहे ववहारे उज्जुसुए सदे समभिरूढे एवंभूए, तत्थि 'णेगेहिं माणेहिं मिणइत्ती णेगमस्स य नेरुत्ती। सेसाणंपि नयाणं लक्खणमिणमो सुणह वोच्छं ॥ ६ ॥ संगहिअपिंडिअत्थं संगहवयणं समासओ विति। वच्चइ विणिच्छिअत्थं ववहारो सब्बदब्बेसुं ॥ ७ ॥ पच्चुप्पन्नगाही उज्जुसुओ णयविही मुणेअव्वो। इच्छइ विसेसियतरं पच्चुप्पण्णं णओ सद्दो ॥ ८ ॥ वत्थूओ संकमणं होइ अवत्थू नए समभिरूढे। वंजणअत्थतदुभयं एवंभूओ विसेसेइ ॥ ९ ॥ णायंमि गिण्हिअब्बे अगिण्हिअब्बंमि चेव अत्थंमि। जइअब्रमेव इइ जो उवएसो सो नओ नाम ॥ १४० ॥ सब्बेसिंपि नयाणं बहुविहवत्तव्वयं निसामित्ता। तं सब्बनयविसुद्धं जं चरणगुणट्टिओ साहू ॥ १४१ ॥ से तं नए। १५२। अणुओगदारा समत्ता। वीरविभोः २४६९ विक्रमस्य १९९९ शकस्य १८६४ अब्देपु पौषशुक्लैकादश्यां चंद्रवासरे क्राइष्टस्य १७-१-१९४३ 'कुमतध्वांतविध्वंसी, संघाव्जालिविबोधनः। जीवादितत्त्वविद्योती, जयताच्छ्रीजिनागमः ॥ १ ॥ एवं समाप्ताः पंचचत्वारिंशदागमाः (३३४)

श्रीअनुयोगद्वाराणि २ श्रीराजनगरीयसाहित्यप्रदर्शनागतज्ञानद्रव्येण श्रीदेशविरतिधर्माधकसंस्थयोत्कारितं सौराष्ट्रदेशेउपसिद्धाद्रिपादलिप्तपुरे शिलोत्कीर्णसकलागमोपेतश्रीवर्धमानजैनागममन्दिरे शोधितं चाचार्यानन्दसागरेण

इति महागोपमहामाहनमहानिर्यामकमहासार्थवाहचतुस्त्रिंशदतिशयवच्चरमतीर्थकरज्ञातपुत्रश्रीमहावीरशासने श्रीदेवद्विगणिक्रमाश्रमणैः पुस्तकीकृताहृतसिद्धान्तेषु श्रीआ-
 चारांगप्रभृतीन्येकादशांगानि श्रीऔपपातिकप्रभृतीनि द्वादशोपांगानि श्रीचतुःशरणप्रभृतीनि दश प्रकीर्णकानि श्रीनिशीथप्रभृतीनि षट् छेदसूत्राणि श्रीआवश्यकदीनि चत्वारि
 मूलसूत्राणि श्रीनन्दीअनुयोगौ चेति पंचचत्वारिंशदांगमाः सौराष्ट्रदेशे पादलिप्तपुरे श्रीसिद्धाचलाद्रितलहृदिकागतश्रीवर्धमानजैनागममंदिरे शिलायामुत्कारिताः शोधिताश्च
 श्रीसुधर्मस्वामिश्रीजम्बूस्वामिश्रीप्रभवस्वामिश्रीशय्यंभवश्रीयशोभद्रश्रीसंभूतिविजयश्रीस्थूलभद्रश्रीसुहस्तिसूरिश्रीसुस्थितसुप्रतिबुद्ध १० श्रीइन्द्रदिन्नश्रीदिन्नसूरिश्रीसिंहगिरि-
 श्रीवज्रस्वामिश्रीवज्रसेनचंद्रगच्छेशश्रीचंद्रसूरिवनवासगच्छेशश्रीसामन्तभद्रसूरिश्रीवृद्धदेवसूरिश्रीप्रद्योतनसूरिश्रीमानदेवसूरि २० श्रीमानतुंगसूरिश्रीवीरसूरिश्रीजयदेवसूरिश्रीज-
 यानन्दसूरिश्रीविक्रमसूरिश्रीनृसिंहसूरिश्रीसमुद्रसूरिश्रीमानदेवसूरिश्रीविबुधप्रभसूरिश्रीजयानन्दसूरि ३० श्रीस्विप्रभसूरिश्रीयशोदेवसूरिश्रीप्रद्युम्नसूरिश्रीमानदेवसूरिश्रीविमलचं-
 द्रसूरिश्रीउद्योतनसूरिश्रीहृद्गच्छाधीशश्रीसर्वदेवसूरिश्रीदेवसूरिश्रीसर्वदेवसूरियशोभद्रसूरि ४० मुनिचंद्रसूरिअजितदेवसूरिविजयसिंहसूरिसोमप्रभसूरितपोगच्छेशतपस्विहीरलाजग-
 चंद्रसूरिदेवेन्द्रसूरिधर्मघोषसूरिसोमप्रभसूरिसोमतिलकसूरिदेवसुंदरसूरि ५० सौमसुंदरसूरिमुनिसुंदरसूरिरत्नशेखरसूरिलक्ष्मीसागरसूरिसुमतिसाधुसूरिहेमविमलसूरिआनन्दविमल-
 सूरिविजयदानसूरिहीरविजयसूरिसहजसागर ६० जयसागरन्यायसागरजीतसागरमानसागरमयगलसागरपद्मसागरस्वरूपसागरनाणसागरमयासागरगौतमसागर ७० झवेरसागर-
 जीपादकमलचंचरीकानन्दसागरसूरिणा चत्वारिंशद्देवकुलिकाशिखरयुक्तप्रासादचतुष्कश्रीशाश्वतजिनप्रासादयुते मंदिरे सकला आगमाः शिलासु प्रतिष्ठापिताश्च

सूत्रनाम	सूत्राणि	गाथाःशिलांकः	व्यवहारःदशसूत्रेषु
आचारांगं	४०२	१४७ १	३५-३०-२९-३२-२१
सूत्रकृतांगं	८२	७३२ १०	१२-२७-१६-४६-३७ २४३
स्थानांगं	७८३	१६९ १९	दशाश्रुतस्कंधच्छेदसूत्रं ५७ ५३ २४५
समवायांगं	१६०	१६८ ३३	(कल्पसूत्रं वारसा) १२० २६ २४८
श्रीभगवत्यंगं	८६९	११४ ४४	जीतकल्पभाष्यं मू० १०३ व्याख्या २७११ २५३
ज्ञातधर्मकथांगं	१६५	५६ १०१	(पञ्चकल्पभाष्यं) २६६५ २६६
उपासकदशांगं	५९	१३ १२२	महानिशीथच्छेदसूत्रं अ० ७-३२ २१७-२०८ २७९
अन्तकृद्दशांगं	२८	१२ १२६	४२-१० १३६-०
अनुत्तरौपपातिकदशांगं	६	२ १३०	२८-२ १२८-४१६
प्रश्नव्याकरणांगं	३०	१४ १३०	२२-८ १०३-३०
विपाकश्रुतांगं	३३	१३४	आवश्यकं सनिर्यु- सू. ५४ नि. १७१९ भा. २५७
औपपातिकमुपांगं	४३	३० १३९	क्तिकं मूलसूत्रं सूत्रगाथाः २१ २९४
राजप्रश्रीयं	८५	० १४३	(ओघनिर्युक्तिः) नि. ८१२ भा. ३२२ ३०५
जीवाजीवाभिगमः	२७२	९३ १५१	दशवैकालिकं २१ ५१५ ३११
प्रज्ञापना	३५२	२३१ १६९	पिंडनिर्युक्तिः नि० ६७१ भा. ३७ ३१४
सूर्यप्रज्ञप्तिः	१०७	१०३ १९५	उत्तराध्ययनानि मूलसूत्रं ५८ १६४० ३१८
चंद्रप्रज्ञप्तिः	१०७	१०३ २०५	नन्दीसूत्रं ५९ ९० ३२५
			अनुयोगद्वारसूत्रं १२५ १५२ ३२७